

# WANTOK

Wan Wik, Epril 22 - 28, 2004


NIUSPEPA BILONG OL PNG STRET

Namba 1553

K1 tasol

## Insait

Lo na oda  
em wok bilong  
yumi olgeta  
**-PES 3**



Tingim bek  
Sir Anthony -  
PES 15 Ritim  
stori bilong dis-  
pela bikman i  
helpim long  
Sanapim PNG

**NRL  
NIUS**  
PES 28 na 29

Nupela opis bilong  
WANTOK NIUSPEPA i  
stap nau klostu long  
BSP Benk arere long  
Stop n Shop Waigani  
Rot. Mipela i stap  
daunbilo long waitpela  
opis wantaim NAQIA na  
MONDO opis..

# Australia tok klia long ol i rausim Baure

### William Natera i raitim

HAI KOMISIN bilong Australia long Pot Mosbi i tok olsem Australia i bin rausim Johnathan Jay Baure, wanpela man Papua Niugini long Sydney long Febueri 28, bilong wanem em i no bin holim wanpela visa o pepa long stap long hap.

Taim Mista Baure i bin toktok long Wantok Niuspepa long tupela mun i go pinis bihain long em i bin kamap long Pot Mosbi, em i tok olsem tupela Federel Polis opisa bilong Australia i bin holim pasim em long 3 kilok moning long haus bilong em long Sydney long tripela mun i go pinis, givim sut long em long mekim em i stap isi taim em i traim long sekim ol, taitim han

bilong em na karim em i go long ples balus. Em i tok ol i bin kalap long balus na kam olgeta long Pot Mosbi.

Em i bilip olsem dispela i bin kamap bikos em i bin laik kisim Minista bilong Imigresen na Maltikalsarel na Indijines Afeas bilong Australia i go long kot long pait long rait bilong ol Papua manmeri we mama i bin karim ol pastaim long Indipendens De, we ol inap long kamap sitisen bilong Australia o karim nem olsem manmeri bilong Australia.

Mista Baure i tok em i bin painimaut olsem ol pipel husat mama i bin karim pastaim long Septemba 16, 1975, o krismas bilong ol i bin aninit long 19 long dispela taim, em ol sitisen bilong Australia bilong

wanem Papua i bin wanpela teritori o hap graun stet bilong Australia, na i no wanpela koloni o hap graun we Australia i bosim tasol.

Em i tok olsem long dispela as ol lain i gat rait long i go kam long Australia o stap long hap na i no nid long kisim visa (pepa we i makim taim we wanpela i ken raun i go long stap long narapela kantri).

Mista Baure i tok bikpela as tingting bilong em em long ol dispela lain inap kamap sitisen bilong Australia, tasol Australia i no bin toksave long ol long dispela long 1975 yet i kam inap nau.

Em i tok sapos ol i bin save long dispela ol bai save olsem ol i bin gat rait long stap long Australia long dispela taim inap long tude.

Tasol Hai Komisn bilong

Australia i tokim Wantok Niuspepa olsem Mista Baure i no bin holim visa long stap long Australia na lo bilong ol i tok olsem ol i mas dipotim o rausim em. Pasin bilong dipotim man em olgeta kantri long wol i gat rait long mekim sapos ol i painimaut olsem i gat man i nogat pepa bilong stap insait long kantri bilong ol.

Hai Komisn i tok Mista Baure i wok long stap long Villawood Ditensen Senta (ples we ol i save holim ol manmeri husat i nogat visa) taim ol i bin rausim em na i no long haus bilong em.

Hai Komisn i tok tu olsem wok bilong rausim Mista Baure i bin kamap isi tasol, na nogat wanpela pait o hevi i bin kamap.

Hai Komisn i tok tu olsem Australia i bin toksave long PNG Hai Komisn long Canberra olsem dispela wok dipotesin bai kamap.

Long sait bilong ol rait bilong ol Papua manmeri we mama i bin karim pastaim long Indipendens o husat i bin aninit long 19 krismas long dispela taim, Hai Komisn bilong Australia i tok olsem pastaim long Indipendens Papua i bin wanpela teritori bilong Australia na ol pipel husat mama i bin karim bipo long Indipendens em ol sitisen bilong Australia, long Tok Inglis ol i tok 'by birth'.

Papua i bin hap bilong Australia olsem Australian Sitisensip Ekt 1948 i tok, tasol i no hap tru olsem Migresen Ekt 1958 i tok.

Australian sitisensip wanpela i kisim taim mama i karim em long Papua pastaim long Indipendens i no min olsem ol wantu i gat rait long go long Australia na stap long hap.

Tasol wanpela husat mama i karim pastaim long Indipendens, na papamama i bilong Australia, i gat rait long aplai long kisim pemenen residensi o stap olgeta long Australia.

*I go moa long pes 3*



**PNG STAIL PULIM AI...**Tupela yangpela meri bilong anda 19 soka tim bilong Australia ol junia Matilda husat i bin kamap long Pot Mosbi long Mande i ai gris tru long kalsa bilong PNG. Ol meri Australia i pilal agensim ol wansolwara meri bilong Solomon Allan na ol meri bilong PNG yet.

**KLINA** Lavender

Niupela kala Gutpela smel

**POLIS RIPOT**

**Nesanel Kapitel Distrik:**

PLIS insait long Nesanel Kapitel Distrik (NCD) bai i no inap long wokim wanpela samting yet long bagarapim ol hos masin inap Suprim kot i givim disisen bilong em.

Bos bilong ol plis long NCD na Sentrel provins Emmanuel Hela i tok plis hetkota na ol grup i stap insait long dispela samting long noken wokim wanpela samting inap kot i harim apil long dispela keis.

Long Mas 29 bilong dispela yia, Nesanel Kot Jas Cathy Davani i bin tok ol dispela hos masin i brukim lo na operet insait long kantri. Na em bin givim oda long rausim ol dispela masin long siti insait long wanpela mun.

Ol papa bilong masin i no bin wanbel long disisen na kisim i go long Suprim Kot bai lukluk long en.

Ol no laikim tu plis i karimaut oda bilong Jastis Davani taim ol i wetim Suprim Kot i givim tingting bilong em long dispela samting.

Mista Hela i tok ikam inap nau, plis long NCD i bin kisim pinis 64 masin.

**Lae:**

PLIS long Lae i wok long painim ol lain husat i bin kilim dai meri bilong menesa bilong Pine Loj long Bulolo insait long Morobe provins.

Plis i tokaut long nem bilong daimeri olsem Rose Mathews. Em i hap Sepik na Tolai na em i maritim bikman bilong Pine Loj.

Provinsel Plis Komanda bilong Morobe provins Giossi Labi i tok Misis Mathews i wok long kam bek long maket wantaim haus meri bilong em na ol i kisim win aninit long diwai taim ol raskol i bin pulim bek bilong em. Em bin ronin ol na wanpela raskol i sutim em long bel na ol narapela hap long bodi bilong em wantaim naip.

Mista Labi i tok maski blut i kapsait, Misis Mathews i ron bihainim ol raskol i kisim bek bilong em. Taim em i ron inap long Erima Strit, em bin pundaun. Ol i kisim em i go long haus sik tasol em bin dai.

**Dokta Epstein laikim gutpela sapot long AIDS na meri wok**

**Veronica Hatutasi i raitim**

BIKNEM Antropolojis bilong kantri Inglen husat i bin stap long kantri 45 krismas i go pinis i mekim lukluk raun i kam bek long PNG wantaim bikpela konsen o wari long ol sosel na helt isu. Na em i wok long givim

ol pablik semina i sut long ol dispela isu.

Nem bilong bikmeri antropolojis o save manmeri i save stadim ol pasin kalsa, tumbuna, laip na sindaun bilong ol asples pipel, em Dokta Scarlett Epstein.

Em bin wok na stap na

mekim ol wok rises long laip na stap bilong ol Tolai pipel namel long 1959 na 1961. Em na man bilong em husat i wanpela biknem antropolojis tasol i dai pinis i bin wok na stap namel long ol Tolai pipel na ol i gat bikpela luksave long ol pipel.

Dokta Epstein i raitim sam-

pela buk long laip, sosel na ikonmik eria long PNG.

Long stap bilong em long PNG, em i wok long toktok long HIV-AIDS semina na lukluk long bisnis komyuniti na rot ol i ken helpim kamapim gut laip bilong ol pipel long dispela eria.

**Wok long rausim ol gan long Bogenvil go gut**

**Veronica Hatutasi i raitim**

Wok long rausim ol gan long Bogenvil i go gut na ol i bagarapim na tromoim pinis 75 pesen long ol gan we ol i bin putim long ol kontena.

Stat long Desemba 2001, mak bilong ol gan ol bin putim long kontena i abrusim 2,000 mak.

Foapela distrik long Bogenvil i pinisim wok bilong rausim na bagarapim ol gan. Em long Bana na Torokina long Saut Bogenvil, Wakunai long Sentrel na Selau-Suir long Not Bogenvil.

Wok i go het long ol narapela distrik long pinsim dispela wok. Bihain long wok bilong rausim ol gan i pinis, bai ileksen i kamap long nupela otonomi gavman

bilong Bogenvil.

Minista bilong Inta Gavman Rilesens na Bogenvil Afeas Sir Peter Barter i tok ol lain i stap insait long "No-go-zone" eria i go pinis insait long wok bilong rausim na bagarapim ol gan.

Dispela i bin kamap insait long wanpela seremoni long Arawa we ol bin rausim na bagarapim 91 gan.

Em i tok tu olsem narapela wankain seremoni i bin kamap long ples Piruana we ol eks paitman i bin bagarapim ol gan.

Sir Peter i tok ol dispela wok i strongim gutpela sindaun na pasin bilong i no pret na raun mekim wok long ol komyuniti na

...Glasim namba tu Mama Lo draf

pipel. Long wankain taim tu, wok long nupela Mama Lo bilong Bogenvil i go het. Long nau, Nesanel Gavman i givim ripot bilong em long namba tu draf i go long ol Bogenvil lida i lukluk long en.

Ol Bogenvil lida bai lukluk long en sindaun wantaim nesanel baipatisen komiti bipo ol i putim long fainal na namba tri draf.

Bihain long ol i givim tok orait long laspela draf, Bogenvil bai redi long wokim ileksen bilong otonomi gavman.

Ol i bilip olsem dispela bai kamap bipo long pinis bilong dispela yia.

**PNG lusim wanpela top lida na gutpela pikinini**

**Veronica Hatutasi i raitim**

WANPELA top lida na gutpela pikinini stret bilong PNG i bin dai las Fraide nait long Wesley Haus sik long Australia bihain long em i gat sik kensa.

Nem bilong bikman ya em Sir Anthony Siaguru. Em i bilong Is Sepik provins.

Sir Anthony i bin gat 57 krismas taim em i dai long. Em i marit na i gat tripela pikinini man na sampela bubu.

Em i bin wokim planti samting stret long mekim PNG i go het long ol wok developmen. Em bin kamap namba wan Foren Afeas seketeri taim PNG i kisim independens. Em i bin go pas long planti bikpela samting na makim PNG long planti ovasis wok na raun. PNG i sori tru long lusim wanpela gutpela pikinini man bilong em.

Lukim moa laipstori na piksa bilong em long pes 15.

Hia em tok sori sampela lida i wokim long leit Sir Anthony.

Praim Minista Sir Michael Somare: "Mi na famili na kantri i luksave long bikpela kon-

**Toktok bilong ol lida long leit Sir Anthony**

tribusen we Sir Anthony i bin mekim long developmen bilong PNG, stat yet long taim bilong independens i kam inap nau. Em bin paionia long Foren Afeas na Tred na taim em i kamap olsem Pablik Sevis Minista long nupela independen kantri na em bin karimaut ol wok long nupela pablik sevis riform."

Foren Afeas Minista Sir Rabbie Namaliu i lusim wanpela gutpela pren na wanwok long planti yia em i tok: "Bai Foren Afeas na kantri i tingim Sir Anthony long planti gutpela na bikpela samting em i wokim. Em i bin kamapim ol namba wan foren na tred polisi. Taim em i wokim ol dispela samting, em bin soim wisdom o gutpela save na lukluk long ol samting bai kamap long bihain taim. Bikos long wok bilong em long kantri na long intenesenel level, PNG i gat gutpela wokpren namel long Australia na ol arapela ovasis kantri we PNG i gat wokbung, wok bisnis na wokpren wantaim. Em bin gat gutpela luksave long

intenesenel level na wantaim gutpela save bilong em, em bin stap insait long sampela ol wok long intenesenel komyuniti. Em bin holim wok tu olsem Deputi Seketeri Jenerel long Komonwel. Mipela olgeta lain long Foren Afeas i salim tok sori long meri bilong em Mina na famili bilong em. Mipela i luksave tu long bikpela kontribusen bilong em long kantri, moa yet long developmen na wok pren long intenesenel level," Sir Rabbie i tok.

Ekting Gavana Jenerel Bill Skate: "Mi givim luksave long dispela bik man na bai hat long PNG long painim narapela man olsem em. Em i sempion bilong gutpela pasin na trensperseni o pasin bilong no haitim samting tasol kamapim long ples klia. Em i sempion bilong ikwal raitis, developmen na sans long serim ol samting. Mi tok sori long famili bilong em. Na PNG i lusim wanpela bikpela na gutpela lida," Mista Skate i tok.

Ian Tarutia em Presiden

bilong Badili Klab we leit Sir Anthony i bin memba long em i wokim dispela toktok: "Ol Klab memba bai luksave na tingim memori bilong em long gutpela wok em bin mekim olsem Petron bilong Klab.

"Em i bin bilip strong long sevis we yumi wan wan i givim long kantri na ikwaliti o wankain rait long ol man na meri. Em bin gat bikpela bilip long ol yangpela olsem ol bai kisim ples bilong em na ol lain i stap long ol bikpela posisen.

Wanpela bikpela samting we ol bin kirapim Klab ya long 1997 em long givim sans long ol namel na sinia PNG menesa long netwok na kamapim na serim ol tingting long promotim gutpela pasin na strong long wok.

Long April 1, 2004 taim em i slip long haus sik, em bin salim tok long Klab na toktok long ol i skruim strong wok na ol samting Klab i bilip long sapotim." Mista Tarutia husat i bikman long Nasfan i tok.

**TRAIN FOR SUCCESS!**

Gain professional skills and accredited qualifications with expert British Training, for a great career. Fees include all you need to succeed!

Your own CIC Diploma - your path to success!

Accredited British Training approved by the Papua New Guinea Ministry of Labour & Employment

Certificates & Diplomas (£130 or US\$260)

- \* Accounts, Hotels, Tourism, Computers
- \* Administration, Office, Insurance, Marketing
- \* English, Secretarial, Purchasing, Stores
- \* Business, Management, Personnel, Trade
- \* Advanced, Honours and MBA Diplomas
- \* Business, Finance, Marketing, Personnel

For a FREE Information Book contact: CAMBRIDGE INTERNATIONAL

Box 53, Southampton, SO14 0JY, Britain

Email: info@cambridgelearning.com

Web: www.cambridgecollege.co.uk


Fax: +44 2380337200

Name: \_\_\_\_\_

Address: \_\_\_\_\_

Age: \_\_\_\_\_

Cambridge - your KEY to success!



# Lo na oda em wok bilong yumi olgeta

## Yakam Kelo i raitim

WOK bilong lo na oda em samting bilong olgeta manmeri insait long kantri long karimaut. Bikos lo na oda em wanpela samting we i save stap wantaim yumi olgeta taim na em i wok bilong yumi olgeta long lukluk long en.

Dispela em toktok bilong Ektong Seketeri bilong Nesenel Plening na Rurel Developmen Mariamma Ellingson.

Misis Ellingson i mekim dispela toktok long wanpela bung bilong ol nius manmeri wantaim opis bilong Lo Oda na Jastis seksen aninit long AusAID program.

Misis Ellingson i tok Somare Maladina gavman i sanapim bikpela tingting bilong em long wok bilong daunim lo na oda insait long kantri. Taim wok bilong lo na oda i ron gut bai ol arapela wok bilong gavman i ken ron gut na ol sevis na developmen i ken kamap gut.

Olsem na olgeta manmeri long olgeta kainkain wok i gat wok bi-



• Ektong Seketeri bilong Nesenel Plening na Rurel Developmen Mariamma Ellingson i tok lo na oda em samting bilong olgeta manmeri long karim aut.

long mekim long daunim dispela hevi bilong lo na oda insait long kantri long lukim gutpela senis i kamap.

Long dispela as wok bilong yupela ol nius manmeri em bikpela samting tru long karimaut tok tru na gutpela stori bilong strongim dispela wok bilong lo na oda.

Long dispela rot taim olgeta pipel i lukim ol gutpela stori orait ol i ken

kamapim gutpela tingting na gutpela senis i ken kamap insait long kantri, Misis Ellingson i tok.

Misis Ellingson i tok ol nius manmeri i mas tingim gut wanem kain samting inap kamap long stori ol i raitim o putim kamaut. Sapos em i gutpela nius, orait gutpela senis bai kamap na sapos em i nogut nius orait nogut senis bai kamap.

Presiden bilong PNG Media Council Peter Aitsi i tokaut tu olsem lo na oda em bikpela samting long olgeta pipel bilong Papua Niugini.

Ol manmeri i laikim gutpela sindaun na gutpela wokabaut na gutpela pasin.

Olsem na ol nius manmeri i mas givim dispela gutpela nius i go long ol pipel long ol i ken kisim na mekim gutpela disisen long kamapim gutpela senis long laip na sindaun bilong ol.

Long makim wok bilong nius insait long PNG, Mista Aitsi i tok amamas long dispela program we i kamap aninit long sapot bilong

AusAID bikos dispela bai helpim tru ol nius manmeri long wok bilong ol long ripot long wok bilong lo na oda insait long kantri.

Olpela bosmeri bilong *Wantok Niuspepa* husat tu i go pas long dispela woksop em Anna Solomon. Misis Solomon i tokim ol nius manmeri long yusim dispela woksop long opim tingting na save bilong ol long helpim wok bilong ol i ken kamap gut long sait bilong ripot long lo na oda.

Wokman bilong AusAID long dispela eria bilong lo na oda em Joe Kanekane. Mista Kanekane i tok dispela woksop em bilong traim bungim ol nius manmeri wantaim wok bilong ol long surukim na strongim wok bilong lo na oda i go aut gut long komyuniti.

Dispela woksop em bilong mekim ol nius manmeri i save gut long wanem ol gutpela samting i kamap insait long wok bilong lo na oda na wanem samting em nius i mas helpim na long surukim na strongim i go moa.



Dok ya i kam we? Wanpela meri *Wantok* i kirap nogut long Tunde nait taim em i go long haus na painim wanpela mama dok i stap long haus bilong em. Em i no save long dispela dok na taim em i askim ol lain ol i tok olsem susa bilong em i kam lusim em long hap. Man, dok ya susa bilong em i karim kam na pasim em i stap nating long haus bilong em na i nogat toksave.

Meri ya i pret long dok, dok i pret long ol nupela pes, tasol Trinde moning tupela i kamap poroman liklik bihain long em i givim wara na kaikai long em. Na dok bai stap yet? Nogat. Em i ringim narapela wan famili bilong em long kam kisim pinis. Na susa bilong em i save tu? Nogat ya. Dok i no olsem wanpela sosopen o arapela samting. Sapos em i belhat, em inap long rausim wanpela hap lek bilong yu tu ya.

**Luksave i mas i go long Leit Sir Anthony Siaguru long laik bilong em long i mas nogat wanpela tok sori i kam long ol memba bilong palamen o ol arapela lain insait long niuspepa.**

**Ating yumi i mas luksave long dispela tu. Planti taim, yumi save lukim ol bikman i tromoi bikpela mani bilong ol pipel i go long ol bikpela hap long niuspepa long soim sori bilong ol long ol man i dai taim ol rot na bris long planti hap long kantri i wok long bagarap na stap.**

Sapos yu lukim poto long fran pes bilong *Wantok Niuspepa* long dispela wik, bai yu lukim ol yangpela stail meri bilong Australia anda 19 soka tim i kam long Mosbi long pilai wantaim ol meri bilong mipela na ol wantok long Solomon Ailans.

Ol dispela kain raun bilong ol lain long arapela kantri tru em i sans bilong mipela long soim kalsa bilong mipela. Ol i amamas tru long lukim kalsa na mipela kisim liklik tokwin olsem sampela long ol i bin danis wantaim ol lain i mekim tumbuna singsing long soim amamas bilong ol. Pasin em yupela ya!

**Na taim ol wan solwara bilong yumi long Solomon Ailans i bin kam kamap long Jacksons Ples Balus, man, ol lain bilong mipela long hap i ting wanpela grup bilong Bogenvil i kam bek long wanpela raun bilong ol long ovasis ya.**

## Polis bai sasim Yali

### Michael Novingu i raitim

MADANG polis bai sasim Madang Gavana James Yali na presiden bilong Usino lokol level gavman Fred Maliupa long paitim Madang Distrik Administrata George Sapok.

Ektong Bosman bilong Madang polis Jimmy Namora i tokim *Wantok Niuspepa* long Madang olsem em i kisim pinis wanpela fomel komplek o polis ripot i kam long Mista Sapok long dispela hevi.

Em i no sasim tupela man ya long wanem dispela hevi i kamap long lida bilong provins we i gat sampela rot ol mas bihainim na wok

painim aut bai ol i karim aut pastaim.

Tasol em i tok ol bai sasim dispela tupela man bihain long olgeta wok painim i pinis.

"Dispela em i bikpela hevi i kamap insait long provins na mi salim toksave pinis long Polis Komisina Sam Inguba long givim tok orait bai mi i go het long karimaut wok bilong mi," Mista Namora i tok.

Long wankain taim, Mista Namora i no wanbel wantaim ol pablik seven o ol wokman bilong Madang provinsel gavman long i go long straik.

"Dispela em i wok bilong polis na yupela i

noken karim lo long han bilong yupela," Mista Namora i tok.

As bilong pait i kirap long Deputi Gavana bilong Madang na Siaman bilong Amenob LLG Bunag Kuip i surukim vot i nogat bilip i go long mun bihain (mun Mei).

Mista Yali i laikim bai provinsel eksekutiv kaunsol i rausim Mista Kuip long opis na Mista Kuip i laik bai ol i votim rausim Mista Yali i go aut long opis bilong em.

Ol pablik seven long Madang i tokaut pinis olsem ol bai askim Ombudsmen Komisn long sekim wok pasin bilong Mista Yali.

## Skul na stia tok i mas sutim bel, Epstein i tok

### Barbara Tomi i raitim

WANPELA dokta bilong stadim pasin na kalsa bilong ol pipel o Entropoloji (Anthropology) Profesa Scarlett Epstein i tok long sutim bel bilong ol manmeri long harim tok na bihainim gutpela pasin long banisim ol yet long sik HIV/AIDS em long soim ol piksa we ol manmeri i ken lukim bagarap sik HIV/AIDS i save kamapim.

Em i tok tu olsem sampela pasin kastom na kalsa tu i save helpim long mekim dispela sik i kalap hariap na i go bikpela long Papua Niugini.

Profesa Epstein i bin mekim ol dispela toktok long wanpela konfrens long Pot Mosbi long Tunde ol i kolim Cultural Constraints on Promoting HIV/AIDS Awareness in PNG aninit long lukaut bilong Britis Hai Komisn na StopAIDS.

Em i tok taim em i raun long Pot Mosbi em i lukim ol posta o piksa ol pinim nabaut long siti we i givim ol tok stia bilong gutpela lukaut long sik HIV tasol em i tok dispela ol piksa em i no sutim stret bel bilong ol manmeri sapos ol i lukim.

Profesa Epstein i tok long Inglen aninit long helpim mani i kam long kantri Swiden ol i kamapim wanpela progrem ol i kolim Teaching Aid at Low Cost. Na insait long dispela progrem, grup ya i kamapim ol aweanes posta na ol piksa long yusim long wok aweanes bilong ol long Afrika.

Ol piksa i soim ol lain wantaim sik HIV/AIDS na lukluk bilong skin na bodi bilong ol taim HIV bi-natang kaikaim ol. Sampela ol piksa i soim ol sem bilong man na meri husat i gat sik HIV/AIDS. Bikos long pasin kastom bilong ol Afrika we i

wankain liklik olsem bilong yumi hia long PNG, ol lida bilong wanwan klen o hauslain i bin kros taim ol i lukim ol dispela piksa.

Sampela ol lapun i bin lusim woksop na go aut taim ol i lukim ol dispela piksa bilong ol sem bilong man meri husat i gat sik HIV na ol i tok olsem dispela em i no gutpela pasin long soim ol dispela piksa. Na ol mama na papa i pasim ai bilong ol pikinini na tok em i samting bilong ol long lukim nogut i bagarapim tingting bilong ol.

Bihain ol i tokaut olsem dispela ol piksa i sutim stret bel bilong ol na mekim ol pret tru long hevi na bagarap HIV/AIDS i ken kamapim long bodi bilong man na meri sapos ol i lukautim ol yet gut.

Nau dispela kain aweanes em kamap olsem wanpela namba wan rot long Saut Afrika na ol narapela ol kantri long Afrika tu i bihainim.

Dispela kain pasin em ol i kolim Shock Therapy na Profesa Epstein i tok dispela em wanpela gutpela we long karim aut tok stia na mekim ol pipel i kam bung wantaim na wok long winim dispela birua. Em i tok olsem long PNG we yumi i gat planti kain kastom pasin na sampela bilong ol dispela pasin em i save helpim long mekim sik HIV/AIDS i go bikpela.

Profesa Epstein i salensim PNG na ol manmeri husat wok bilong ol i sut long daunim HIV long lukluk long ol dispela kastom pasin na kamapim ol aweanes i sut long ol dispela pasin long lainim na opim ai bilong ol manmeri olsem dispela kain pasin kastom em i no gutpela na i no helpim long daunim HIV.

## Australia tok klia long ol i rausim Baure

### I kam long pes 1

Hai Komisn i tok ol hap bilong lo we i kamapim sitisensip we PNG na Australia i bin mekim bihain long Indipendens i bin kamap bihain long planti toktok na skelim namel long tupela kantri. Dispela ol hap bilong lo i bin kamap klostu long 30 yia i go pinis.

"Taim PNG na Australia i wok long toktok i go kam ol i bin mekim disisen olsem ol pipel husat i klostu moa long PNG long Australia bai kisim PNG sitisensip, na ol husat i klostu moa long Australia bai kisim Australian sitisensip," Hai Komisn i tok.

Tupela kantri tu i laik daunim namba bilong ol pipel husat i bin holim tupela sitisensip wantaim we i bihainim lo ol i kolim Hague Konvensen bilong 1930.

Long dispela taim PNG na Australia i no bin larim wanpela bikpela man o meri long kisim narapela sitisensip inap em i rausim o tok nogat long narapela sitisensip bilong em, Hai Komisn i tok.

Em i tok tu olsem Mama Lo bilong PNG i tok olsem ol pipel, Papua o Niugini, bai wantu kamap sitisen bilong PNG long Indipendens De sapos:

- Ol i gat tupela tumbuna husat mama i bin karim long Papua o Niugini; na

- Sapos krismas bilong wanpela i winim 19 yia na mama i bin karim long Papua, ol i gat rait long stap olgeta long Australia o holim

narapela sitisensip.

Aninit long ol lo bilong Australia, husat i kisim wantu PNG sitisensip long Indipendens de i stopim Australia sitisensip bilong em o rait bilong em olsem wanpela, long Tok Inglis ol i tok, Australian Protected Person o man husat i stap aninit long lukaut bilong Australia.

Ektong Dairekta Jenerel bilong Imigresen Divisen, Foren Afeas Dipatmen bilong PNG, Luke Kulumbao, long taim *Wantok Niuspepa* i bin toktok wantaim em long tupela mun i go pinis, i tok ol i no bin kisim toksave long Australia long rausim bilong Mista Baure, tasol Australia i no nid long toksave long PNG. Sapos i gat sekyuriti risk o sans we hevi inap kamap, orait ol i mas toksave.

*Wantok Niuspepa* i bin askim Mista Kulumbao long toktok long dispela hevi gen long Tunde.

Em i bin tok em bai ring long telefon bihain na toktok wantaim mipela. Mipela i wetim bekim bilong em yet.

Mista Baure i wok long karimaut kempen na toksave long bilip bilong em long ol rait bilong sitisensip yet raunim Pot Mosbi.

Dispela wok dipotesin i bin kamap long em long Febueri 28, klostu long wanpela wik pastaim long em inap sanap long kot bilong em agensim Minista bilong Imigresen na Maltikalsarel na Indijines Afeas long Trinde, Mas 10.

## Fiji na Pasifik i lusim biknem lida

BIKPELA na gupela lida bilong Fiji na wanpela biknem lida insait long Pasifik rijen i bin dai long dispela wik. Em long Sir Ratu Kamisese Mara.

Praim Minista Sir Michael Somare taim em i salim tok sori bilong em na PNG i go long famili bilong leit Sir Ratu Mara na gaman na pipel bilong Fiji i tok em yet (Sir Michael) i lusim wanpela gupela pren na man husat i givim gupela stia long em long planti samting insait long rijen.

Em i tok gavman na pipel bilong Fiji na rijen wantaim bai kamap trangu nau taim Sir Ratu Mara i lus.

"Gavman na pipel bilong PNG, olsem rijen na wol i serim taim bilong sori wantaim ol pipel bilong Fiji, long lusim bikman na sempion bilong gupela pasin na strongpela sanap bilong em long jastis na demokresi long Pasifik rijen. Pasifik rijen bai kamap trangu long lusim Tui Nayau, Ratu Mara. Na spes em i lusim bai hat long pulumapim.

"Bai mi misim em olsem wanpela gupela pren bilong mi husat i givim mi ol gupela stia. Mi laki long save na wok wantaim em. Na mi gat bikpela luksave long ol gupela stia i sut long politikel lidasip na ol arapela samting moa," Sir Michael i tok.

Em i tok leit Sir Ratu Mara i bin gat strongpela bilip olsem ol ailan kantri long rijen i ken lukautim ol yet. Na em bin givim planti ol lida strong long mekim dispela i kamap tru na olsem, planti i kisim independens.

"Strongpela bilip bilong em long demokresi o laik bilong ol pipel yet i mas

makim kain gavman, i givim em luksave long intenesenel level. Bilip na sanap strong long lukautim samting em i bilip long en olsem long jastis na rait i bin mekim planti pipel long ol kain skin kala, kalsa, lotu na politiks i luksave na kam long en," Sir Michael i tok.

Sir Michael bai go long Fiji long stap long funereel sevis bilong em.

Long wankain taim tu, Praim Minista John Howard bilong Australia i salim tok sori bilong em long dai bilong biknem lida bilong Fiji na rijen.

Em i tok gavman bilong Australia na pipel i salim tok sori long famili na pipel bilong Fiji long dai bilong Sir Ratu husat Australia bai tingim em olsem wanpela bikpela lida bilong Fiji na rijen husat i bin sanapim strong gupela wok pren namel long tupela kantri.

"Tru tuma, Sir Ratu Mara em i papa bilong Fiji na pipel bilong em. Mipela bai tingim em olsem wanpela bikpela lida bilong Pasifik. Bihain long em i kisim kantri bilong em i go long independens, em bin kamap olsem namba wan praim minista na em i bin holim dispela wok long longpela taim (1970-87 na 1987-92). Na bihain em bin stap olsem presiden (1992-2000). Long Fiji yet, em bin mekim bikpela wok long stopim na daunim ol hevi long sait bilong politiks long kantri bilong em," Praim Minista Howard i tok.

Em i tok tu olsem long intenesenel level, Sir Ratu Mara i bin wanpela top lida i makim Pasifik rijen. Em bin gat biknem long Komonwel na em bin as long kirapim Pasifik Ailan Forum.

## Ol Yut Embeseda bilong Australia kam wok long kantri

Paul Zuvani i raitim

LAS wik eipela memba bilong Australia Yut Embeseda grup i kam long kantri na bai stap mekim wok namel long siks mun na 12 mun.

Dispela ol lain ya krismas bilong ol i stap namel long 18-30. Planti bilong ol em i namba wan taim bilong ol long stap insait long dispela grup na lusim Australia.

Long Papua Niugini ol bai wok long planti hap bilong kantri.

Ol bai yusim dispela taim long kisim ekspirians long wok wantaim ol narapela non-gavman oganaisesen husat i kam o kamap long kantri na i wok long mekim wok.

Ol bai wok wantaim kain grup olsem provinsel edministresen, non-gavman oganaisesen, spot, envaironmen, helt na turisim.

AusAID midia na komunikesen opisa Lou Anderson i tok dispela ol lain manmeri bai stap wok long Pot Mosbi, Buka, Vanimo, Popondetta na Madang.

Sikspela bilong dispela ol lain

husat i stap nau long kantri em tupela i wok wantaim UNICEF long Pot Mosbi, wanpela wantaim PNG Kriket Bod, na narapela wantaim Pablik Sekta Rifom Menesmen Unit, narapela wantaim Vudal Yunivesiti long Rabaul na narapela wantaim Save the Children long Goroka.

Dispela Yut Embeseda grup em gavman bilong Australia i kamap long helpim ol yangela Australia manmeri long go aut na helpim ol narapela manmeri insait long Esia Pasifik rijen we Papua Niugini i wanpela bilong ol.

Mis Anderson i tok taim grup ya i stat long 2000 23 yangpela manmeri i stap insait long grup long kisim wok ekpirians.

Em i tok long dispela grup PNG i kisim planti.

Las wik dispela lain manmeri i go pinis long ol hap ol i mas go long en long statim wok bilong ol.

Ol dispela lain kam na i lukluk tasol long wok wantaim ol grup long kantri.



• Ol memba bilong Australia Yut Embeseda husat i bin kam long PNG wantaim Jan Waddy, wok meri long Australia Hai Komis (raithan). Foto: JOE IVAHARIA

## Madang i kisim gut pawa nau

PAWA i bin go bek long Madang long dispela wik Tunde bihain long ol i bin stretim ol ilektrikel hevi.

Ol teknisen bilong PNG Pawa i bin luksave long hevi na dispela i sut long ges i laik pinis long seket we i save karim pawa long ramu hairdo pawa stesen i go long Madang.

Ol ilektrisen bilong PNG Pawa i bin stretim hevi bihain long ol i kisim ges botol i gat SF6 ges long pawa saplai i go long Madang, Ekting Sief Eksekutiv opisa bilong PNG Pawa Lawrence Solomon i tok.

Madang i wok long bungim hevi long pawa bagarap insait long tripela wik i kam inap nau. Dispela i bihainim bikpela ren na taitwara i bin karim tupela pawa pailon o pos namel long Ramu na Madang.

Wok long stretim dispela hevi long pawa saplai long Ramu Haidro Pawan Stesen i bin bungim hevi long wanpela wik taim ol papagraun i no bin larim ol lain i laik stretim hevi i go long eria we hevi i stap long em.

Long wankain taim tu, hap eria we wok i stap long em i bin hat long wanem em i tais na ol bin laikim moa metiriel long bildim faundesen wok o wok long sapotim pawa pos.

Mekim na ol lain long Madang i bin bungim hatpela taim stret.

Mista Solomon i tok hevi ol i bungim long Madang i givim skul long PNG Pawa na ol bai mekim olgeta samting long lukim olsem pablik i kisim gupela pawa sevis. Ol bai karimaut ol wok mentenens long jenereta pawa na sekim gut ol samting we taitwara bai i noken karim ol pawa pos gen.

PNG Pawa i laik tok tenkyu i go long Inta Gavman Rilesens Minista Sir Peter Barter, pikinini bilong em Andrew Barter, Gavana James Yali, Semba ov Komes na pablik long Madang long sapot na pasin we ol bin stap isi long taim hevi i bin kamap.

Long wankain taim tu, em i tok tenkyu long ol woklain bilong em husat i bin givim bilong ol long ista long stretim dispela hevi na kamapim bek pawa saplai long Madang.

## Ol pis fama long Morobe bai sindaun long woksop

Nancy Kalimda i raitim

SAMTING olsem 200 pis fama bilong Morobe provins i wok long redi i stap nau long go insait long wanpela woksop bai kamap long neks wik.

Ol pis fama i kam long Makam, Huon, Nawae, Menyama,

Intenesenel Agrikalsa Rises (ACIAR) i ranim.

Ol bai lukluk long we dispela projek i ken helpim ol pis fama long lukautim ol pis long ol liklik raunwara insait long neks foapela yia, na i stat long dispela yia (2004) inap long yia 2008.

As tingting long dispela projek em long helpim wok bilong ol liklik pis fama insait long Morobe provins na tu long narapela provins long kamapim ol gupela rot bilong lukautim na kamapim pis. Tu, em long helpim kamapim gut ol kaikai bilong ol pis na ol nupela rot na kaikai ol fama i yusim long groim ol kaikai bilong pis.

Ol bai holim namba tu hap bilong ACIAR projek long mun Julai. Em bai pinis long Jun 2008.

ACIAR wantaim Nesenel Fiseris Atoriti na Hailans Akwakalsa Dvelopmen senta na Nesenel Dipatmen bilong Akrikalsa na Laipstok i go pas long dispela woksop.

Long dispela woksop, ol bai givim ripot long inlen pis pon akwakalsa projek we Australia senta bilong

"As tingting bilong dispela projek em long helpim wok bilong ol liklik pis fama."

Bulolo na Finshafen distrik.

Dispela wanpela de woksop ya bai kamap long Epril 27 long ples Gabsonkeg insait long Wampar Lokol Level Gavman Kaunsil eria.

Woksop bai lukluk long inlen pis pon akwakalsa projek we Australia senta bilong

# UN ripot tok PNG stap long rot bilong bagarap long AIDS

Veronica Hatutasi i raitim

OL KANTRI insait long Saut Pasifik i kisim tok lukaut long bagarap bilong sik HIV/AIDS. Na PNG i stap long top lista long bagarap moa sapos ol i no wokim samting hariap long daunim dispela. Sapos ol i no wokim samting kwiktam, ol bai bihainim wankain hevi olsem ol kantri long Afrika.

Askim i go tu long Australia long go pas long wok bilong helpim ol Pasifik Ailan kantri long daunim HIV/AIDS.

Man i go pas long UNAIDS wantaim Yunaitet Nesens (UN) insait long Pasifik rijen Peter Piot i tok dispela sik i wok long go bikpela na mak bilong ol manmeri i gat HIV inatang i go antap moa. Maski, ol wok aweanes i kamap.

UNAIDS em program bilong UN long go pas long wok bilong daunim sik HIV/AIDS long wol.

"Ripot i kamap olsem mak i

go antap long nupela lain manmeri long Pasifik i gat binatang long sik nogut ya.

"Na PNG i klostu bagarap tru na olsem, kantri i mas wokim samting kwiktam long abrusim rot bilong bihainim Afrika we i kisim bikpela bagarap long dispela sik.

"Histri i soim yumi olsem taim dispela sik i kamap na i stat long kalap, em i olsem snobal. Em bai go nogut," Mista Piot i tok.

Em i tok HIV/AIDS i wok long go bikpela long rijen bikos ol STD (seksueli trensmitet sik) i go antap. Na pasin we ol yangpela pipel namel long 15 na 25 krismas i wokim long amamasim ol yet na slip nabaut wantaim ol poroman i mekim mak long sik nogut i go antap moa. Ol dispela yangpela i no bisi na ol i wokim bikhet pasin.

Mista Piot i tok mak long bagarap long HIV/AIDS i

antap moa na i nogut tru long PNG na Irian Jaya provins.

Em i tok mak i go antap 10-pela taim moa long PNG na Irian Jaya winim ol arapela Pasifik kantri.

"PNG i mas mekim strongpela samting kwiktam nau nogut em i kamap olsem Afrika," Mista Piot i tok.

Em i tok long sampela kantri long Afrika, samting olsem 40 pesen long manmeri i gat binatang bilong HIV. Na long ol eria we i bagarap tru, mak i go antap long 60 pesen.

"PNG i gat planti samting i no stret we i mekim na HIV i go bikpela.

"Planti lain i lusim ples na i go stap long taun, famili long taun na ol ples i bungim hevi, planti lain i kisim STD na i kalap i go long ol arapela na i gat kalsa bilong slip nating wantaim man o meri. Dispela i sampela long ol strongpela rot HIV/AIDS i kalap hariap long

PNG, maski ol sios i karimaut ol aweanes we i tok long noken slip nabaut wantaim poroman inap long ol i marit. O stap pas wantaim wanpela patna tasol.

Mista Piot i tok moa olsem kastom o pasin tumbuna long Pasifik we i tambu long toktok long seks o marit pasin i wanpela hevi ol i luksave long en.

Tasol em i tok dispela i wok long senis na UNAIDS i wok long karimaut ol woksop long traim daunim HIV/AIDS.

Mista Piot i luksave long helpim Australia i givim long pait bilong em egensim sik HIV/AIDS long PNG.

Long nau, Australia i troim \$50 milien long sapotim ol program bilong daunim sik AIDS, karimaut ol aweanes wok na ol samting i sut long sik AIDS long PNG.

Tasol em i askim Australia long skruim wok helpim long ol arapela Pasifik kantri.

Hap Hap Nius

Madang amamasim gut Ista

ISTA wiken long Madang provins i bin kamap gut tru we i nogat hevi i bin kamap.

Madang Polis Stesin Komanda Inspekta Jimmy Namora i tokim *Wantok Niuspepa* olsem i nogat hevi i bin kamap insait long provins na ol pipel i amamasim gut ista holide bilong ol wantaim stail. Planti i go long lotu. Ripot i kam ausait long ol rurel eria bilong Madang tu i soim olsem i nogat hevi i kamap na provins i bin kwait tru long taim bilong Ista.

Em i tok tenkyu long ol pipel bilong Madang long lukautim ol yet long dispela bikpela de we i nogat hevi i kamap. Em i singaut long ol komyuniti insait na arasait manmeri long bringim pis na amamas insait long komyuniti bilong ol.

Long wankain taim Mista Namora i tok wanpela yangpela meri krismas bilong em 19 bilong Boku viles insait long Kaiapit Distrit long Morobe provins boipren bilong em i paitim em long Mildas Maket long Madang na idai na i stap long mog long Madang haus sik. Boipren bilong em i stap long han bilong ol polis na bihain bai ol i sasim em long kilim dai narapela man.

Hevi long Angau Haus sik i stret nau

OL SEVIS long Angau haus sik i go gut nau. Dispela em long klinik sevis.

Ol ripot i tok haus sik i stretim pinis sterelaisa o masin bilong wasim na boilim ol samting we ol nes na dokta i save yusim long wok bilong ol, moa yet, ol samting we ol i save yusim long karimaut ol operesen na taim ol mama i karim bebi. Sief Eksekutiv Opisa bilong Angau Haus sik Margaret Samei i tok ol teknisen bilong ol long haus sik i bin stretim dispela sterelaisa masin wantaim etvais bilong wanpela ovasis sterelaisa saplaia.

Madang gavana paitim sinia pablik sevan

LAS wik Tunde Gavana bilong Madang Mista James Yali na Presiden bilong Usino Lokel Level Gayman Kaunsol (LLG) Mista Fred Maliupa i paitim Madang Distrik Edministreta Mista George Sapok we em i kisim bikpela bagarap long bodi bilong em na i isim marasin long haus sik.

As bilong pait i stat long deputi Gavana bilong Madang na Siaman bilong Amenob LLG Mista Bunag Kuip i surukim vot i nogat bilip i go long mun bihain. Mista Yali i laikim bai ol i votim Mista Kuip aut long opis na tu Mista Kuip i laikim bai ol i votim Mista Yali tu aut long Opis olsem Gavana.

Mista Sapok i tok lo bilong provinsel Gavman long kondaktim vot i nogat bilip olsem Siaman i no istap bai mi i no inap karim aut dispela vot i nogat bilip. Dispela i kirapim bel nogut long Mista Yali na em wantaim Mista Maliupai pansim Mista Sapok.

Ekting Bosman bilong Madang Polis Mista Namora i tokim *Wantok Niuspepa* olsem em i kisim fomal komplek i kam long Mista Sapok long dispela hevi na em i no sasim yet tupela man ya inap ol i stretim sampela rot we i bin kamapim dispela hevi. Em i tok ol wokman bilong em i karimaut wanpela wok painim aut long dispela hevi.

Ol Leta Bek torosel pulim divelopmen long Labu-Talle

Chrissilla Kabe Talis i raitim

PLES Labu-Talle insait long Huon Galf Dsitrik long Morobe provins bai lukim sampela divelopmen bikos long ol narakain torosel ol i kolim long "Leta bek Torosel."

Ol Leta beksait torosel we skin long beksait bilong ol i olsem samting ol i wokim su long en ol i painim long Labu-Talle viles i pulim sampela intres na sampela gutpela divelopmen wok i kamap long ples nau.

Turisim Promosen Atoriti (TPA) bai bildim wanpela ges haus long Labu-Talle na long wankain taim, putim banis na lukautim ol dispela kain torosel long ol turis i kam lukim. Long dispela rot tu, bai promotim o kamapim strong wok bilong iko turis insait long provins na ples.

Long tupela wik i go pinis, TPA i statim projek. Ol i putim mani long karimaut wok stadi bilong putim wara saplai na pawa.

Enjinia bilong wara na bos bilong Sivil Enjiniring seksen wantaim Apropiet Teknoloji Komyuniti Divelopmen Institut

bilong Yunivesiti ov Teknoloji em Meninga Memafu i bin karimaut wok stadi long wara saplai na pawa long dispela ples.

Mista Memafu i tok wara i save kam antap long maunten long Labu-Talle na em inap long saplain pawa na wara i go long ges haus na viles.

Em i tok ol Leta Bek torosel em ol i narakain na ol bai pulim ol turis i kam. Na olsem ol bai bildim dispela ges haus long Labu-Talle na ol pipel na turis i ken kam stap long en na lukim ol dispela torosel.

Dispela divelopmen bai helpim tru ol pipel long hap.

Opis bilong ATCDI long Yunitek i bikpela

Chrissilla Kabe Talis i raitim

OL I mekim i go bikpela pinis Apropiet Teknoloji Komyuniti Divelopmen Institut (ATCDI) long Yunivesiti bilong Teknoloji long Lae.

Dairekta bilong ATCDI Charles Nakau i tok ol i wokim dispela long kamapim moa

...Ol sumatin bai gat gutpela spes long yusim buksop

spes long opis na ol sumatin na ol arapela pipel i save yusim laibri na dispela risos senta i ken sindaun gut na mekim wok, rises na stadi.

ATCDI i gat 5-pela seksen. Em long enej, smol indastris, wara saplai, na saniterium, fud

teknoloji na Liklik Buk Infomesen senta.

Foapela long ol dispela seksen i stap insait long wanpela bilding.

Mista Nakau i tok laibri na buksop long ATCDI i laikim moa spes bikos planti moa sumatin na pipel i save go na

yusim ol risos buk long mekim ol wok bilong ol.

Em i tok insait long las 20 yia, opis i save pulap stret.

Komyuniti Divelopmen Sevis (CDS) i bin fandim dispela projek wantaim manimak inap long K105,000 long karimaut ol wok ekstensen o wok bilong mekim opis i go bikpela.

Mista Nakau i tok em i wok yet long narapela sabmisen o pas bilong askim CDS long helpim ol i fandim na kisim ol arapela samting long opis olsem ol sia, tebol, kompyuta na ol arapela samting moa.


Em i tok kos bilong kisim ol nupela samting bilong opis bai inap long K30,000.

Em i tok nau taim wok bilong mekim bikpela opis i pinis, ol bai stretim ol wokman na ol opis ikwipmen.

Ol bai opim nupela opis long neks mun.

Long wankain taim tu, Liklik Buk Infomesen senta long ATCDI bai lonsim nupela buk em i kamapim pinis.

Nem bilong dispela buk em Liklik Buk.



• Charles Nakau i sindaun insait long nupela opis. Foto: Chrissilla Kabe Talis

Morobe gavman wetim yet mani long stretim Makam Bris

OL WOK long stretim Makam Bris long Morobe provins i no stat yet. Dispela em long wanem nesanel gavman i no givim mani we em i bin makim long givim bilong karimaut dispela wok.

Mak bilong mani we Nesanel Implimentesen na Plening i bin tok long givim long helpim karimaut wok mentenens em long K800,000.

Bai ol i nidim K2 milien long kari-

maut ol wok long stretim Makam Bris. Bikpela ren na taitwara long provins i bin bagarapim dispela longpela na bikpela hap bris long kantri.

Tasol ol provinsel atoriti i gat bilip olsem nesanel gavman bai givim helpim yet long karimaut wok.

Provinsel Wok Menesa John Wakma i tok tu olsem em i bilip ol i ken bildim nupela bris tasol bai bikpela mani tumas.

Ahi Asosiesen no wanbel long tupela nupela bos bilong Lae siti

SINGAUT i kamap long rausim tupela bikman bilong Lae siti we ol i makim nupela tasol.

Dispela em long nupela Lod Meya o bos bilong Lae siti James Khay na Steven Peters husat i nupela siti menesa.

Asples asosiesen long Morobe em Ahi Asosiesen i wokim dispela singaut na ol i no sapotim ol nupela lain ol i makim long holim dispela wok long bosim na lukautim ol pinel insait long Lae siti.

Deputi Siaman bilong Asosiesen Jonathan Saing i tok tupela man i no inap long kisim dispela wok na ol i no rait lain bilong holim dispela wok long lukautim siti na pipel.

**Cat® Work Crew**

**Toughest on Earth.**

**Hastings Deering**

PORT MORESBY Phone: 300 8300 Fax: 325 0141	LAE Phone: 472 2355 Fax: 472 1477	TABUBIL Phone: 548 9045 Fax: 548 9155	RABAUL Phone: 982 1244 Fax: 982 1129
--	---	---	--

Hap Hap Nius

Maladina stopim ol eviksen long Sanderson Be

MEMBA bilong Palamen (MP) bilong Esa'ala, Moses Maladina, i tokim edministresen bilong Milen Be long stopim ol eviksen we i wok long kamap long ol Wes Fergusson na Duau pipel husat i stap long Sanderson Be setelmen.

Eviksen em olsem rausim ol pipel long hap ol i stap long en.

Mista Maladina i bin tokim Edministreta bilong Milen Be, Henry Bailasi, long stopim dispela eviksen, bihain long em i bin toktok wantaim komyuniti lida bilong setelmen, Henry Benoma.

Mista Benoma i bin givim wanpela petisen o pepa long Mista Maladina, husat i Deputi Praim Minista na Minista bilong Agrikalsa na Laipstok tu, we i tokaut long wari bilong ol pipel ol i laik rausim husat i bilong ilektoret bilong Esa'ala.

Pepa i tok tru olsem eviksen i bihainim lo tasol em i kirapim hevi tu we ol pipel bilong ol narapela hap bilong Milen Be nogut bai i gat kros na tingting nogut long ol pipel edministresen i rausim.

Gris i kam long PNG

MOSBI Ats Tieta bai kamapim wanpela olupela pilai bilong kantri Gris, ol i kolim Agamemnon long dispela mun.

Agamemnon em wanpela bilong olupela pilai o drama long wol tru na i stori long pasin bilong sakrifais na pe bek.

Polis sasim 3-pela long kilim dai man

POLIS long Galp provins i holim pasim 3-pela man pinis bihain long dai bilong wanpela lapun man.

Polis i bilip ol 3-pela man i bin kilim John Isouve, husat i gat 73 krismas na i bilong Moveave ples long Malalaua, bihain long ol i bin kros long graun.

Polis Komanda bilong Sauten Rijen, John Marru, i tok olsem Mista Isouve em papa bilong wanpela sinia polis inspekta long polis hetkota long Pot Mosbi.

Em i tok i bin kisim longpela taim long holim pasim ol 3-pela man long wanem polis long Pot Mosbi i bin tok ol i bai lukluk i go insait long dispela hevi, tasol bihain i bin toksave long polis long Galp long mekim.

Mista Marru i tok ol polis i holim pasim ol 3-pela man, husat i bilong Moveave ples tu, krismas bilong wanwan 51, 28, na 25, na sasim ol wantaim meda o kilim idai man.

SDA amamasim namba 70 aniveseri

Paulus Tali i raitim

MOA long 1000 pipel long ples Domara long Abau distrik bilong Sentrel provins, long tupela wik i go pinis i bin amamasim namba 70 aniveseri bilong namba wan taim ol Seven De Adventis misinari i bin kamap long hap.

Gavana bilong Sentrel provins, Alphonse Moroi, deputi bilong em, Robert Nana, provinsi edministreta, Glen Ganj na wanpela mausmeri bilong ol men, Rosemary Fore, i bin stap wantaim ol pipel long hap long makim dispela taim.

Ol pipel i bin mekim wanpela drama o pilai we i bin soim we ol tumbuna bilong ol

*"Ol misinari i bin mekim skul, hausik na haus lotu na i bin givim sevis long mipela."*

i bin bungim namba wan misinari husat i bin kam long hap long 1934.

Dispela man i bin Pasto Mitchell husat i bin kam long Domara bihain long em i bin

kamapim wanpela haus lotu long Sogeri long 1908.

Mista Moroi i tok olsem PNG i stap long mak we em i stap nau bikos long ol misinari.

"Ol i mekim ol skul, hausik na haus lotu na i bin givim ol sevis long mipela," em i tok.

Mista Moroi i tok olsem ol misinari i bin mekim planti gutpela samting long kamapim Papua Niugini, tasol nau ol pipel i no save tingim na lukautim ol. Ol i save tingim ol yet tasol.

K600 tausen bai i go long Hiri Moale Festival

NESENEL gavman na Nesenel Kepitel Distrik Komisn (NCDC) bai givim K600 tausen olgeta i go long Hiri Moale Festival we bai kamap long dispela yia.

Minista bilong Infomesen na Stet Sevises, Dokta Puka Temu, na Siaman bilong NCDC, Michael Malabag, i bin tokaut long dispela long opisal lonsing bilong festival long Holiday Inn long Pot Mosbi las Fraide.

Dokta Temu husat i bin kisim maus bilong Praim Minista Sir Michael Somare long dispela bung, i tok olsem gavman bai givim K100 tausen i go long helpim long kamapim festival.

Long wankain taim Mista Malabag i tok olsem NCDC bai givim K500 tausen i go long helpim long kamapim festival.

Festival i no bin kamap las yia long wanem i no bin gat inap mani tasol Mista Malabag i tok olsem Hiri Moale Festival 2004 bai winim olgeta arapela festival bilong bipo.

Em i tok olsem NCDC i save givim gutpela sapot long festival long wanem em i save pulim ol pipel bilong ol arapela provins na kantri na kisim mani tu i kam insait long siti.

Namba wan Hiri Moale Festival i bin kamap long 1971 na i bin tingting bilong Lod Meya, Oala Oala Rarua.



• Hiri Kwin bilong 2002, Kori Noka (lephan) na meri husat i bin kisim namba tu long en, Nidd Saka (rait), i karim liklik lakatoi i go long Dokta Temu na Mista Malabag.

Long bipo taim ol pipel bilong Motu Koitabu, ol papa-graun bilong hap bilong Pot Mosbi na ol ples klostu, i save painim hat long wanem i save gat ol bikpela taim bilong drai.

Taim dispela i save kamap, ol i save kalap long ol kanu bilong ol, ol i save kolim lakatoi, na ron long solwara i go long wes long mekim bata wantaim ol Erema, ol i kolim Kerema. Wanem gutpela samting ol Motu Koitabu gat, ol bai givim ol Erema, na wanem ol Erema gat, ol bai givim ol Motu Koitabu.

Ron long solwara i go long Erema i save kisim planti de tasol taim ol lakatoi i save kam bek wantaim ol saksak, buai na

arapela gutpela samting i save gat bikpela amamas taim ol lakatoi i save kam bek.

Taim ol wait skin i bin kam long PNG, dispela pasin i no bin stop. Tasol long 1975, Australia Koloniel Edministresen i stopim bihain long wanpela lakatoi i bin kap-sait klostu long Boera ples na ol pipel wantaim ol pikinini tu i bin dring wara na dai.

Long tingim dispela pasin bilong bipo, Mista Rarua i bin tokaut long kamapim dispela Hiri Moale Festival, we bai soim ol kalsa na tredisen bilong bipo na helpim long lainim ol yangpela tu long ol dispela pasin.



• Ol bikman i pusim liklik lakatoi i go insait long wara long lonsim Hiri Moale Festival 2004. Ol foto: WILLIAM NATERA

**WIN 6**

**LUCKY PACK!**

YOU'VE GOTTA KEEP THE FEELING!

**TV & DVD Packages by Simply Servicing Your Vehicle at Ela Motors**

**Service your vehicle during March or April and you could WIN a TV & DVD Package.**

\*CONDITIONS APPLY!

**HURRY, BOOK YOUR VEHICLE IN FOR SERVICE AT YOUR LOCAL ELA MOTORS BRANCH TODAY**

**Ela Motors PARTS & SERVICE**

TOYOTA TSUSHO (PNG) LTD  
PARTS & SERVICE YOU CAN TRUST!  
PROMOTION EXPIRES 30 APRIL 2004

Hap Hap Nius

Maladina stopim ol eviksen long Sanderson Be

MEMBA bilong Palamen (MP) bilong Esa'ala, Moses Maladina, i tokim edministresen bilong Milen Be long stopim ol eviksen we i wok long kamap long ol Wes Fergusson na Duau pipel husat i stap long Sanderson Be setelmen.

Eviksen em olsem rausim ol pipel long hap ol i stap long en.

Mista Maladina i bin tokim Edministreta bilong Milen Be, Henry Bailasi, long stopim dispela eviksen, bihain long em i bin toktok wantaim komyniti lida bilong setelmen, Henry Benoma.

Mista Benoma i bin givim wanpela petisen o pepa long Mista Maladina, husat i Deputi Praim Minista na Minista bilong Agrikalsa na Laipstok tu, we i tokaut long wari bilong ol pipel ol i laik rausim husat i bilong ilektoret bilong Esa'ala.

Pepa i tok tru olsem eviksen i bihainim lo tasol em i kirapim hevi tu we ol pipel bilong ol narapela hap bilong Milen Be nogut bai i gat kros na tingting nogut long ol pipel edministresen i rausim.

Gris i kam long PNG

MOSBI Ats Tieta bai kamapim wanpela olupela pilai bilong kantri Gris, ol i kolim Agamemnon long dispela mun.

Agamemnon em wanpela bilong olupela pilai o drama long wol tru na i stori long pasin bilong sakrifais na pe bek.

Polis sasim 3-pela long kilim dai man

POLIS long Galp provins i holim pasim 3-pela man pinis bihain long dai bilong wanpela lapun man.

Polis i bilip ol 3-pela man i bin kilim John Isouve, husat i gat 73 krismas na i bilong Moveave ples long Malalaua, bihain long ol i bin kros long graun.

Polis Komanda bilong Sauten Rijen, John Marru, i tok olsem Mista Isouve em papa bilong wanpela sinia polis inspekta long polis hetkota long Pot Mosbi.

Em i tok i bin kisim longpela taim long holim pasim ol 3-pela man long wanem polis long Pot Mosbi i bin tok ol i bai lukluk i go insait long dispela hevi, tasol bihain i bin toksave long polis long Galp long mekim.

Mista Marru i tok ol polis i holim pasim ol 3-pela man, husat i bilong Moveave ples tu, krismas bilong wanwan 51, 28, na 25, na sasim ol wantaim meda o kilim idai man.

SDA amamasim namba 70 aniveseri

Paulus Tali i raitim

MOA long 1000 pipel long ples Domara long Abau distrik bilong Sentrel provins, long tupela wik i go pinis i bin amamasim namba 70 aniveseri bilong namba wan taim ol Seven De Adventis misinari i bin kamap long hap.

Gavana bilong Sentrel provins, Alphonse Moroi, deputi bilong em, Robert Nana, provinsel edministreta, Glen Gani na wanpela mausmeri bilong ol meri, Rosemary Fore, i bin stap wantaim ol pipel long hap long makim dispela taim.

Ol pipel i bin mekim wanpela drama o pilai we i bin soim we ol tumbuna bilong ol

"Ol misinari i bin mekim skul, hausik na haus lotu na i bin givim sevis long mipela."

i bin bungim namba wan misinari husat i bin kam long hap long 1934.

Dispela man i bin Pasto Mitchell husat i bin kam long Domara bihain long em i bin

kamapim wanpela haus lotu long Soger long 1908.

Mista Moroi i tok olsem PNG i stap long mak we em i stap nau bikos long ol misinari.

"Ol i mekim ol skul, hausik na haus lotu na i bin givim ol sevis long mipela," em i tok.

Mista Moroi i tok olsem ol misinari i bin mekim planti gutpela samting long kamapim Papua Niugini, tasol nau ol pipel i no save tingim na lukautim ol. Ol i save tingim ol yet tasol.

K600 tausen bai i go long Hiri Moale Festival

NESENEL gavman na Nesenel Kepitel Distrik Komisn (NCDC) bai givim K600 tausen olgeta i go long Hiri Moale Festival we bai kamap long dispela yia.

Minista bilong Infomesen na Stet Sevises, Dokta Puka Temu, na Siaman bilong NCDC, Michael Malabag, i bin tokaut long dispela long opisal lonsing bilong festival long Holiday Inn long Pot Mosbi las Fraide.

Dokta Temu husat i bin kisim maus bilong Praim Minista Sir Michael Somare long dispela bung, i tok olsem gavman bai givim K100 tausen i go long helpim long kamapim festival.

Long wankain taim Mista Malabag i tok olsem NCDC bai givim K500 tausen i go long helpim long kamapim festival.

Festival i no bin kamap las yia long wanem i no bin gat inap mani tasol Mista Malabag i tok olsem Hiri Moale Festival 2004 bai winim olgeta arapela festival bilong bipo.

Em i tok olsem NCDC i save givim gutpela sapot long festival long wanem em i save pulim ol pipel bilong ol arapela provins na kantri na kisim mani tu i kam insait long siti.

Namba wan Hiri Moale Festival i bin kamap long 1971 na i bin tingting bilong Lod Meya, Oala Oala Rarua.



• Hiri Kwin bilong 2002, Kori Noka (lephan) na meri husat i bin kisim namba tu long en, Nidd Saka (rait), i karim liklik lakatoi i go long Dokta Temu na Mista Malabag.

Long bipo taim ol pipel bilong Motu Koitabu, ol papa-graun bilong hap bilong Pot Mosbi na ol ples klostu, i save painim hat long wanem i save gat ol bikpela taim bilong drai.


Taim dispela i save kamap, ol i save kalap long ol kanu bilong ol, ol i save kolim lakatoi, na ron long solwara i go long wes long mekim bata wantaim ol Erema, ol i kolim Kerema. Wanem gutpela samting ol Motu Koitabu gat, ol bai givim ol Erema, na wanem ol Erema gat, ol bai givim ol Motu Koitabu.

Ron long solwara i go long Erema i save kisim planti de tasol taim ol lakatoi i save kam bek wantaim ol saksak, buai na

arapela gutpela samting i save gat bikpela amamas taim ol lakatoi i save kam bek.

Taim ol wait skin i bin kam long PNG, dispela pasin i no bin stop. Tasol long 1975, Australia Koloniel Edministresen i stopim bihain long wanpela lakatoi i bin kapsait klostu long Boera ples na ol pipel wantaim ol pikinini tu i bin dring wara na dai.

Long tingim dispela pasin bilong bipo, Mista Rarua i bin tokaut long kamapim dispela Hiri Moale Festival, we bai soim ol kalsa na tredisen bilong bipo na helpim long lainim ol yangpela tu long ol dispela pasin.



• Ol bikman i pusim liklik lakatoi i go insait long wara long lonsim Hiri Moale Festival 2004. Ol foto: WILLIAM NATERA

Advertisement for Ela Motors featuring a car, a TV, and a DVD. Text includes: 'WIN 6 TV & DVD Packages by Simply Servicing Your Vehicle at Ela Motors', 'Service your vehicle during March or April and you could WIN a TV & DVD Package.', 'HURRY, BOOK YOUR VEHICLE IN FOR SERVICE AT YOUR LOCAL ELA MOTORS BRANCH TODAY', 'Ela Motors PARTS & SERVICE', 'TOYOTA TSUSHO (PNG) LTD PARTS & SERVICE YOU CAN TRUST!', 'PROMOTION EXPIRES 30 APRIL, 2004'.

# Nu Ailan redi long nupela PMV sistem

**Neville Choi i raitim**

NU AILAN provins i wok long redi long traim wanpela nupela sistem bilong ol PMV insait long provins.

Dispela nupela sistem Nu Ailan Provinsel Len Trenspot Bod i wok long go pas long kamapim bai ol i traim long namba wan wik long mun Mei.

Eksekutiv Opisa bilong Nu Ailan Provinsel Len Trenspot

Bod, Isaac Maileng i tokim *Wantok Niuspepa* olsem Nu Ailan provins i no bin gat wanpela kain sistem bilong ol PMV long bihainim na ol manmeri i save kalap long ol PMV long laik bilong ol long ol kain kain hap bilong taun na haiwe. Tasol sapos dispela nupela sistem i wok gut bai ol i lukluk long kamapim bihain long dispela yia.

"Hamas yia i go pinis, Nu Ailan i nogat gutpela

trenspot sistem bilong ol PMV. Nau Nesenel Trenspot Bod i givim tok orait long mipela i traim dispela rut sistem. Mipela bai stat long namba wan wik long mun Mei long traim dispela nupela sistem we bai ol PMV i mas ron long wanpela hap rut bilong ol yet we mipela yet i makim," Mista Maileng i tok.

Aninit long dispela nupela sistem, i gat sev- enpela rut o hap rot we i

gat ol wan wan PMV i mas bihainim olgeta de.

Namba 1 rut em long Kavieng taun i go inap long Ngavalus viles; namba 2 rut em Ngavalus i go long Lakurumau wel pam stesin bilong CDC; namba 3 rut em namel long Lakurumau na Bol viles; namba 4 em i stat long Bol na pinis long Konos gavman stesin; namba 5 em long Konos i go long Lelet jangsen; namba 6 em Lelet

jangsen i go long Karu; na namba 7 em Karu i go olgeta long Namatanai taun.

Mista Maileng i tok opis bilong em i bin stat long karim aut ol tok awenes long tok klia long ol manmeri bilong provins long dispela nupela sistem.

Em i tok dispela wok awenes bai i go het yet sapos i gat inap mani long karimaut.

I gat sampela bel hevi i stap pinis wantaim ol

manmeri husat i save kalap long ol PMV long go long Kavieng taun we sampela PMV i save lusim ol pasindia nabaut long rot tasol na i no save pinisim gut ron bilong ol.

Mista Maileng i tok klia olsem aninit long nupela sistem, ol PMV i mas ron insait long rut em yet bai makim. Sapos ol PMV i no bihainim ol rut bilong em yet, i gat mekimsave bilong em i stap.

Sapos dispela i kamap, bai ol i mas kisim ol PMV opereta i go long kot na kot yet bai skelim mekimsave long ol.

Nau yet i gat 30 PMV i wok long ron insait long provins, na Mista Maileng i tok olsem ol bai makim namba i go long ol rut long namba bilong ol manmeri husat i save stap long ol dispela hap.

Em i tok em i bin go raun lukim olgeta hap we ol PMV i save ron namel long Kavieng na Namatanai, na em i tok- tok wantaim ol lokol level memba bilong ol dispela ples. Mista Maileng i tok em i tok klia long ol LLG memba olsem ol i mas helpim opis bilong em long kamapim ol ples bilong bas bai i stop long en.

Em i tok tok tu long ol i mas lukluk long kamapim ol liklik maket bilong salim ol samting we ol pasindia inap long baim taim ol i kalap long bas.

Long ol hevi long dis-

pela nupela sistem, Mista Maileng i tok olsem tupela bikpela hevi em long haus bilong ol pasindia bilong stap taim ol i wetim bas, bikpela nois bai kamap sapos ol bas i lusim ol pasindia long nait na ol nupela bas pe long wan wan rut.

"Bikpela samting i kamap pinis long sait bilong baim pei bilong bas.

"Planti manmeri i save gut pinis long baim wanpela hap mani tasol long kisim bas. Tasol nupela sistem em ol i mas baim bas long wan wan rut ol i laik ron long em. Dispela, ating bai ol manmeri i no wanbel long en," Maileng i tok.

Em i tok tu olsem ol i bin salim wanpela sab- misen i go long Nesenel Trenspot Bod long las yia yet long kisim tok orait long apim bas pei long provins, tasol ol i no kisim wanpela bekim yet.

Tasol em i tok-bas pei i mas i go antap bikos prais bilong ol spea pat, bensin na disel tu i wok long go antap taim ol bas pei i stap wankain yet.

Bihain long ol i traim dispela nupela sistem, Mista Maileng bai raitim ripot long en na givim long Nesenel Trenspot Bod na bai ol i skelim sapos dispela nupela sistem bai wok orait o nogat. Sapos nogat, ol bai lukluk long kamapim wanpela sistem we bai inap long wok gut long provins.

## Ol pasindia no wanbel wantaim sevis long MV Kimbe Queen

OL PASINDIA husat i bin raun long wanpela sip we i save karim ol pasindia i go na kam long Kimbe long Wes Nu Briten i wok long rausim belhevi bilong ol long sevis antap long sip.

Ol dispela pasindia i bin ron long dispela sip long Lae i go long Kimbe na bihain i go long Rabaul long las wik Trinde.

Ol i tok ol i no amamas long kaikai ol i givim long sip.

Wanpela long ol dispela pasindia, Carolyn Martens i bin tokim niuspepa olsem taim bilong sip long lusim Lae em 1 kilok long apinun, tasol ol pasindia i bin kamap long bris bilong sip pastaim long dispela taim na ol i no lusim Lae long taim bilong em. Nogat. Em i tok olsem *Kimbe Queen* i bin lusim Lae long hap pas 5 kilok long apinun.

Em i tok sampela pasindia i no save long Kimbe, na taim sip i bin kamap long Kimbe long hap pas 7 long nait, ol i painim hat long wokabout bikos ol i no klia long ples.

"Ol dispela lain bai painim rot bilong go long haus bilong olsem wanem?" Mis Martens i tok.

Em i tok sip i mas lukautim ol pasindia long dispela kain taim. Em i tok ol sip i mas kamap long ples long ol taim ol yet i makim bikos em bai givim taim bilong ol manmeri long painim PMV bas o kar. Paul Sasere husat i gat 60 krismas i bin ron long *Kimbe Queen*, i tok olsem kaikai ol i givim aut long ol pasindia i no inap na i no tes gut.

Dairekta bilong Rabaul Shipping husat i save menesim *Kimbe Queen*, Peter Sharp i tok dispela raun long ista em i bin wanpela spesol raun bikos sip i save ron long Mande na Fraide tasol. Em i tok olgeta sip bilong kampani bilong em i save givim gutpela sevis na em i laik bilong ol pasindia yet sapos ol i laik ron long dispela sip o nogat.

# WOW! DEALS...

## Incredible Prices...



**FRI K50 SHOPPING VOUCHER**

**PHILIPS**

**FW-V520 #202866 VCD MINI SISTEM**  
**2200WATTS PMPO**  
 • CD/VCD/CD-R/CD-RW/ MP3 pb • Bikpela Saun™  
 • Bikpela Saun bilong Kwiktaim Pawa Boost  
 • Supa Era Koreksen

**FOTNAIT K53**

REG. K1,485 • DIPOSIT K87 • BIPO KES K2,799

**KES K1,295 • SEIVIM K1,504**

### Portable CD-RCRs



**HAF PRAIS**

**AKITA CD927R #225799**  
**ISI LONG KARIM CD REDIO**  
**LONG FOTNAIT K14**  
 REG. K265 • DIPOSIT K20 • BIPO KES K499  
**KES K225 • SEIVIM K274**



**HAF PRAIS**

**PANASONIC RXFS50 #224718**  
**ISI LONG KARIM REDIO**  
**LONG FOTNAIT K15**  
 REG. K285 • DIPOSIT K21 • BIPO KES K599  
**KES K245 • SEIVIM K354**



**HAF PRAIS**

**JVC RCBX20 #225798**  
**ISI LONG KARIM CD/REDIO**  
**LONG FOTNAIT K19**  
 REG. K455 • DIPOSIT K29 • BIPO KES K949  
**KES K395 • SEIVIM K554**



**HAF PRAIS**

**FREE K100 SHOPPING VOUCHER**

**SONY**

**LBT-XGV10AV #203004 MIDI SISTEM**  
 • 7500W P.M.P.O • Vidio CD • MP3  
 • Pro-Logic wantaim 5 Spikas  
 • 5.1 input for DTS/AC3 Dolby Digital  
 • X-Groove

**LONG FOTNAIT K110**

REG. K3,445 • DIPOSIT K185 • BIPO KES K6,899

**KES K2,995 • SEIVIM K3,904**

**FRI SONY MIKROPHON**

**TAIM YU BAIM DISPELA SONY MIDI SISTEM.**

SWITCH ON TO




STIMULATE YOUR SENSES

**FEIVARET FENISA NA ELEKTRIKOL SUPASTOA**

**COURTS GORDONS**  
 Spring Garden Road, Gordons  
 Phone: 302 5808 • Fax: 325 4149

**COURTS LAE**  
 Millfordhaven Road, Lae  
 Phone: 472 4800 • Fax: 472 4621

**COURTS GOROKA**  
 Fox Street, Goroka  
 Phone: 732 2033 • Fax: 732 2063

**COURTS MT HAGEN**  
 Hagen Drive, Mount Hagen  
 Phone: 542 1401 • Fax: 542 3517

**COURTS MADANG**  
 Beckler Plaza, Hanitien Street  
 Phone: 852 3711 • Fax: 852 3612

**INSTANT CREDIT APPROVAL**  
 (CONDITIONS APPLY)

**REQUIREMENTS**  
 • COMPROMISE LETTER  
 • Current Employment Letter  
 • CAR  
 • LATEST PAY SLIP  
 • Latest Bank Statement  
 • ADDRESS COMPLETION  
 • Latest Photo (Passport or 3.5x4.5)  
 • No other financial commitments  
 • Name, Address, Phone, etc.

CH-103/04



Save long ol Raits bilong yu

Namba Seven Hap Sapos mipela sainim CEDAW, ba dispela i min olsem mipela i mas senisim pasin tumbuna tu? Long bekim dispela askim em nogat. Ol kalsa na pasin kastom em ol i givim luksave long yumi ol Pasifik. Planti samting long kalsa em ol i gutpela na mipela i noken lusim ol. Tasol mipela i mas lukautim ol gut stap. Long yumi i lusim ol pasin kastom na yumi long olsem gavman bai senisim ol i no gutpela. Em bai ba ga rapim Konvensen na tu long sapotim raits bilong ol meri. Long Aikel namba 5 bilong CEDAW, ol kantri i samim Konvensen i mas senisim tasol ol dispela pasin kastom we i rabisim ol meri na man. Dispela i min olsem gavman long ol dispela kantri i mas diasim gut ol pasin kastom na senisim ol stapim ol dispela we rabisim ol meri long tok piksa em long planti ol Pasifik kantri ol meri i stap long ol man. Ol men save karimaut ol wok long lukautim haus wok gadan na fami na ol i no givim luksave long ol. Planti man i save ang olsem ol men em ol samim nating. Na ol i save yusem ol nabait na agarapim ol. Planti man i save karimaut ol wok long lukautim haus wok gadan na fami na ol i no givim luksave long ol. Planti man i save ang olsem ol men em ol samim nating. Na ol i save yusem ol nabait na agarapim ol. Planti man i save karimaut ol wok long lukautim haus wok gadan na fami na ol i no givim luksave long ol. Planti man i save ang olsem ol men em ol samim nating. Na ol i save yusem ol nabait na agarapim ol.

Dokta singaut long ol meri kisim kensa

Veronica Hatutasi i raitim

WANPELA dokta i singaut long ol meri long go mekim kensa tes long hap long bilum bilong karim bebi we i stap bipo long rot bilong karim (seviks) na traim daunim na abrusim. Sik ya save kamap long planti ol meri na mama. Dokta Onne Rageau em dokta bilong ol meri long Praivet Haus sik bilong Dokta

Mola i mekim dispela singaut bilong wanem planti meri i wok long dai long dispela sik. Na i moabeta long ol meri i go long haus sik na kisim tes long dispela we ol i kolim long "Pap Smear" tes. Dokta Rageau i tok maski yu husat meri i no bungim wanpela hevi o sik, i moabeta long ol i go kisim dispela tes. Ol i save karimaut dispela tes long jenrel haus sik o long ol praivet dokta. Sapos yu go long praivet dokta,

bai yu peim K50 long wokim tes. Em i tok i nogat tritmen long sevikel kensa o kensa bilong ol meri insait long PNG. Strongpela toktok i save go long ol mama husat i karim bebi long go bek na kisim "Pap Smear" tes. Famili Sevis Divisen long Pot Mosbi Jenerel haus sik i save karimaut ol tes long dispela. Em i stap long klinik bilong ol mama i gat bel.

Ol dona kisim askim long sapotim skul bilong ol pikinini meri



Ol sumatin mekim tok promis.

OLSEM hap tok i tok, "Skulim ol meri em yu skulim nesen". Edukesen Minista Laimo i bin skruim dispela taim em i toktok long lons bilong plen long strongim edukesen bilong ol meri long kantri tupela wik i go pinis. Em i bin putim salens long PNG na ol papamama na gadien long gimim wankain sans long ol meri long sait bilong skul na trening em ol i save gimim

long ol pikinini man. Dispela bai helpim ol pikinini meri long stap insait long ol wok developen long kantri, ol yet na long laip. Minista Laimo i tok nupela Edukesen Rifom i etresim ol samting olseta pikinini we i karamapim tu ol meri i mas go long skul, kwaliti edukesen na kamapim kurikulum o ol program long skul we i sut long ol manki man na meri wantaim.

Tasol em i tok em i taim nau long yumi olsem ol papamama na ol nesenel na provinsel lida long sapotim Edukesen Dipatmen long gimim bikpela luksave olsem ol meri pikinini i mask go long skul. Deputi Edukesen Seketeri Dokta Joseph Pagelio i siaman bilong dispela grup i go pas long komiti bilong sapotim strong skul bilong ol pikinini meri. Komiti ya i wok long

karimaut ol woksp long dispela long ol provins. Na i gat ripot olsem ol provinsel lida, ol distrik edministreta, ol dukesen atoriti long provins na ol distrik i gimim gutpela sapot. Minista Laimo i bilip olsem ol aweanes wok we ol lain bilong em long edukesen dipatmen i karimaut i gutpela bikos dispela bai strongim tingting na wok long sapotim skul bilong ol pikinini meri. Long pasin kastom bilong PNG, ol papamama i save putim namba na tingting long ol pikinini man na i no ol meri. Olsem na planti taim, ol pikinini meri i save stap long haus na i no go skul. Dispela em taim famili i bungim hevi long skul fi o sapos skul i stap long we long ples. Taim Minista Laimo i askim ol dona komyuniti long sapotim nesenel gavman wantaim mani na gavman i ken go hetim ol wok i sut long helpim skul bilong ol pikinini meri.



FANTASTIK NUDOL STIR FRAI - BIF

Yu mas i gat:

- 500g bif
Snowpis
Bif stok
Drai nudols
1-pela anian
1-pela pinga galik
3-pela tispun ginga sikirapim pinis
1-pela tebolspun pis sos
1-pela spring anian
2-tupela tispun wel
1-pela tispun konstaj (corn starch) o self raising flaua (miksim wantaim / kap kol wara)

We bilong Kuk:

- Katim mit
- Hatim tupela tebolspun wel
- Fraim anian, ginga na galik inap tupela minit
- Putim mit i go insait na fraim inap tu minit
- Nau putim snowpis na kukim inap wan minit na putim long wanpela dis we em i ken stap hot yet
- Bihainim toksave bilong kukim drai nudols long baksait long paket na kukim nudols
- Nau yu bungim nudols na wanpela kap bif stok i go long mit na snowpis
- Taim stok i boil kapsaitim konstaj o flaua miks i go antap
- Putim 2-pela tebolspun pis sos na liklik suga
- Kapsaitim wel na tanim tanim kaikai
- Foa o sikspela lain inap kaikai dispela nudols stir frai

Sapos yu gat sampela we long kukim ol kaikai olsem saksak, taro or kaikau na yu laik serim wantaim mipela, salim i kam long mipela na mipela bai putim long niuspepa

Asua bilong Husat? A comic strip with multiple panels showing characters in a kitchen setting. The title is 'Asua bilong Husat?'. The characters are engaged in conversation about cooking and ingredients. The text is in Tok Pisin.

**Tok Tok Nating**  
*Wantaim Fr*  
*Paul Liwun SVD*



WANPELA yangpela man, taim em i pinis stadi long Yunivesiti, em i bin mekim bikipela wok tru long sapatim famili na komyuniti bilong em. Tasol nau em i gat bikipela wari tru na i luk olsem laip bilong em i nogat daireksen moa. Olgeta de dispela hevi i kamap bikipela moa moa yet. Olsem na em i bin go lukim dokta.

Taim dokta i bin harim pinis wari bilong dispela yangpela man, dokta i bin givim em foapela bokis marasin. Dokta i tokim em: tumora moning bipo long nain kilok, yu wanpis mas lusim haus na go long nambis bringim dispela foapela bokis marasin wantaim yu. Noken bringim narapela samting olsem redio, buk o niuspepa. Yu mas opim dispela bokis bhainim taim mi bin raitim long wan wan bokis, em long nain kilok, 12 kilok, 3 kilok na faiv kilok long apinun. Sapos yu bhainim gut dispela resepi sik bilong yu bai i pinis tumora tasol".

Wantaim hap bilip i stap insait long em, yangpela man i bin go long nambis. Long nain kilok stret, em i bin opim nambawan bokis marasin. Em i kirap nogut tru, bikos em i no bin painim wanpela marasin i stap. Em i painim tasol wanpela hap pepa i gat dispela tok i stap; "HARIM".

Pastaim em i no laik bilip. Tasol em i sindaun isi tasol na traim long harim. Long kwait taim bilong em em inap long harim solwara i kam na bruk long nambis, em i harim nois bilong win long nambis. Na tu nau em inap long harim lewa bilong em i pam insait long bodi bilong em. Em i pilim naispela tru nois bilong solwara, win na pam bilong lewa bilong em. Longpela taim em i no bin harim dispela nois bikos em i save bisi tumas long wok bisnis bilong em. Nau em i pilim olsem bel bilong em i kamap klin tru olsem ol i bin brumim.

Long 12 kilok stret em i opim namba tu bokis. Insait long dispela bokis tu em i no painim wanpela marasin i stap. Em i painim liklik hap pepa wantaim dispela tok; "TINGIM". Nau em i lusim ol nois bilong solwara na win bilong nambis, em i stat long tingim bek olgeta step bilong laip bilong em, stat long taim em i liklik pikinini yet, em i tingim taim bilong em i stap long skul, tingim tupela papa na mama bilong em husat i bin laikim em tumas. Em i tingim tu olgeta pren bilong em.... Na em i pilim olsem pawa bilong laip i kamap strong gen insait long bel bilong em.

Taim em i opim namba tri bokis bilong marasin long tri kilok apinun, em i painim narapela tok; "SKELIM NA GLASIM". Nau em i pasim ai bilong em na strongim tingting bilong em, tingim bek na glasim gut gen long nambawan motivesen o strongpela laik bilong em long mekim wok bisnis. Em i bin kirapim bisnis bilong em wantaim wanpela tingting - bilong helpim olgeta nid bilong lain bilong em. Tasol taim bisnis bilong em i kamap bikipela na em i lusim tingting long dispela. Nau em i laik kamapim bikipela intres long bisnis bilong em. Dispela i bin mekim "MI PASIN/SELFISH" i bin kamap strong long laip bilong em na lusim tingting long helpim ol lain bilong em. Nau em i save pinis as bilong sik bilong em i save mekim em i wari olgeta taim long laip bilong em.

Taim em i opim namba foa bokis marasin long faiv kilok, em i bin ridim; "RAITIM OLGETA WARI BILONG YU ANTAP LONG WESAN BILONG NAMBIS". Em i kirap, wokabaut i go long nambis na raitim "W A R I". Taim em i pinis raitim, solwara bruk i kam na wasim wanem samting em i raitim. Dispela tok WARI i no stap moa, solwara i bin wasim em i go. Sapos nau yu gat wari o hevi i kilim yu, yusim dispela marasin long oraitim sik wari bilong yu. Raitim ol wari bilong yu antap long diwai kros bilong Jisas. Bikos em i bin tok; "yupela husat i save karim planti hevi, kam long mi na kisim malolo (Mathew 11: 28)

# Bung bilong pasim Jenerel Asembli bai kamap long mun Julai

**Veronica Hatutasi i raitim**

KATOLIK Sios bai holim wanpela bung long mun Julai long Vanapope bilong pasim Jenerel Asembli wok bilong en.

Olgeta Daisosis insait long 19 provins long PNG i wok long redim ol ripot long prisenim long dispela bung.

Bung bai stat long Julai 5 na pinis long Sande, Julai 11.

Vanapope em hetkota bilong Katolik

Asdaiosis na i stap long Kokopo insait long Is Nu Briten provins.

Olgeta Daisosis na Asdaiosis long PNG i bin kirapim ol komiti long karimaut ol wok i sut long Jenerel Asembli.

Lonsing bilong Jenerel Asembli i bin kamap long yia 2002 na long dispela mun Julai ol bai pasim.

Bikipela samting we Jenerel asembli i laik mekim em long kamapim senis insait long sios we bai mekim sios i bilong ol

asples PNG we ol pipel i stap- insait long en.

Olsem na insait long tupela yia, ol wan wan komiti insait long ol daisosis i wok long kisim, glasim na skelim ol ripot i sut long sios, wanem senis ol i ken wokim na olgeta dispela samting bai soim rot we sios bai i go long en long ol yia i kam.

Ol ripot bai kamap long dispela Jenerel Asembli bung long Vanapope em i bikipela samting na

olgeta Bisop, ol sios lida i makim ol leiti, ol meri, ol yut na ol arapela i karimaut ol wok bilong sios bai kamap long dispela bung.

Ol resolusen o fainal ripot we bung bai kamap long en bai stiaim rot we sios bai go long em long ol yia i kam.

Wankain samting i bin kamap long Katolik Sios moa long 30 krismas i go pinis.

Katolik Bisops konfrens (CBC) i go pas long ol dispela wok.

## Yut Sios Musik Ministri grup bilong Amerika kam long PNG

**Paulus Tali i raitim.**

LONG dispela taim, planti yangpela i wok long autim Tok bilong Bikipela long ol kain kain rot. Sampela i save toktok long ol pablik ples, ol sios na sampela em ol i save mekim dispela long Musik Ministri. Ol peris, ol seket na wanem grup moa i gat ol yut grup na liteji grup we i save kamapim musik ministri long givim biknem na glori long Bikipela long dispela rot.

Long tupela wik i go pinis, 5-pela yangpela pipel bilong New Dawn Musikel Ministri long Amerika i bin wokim wanpela wik lukluk raun i kam long PNG. Long raun bilong ol long ol hap insait long kantri, ol bin go long ol skul, ol sios, ol haus sik, lukim ol yut, lainim na sea wantaim ol.

Ol bin raun i go long Lae, Finahafen na Bukawa long Morobe provins, Kainantu insait long Isten Hailens, raun lukim ol lain Gutnius Luteran Sios long Enga, kisim balus i go long ol Niugini Ailans rijen na lukluk raun long Kavieng, Rabaul, Kimbe na Buka.

Grup ya i memba bilong Evanjelikel Luteran Sios. Ol bin kirapim dispela grup long Amerika long 1964 na long dispela taim i kam inap nau, ol gat netwok long 40 kantri.

Dispela grup we i gat tripela meri long en em ol yangpela lain we i bin greduet long bikipela skul tasol ol i strongpela Kristen lain. Na ol i lusim wok long go insait long Yut Enkaunta program na go ovasis long skruim wok bilong Bikipela. Long taim ol bin stap long skul yet, dispela lain i bin go insait long program na ol i kisim bikipela tingting na laik long skruim wok bilong Bikipela na olsem ol i stap yet long program. Ol yangpela ya i tok ol i amamas tu long lukim na lainim ol kalsa bilong ol narapela na dispela em long ol ples ol i go long en.

Faivpela memba bilong Dawn Ministri em long Ruth Bowman na em bin greduet long Concordia Koles long Minesota. Em i wanpela tisa na driman bilong en em long larim God i yusim em long karimaut wok bilong em.

Narapela em Heather Carr na em bin greduet long 2002 wantaim Diploma bilong tokples Frens na Musik edukesen. Ol narapela em long Elisha Coakley, Bjorn Peterson na Joel Mailand. Olgeta i bilong Minesota Stet long Amerika.

ELC-PNG Musik daireka Faen Mileng taim em i tok amamas long dispela grup bilong ol yangpela Amerika lain i kam long PNG i bin luksave tu long wok bilong ol Luteran kongrikesen long PNG. Na ol wok bung i kamap long go hetim strong wok bilong sios, moa yet long Musik Ministri.



## Wok Misin em i bikipela samting bilong ol sios

**Reveren Biosp Andre Soares long seremoni ol bin holim long em i kamap olsem namba wan misianari Angliken Bisop long Angola, Afrika. Tupela piksa i soim prosesio na blessing bilong nupela bisop. Piksa: Anglican World megesin**

## Ol Kristen yut long Lae holim Talen So

MOA long 100 sios yut long Lae i bin holim wanpela gutpela Yut Talen So.

Ol i bin holim so long Siti Wel Wosip senta klostu long Yunivesiti ov Teknoloji long Lae.

Ol yut i bin kam long Our Saviour Luteran Sios, Galili Ministri na Yunivesiti ov Teknoloji.

Ol yut i bin kamapim ol program wantaim ol Praise

singsing. Bihain long en, ol wan wan grup i bin putim kamap ol ben musik, singsing na krietiv danis.

Ol yut long Galili Ministri i bin kukim so wantaim nupela danis grup bilong ol. Ol bin putim ol blek na wait sut o klos na kamapim ol kain stail danis. Planti pipel husat i bin kam long so i bin amamas tru long dispela nupela danis grup na kain stail danis ol i

putim kamap long en.

Ol dispela kain so i gutpela bikos ol i save strongim ol yangpela long save long Bikipela na go insait long wok bilong strongim bilip na autim Biknem bilong em.

So i bin kamap long tupela wik i go pinis.

Pasto Enuma Topor bilong Galili Ministri i bin pasim dispela Yut So wantaim ol preia.

## Singaut long ol PNG sios long skruim wok misinari ovasis

SINGAUT i go long ol sios long PNG bilong karimaut ol wok misin long ol arapela kantri.

Dispela singaut i kam long Pasto Jeffrey Tony bilong Evanjelikel Luteran Sios (ELC-PNG) husat i kam bek long PNG bihain long sik-

spela krismas em i karimut wok misinari long kantri India.

Pasto Jeffrey i save wok wantaim Towamo ELC/PNG sios long Morata.

Towamo em i hap long ELC-PNG Papua rijen.

Long wok misin bilong em long

Bangalore, Pasto Jeffrey i karimaut ol wok long Baibel stadi, trenim ol sios lida, ol evanjelis, ol pikinini na ol pasto.

Em bin tok sios long PNG i gat nid long go aut na mekim wok long ol ples olsem India.

Pasto Jeffrey i bin

maritim wanpela meri India na ol i gat wanpela pikinini meri. Em i bilip olsem em bai kisim wok misinari i go long Midel Is. Long wankain taim tu, em i tok amamas long Towamo ELC/PNG sios long salim em i go long India.



### Tupela man i lukim Jisas long rot bilong Emeus

Long dispela de tasol ol meri i bin i go long matmat, tupela disaipel i wokabaut i go long wanpela ples ol i kolim Emeus. Dispela ples i stap longwe long Jerusalem inap olsem 11-pela kilomita. Tupela i wokabaut i go na tupela i wok toktok na askim long ol dispela samting na Jisas yet i kamap klostu na i wokabaut i go wantiam tupela. Tasol wanpela samting i pasim ai bilong tupela, na tupela i no luksave olsem, em i Jisas. Na em i askim tupela olsem, Yutupela i toktok long wanem samting na yutupela i wokabaut i go? Em i tok olsem, na tupela i sanap na pes bilong tupela i soim olsem tupela i bel sori tru.

Luk 24: 13-17

# 25 milien pikinini long wol bai nogat papamama

### Bikos ol i dai long sik AIDS

PLANTI pikinini long wol bai nogat papamama bikos ol i wok long dai long sik AIDS, wol ripot i tok.

Intenesenel AIDS Trust bilong Wasington long Amerika em grup i bin karimaut dispela ripot.

Ripot bilong wanpela ektivis grup i tokaut olsem mak bai i go antap long 25 milien insait long tenpela yia i kam. Dispela em mak bilong ol pikinini we papamama bilong ol i dai long sik AIDS.

Ripot i tok i kam inap nau, long ol pipel i stap

wantaim sik HIV, moa long 2.5 milien i gat kris-mas i stap aninit long 15 na samting olsem 1.8 milien em krismas bilong ol i stap namel long 15 na 24.

Bikpela mak bilong ol dispela pikinini na ol papamama i dai em long Sab Sahara rijen long Afrika.

Ripot i tok planti long ol toktok long dispela ripot em ol bin kisim long ol stori bilong ol yangpela.

Ripot i tok planti long ol dispela lain i gat sik HIV/AIDS em ol famili na hauslain i save les long ol na i no lukautim ol na tu, pablik na ol arapela pipel i no pret na i no lukluk gut long ol.

# Red Kros holim HIV/AIDS woksop bilong ol yangpela

SENIS i mas kamap na mipela i no ken sem long toktok long sik HIV-long olgeta level sapos PNG i laikim bai mesej i go aut long wok bilong daunim dispela sik i bagarapim plan-ti moa pipel.

Long wankain taim tu, i gat wari bikos pasin kastam bilong PNG we i tambu long toktok long marit pasin na ol samting i sut long dispela eria.

Long kastom pasin bilong PNG, em i tambu long ol manmeri i toktok long marit pasin long ol narapela lain.

Insait long wanpela "peer" (ol yangpela i kisim ol tokstia, aweanes na toksave i go long ol arapela wan-lain poro manmeri bilong ol) HIV-AIDS education woksop long Kavieng insait long Nu Ailan provins, Siaman bilong PNG Red Kros Sosaiti Bernard Lukara i bin bikpela salens i stap taim ol i laik autim na karim ol toktok long dispela sik bikos long ol tambu we PNG i gat long ol tumbuna pasin. Tasol Mista Lukara i tok dispela pasin i mas senis.

"Mipela i mas stat long toktok long

HIV-AIDS long olgeta level. Na tu, long taim ol pikinini i stap yangpela," Mista Lukara i bin tok.

Red Kros i bin ranim dispela woksop bikos em i wok gut long ol arapela kantri long Esia olsem Tailen, Kambodia, Laos na Saina.

Ol ripot i soim olsem sik HIV-AIDS i kamap bikpela long ol yangpela, moa yet long ol dispela krismas bilong ol i stap namel long 15 na 25.

Na dispela kain woksop bai helpim ol yangpela i toktok, serim toksave namel long ol yet na tu, autim ol wari ol i gat na helpim ol bikpela manmeri i klia gut long ol hevi bilong ol.

Mista Lukara i tok Red Kros Sosaiti i wok long karimaut ol program na aweanes i go long ol yut nau. Pastaim ol program bilong em i save sut moa long ol bikpela manmeri.

PNG Red Kros karimaut ol wok long traim daunim sik HIV-AIDS long PNG. Na em i trenim ol voluntia long karimaut ol aweanes wok na ol arapela samting i sut long wok bilong skulim ol man long abrusim na daunim sik HIV-AIDS long PNG.

# Goroka Yunivesiti kisim K8.5 milien helpim long Japan

### Veronica Hatutasi i raitim

YUNIVESITI ov Goroka (UOG) insait long Isten Hailans provins i kisim bikpela helpim long gavman bilong Japan long dispela wik bihainim sain-ing bilong wanpela agri-men we em (Japan gav-man) i givim K8.5 milien long UOG.

Dispela mani i bilong projek bilong baim ol nupela ikwipmen o ol samting skul bai yusim long kamapim gut skul bilong ol sumatin na ol tisa.

Long saining sere-moni we i bin kamap namel long gavman bilong Japan na PNG long Mande, Ambaseda Katsuo Yamashita i bin tok Japan i lukim eduke-sen i bikpela samting long developmen bilong wan wan man na bikpela moa em eduke-sen em i tul o rot bilong



•(Lephan -raithan) Vais Sansela bilong Goroka Yunivesiti Dokta Musawe Sinebare wantaim Dairekta bilongOpis bilong Haia Edukesen Dokta Philip Kereme long taim bilong sainim pepa.

kamapim developmen na gro bilong kantri. Na em (Japan) i lukim tu humen risos olsem bikpela samting long rot bilong nesene developmen.

Foren Afeas Minista Sir Rabbie Namaliu taim em i tok tenkyu i go long

gavman bilong Japan long bikpela helpim i go long UOG i bin tok em i luksave long helpim we bai kamapim sosel, iekonomik na kaiserel developmen bilong PNG.

Dispela em i namba 43 helpim i kam aninit long Japan Aid Grant

program na i wankain olsem dispela projek bilong kamapim gut ol ikwipmen bilong Nesene Brotkasting Komisn we ol bin sain-im long Ogas las yia.

"PNG i tok tenkyu tru long dispela helpim bilong Japan na pipel

bilong em. Dispela helpim bai strongim moa yet wok pren namel long tupela kantri.

Dispela K8.5 milien i soim bikpela tingting gavman bilong Japan i gat long helpim PNG inapim ol wok developmen plen," Sir Rabbie i tok.

Vais Sansela bilong UOG em Dokta Musawe Sinabare husat i bin stap tu long saining sere-moni i bin tok amamas long gavman bilong Japan long helpim em i givim long yunivesiti.

Em bin tok dispela helpim bilong ol tisa sumatin bai mekim bikpela wok long skulim ol pikinini na pipel bilong PNG.

Em i tok Japan i wok long givim gutpela helpim i go long UOG na em i luksave long dis-pela olsem wanpela rot we Japan i laik helpim long humen risos devel-opmen long PNG.

# Minista Laimo singaut long wok bung long stretim Keravat

### Belhat long haus i paia

EDUKESEN Minista Michael Laimo i belhat long ol lain i kukim haus slip long Keravat Nesene Hai skul insait long Is Nu Briten las wik.

Na em i apil i go long komyuniti na ol lida long sapatim plis, skul na ol atoriti long Keravat NHS na nogat moa hevi i kamap long bagarapim skul bilong ol sumatin. Keravat NHS em i

wanpela olupela skul insait long kantri wantaim Sogeri NHS. Planti ol lida na saveman bilong dispela kantri i bin skul long dispela tupela skul.

Tasol long dispela taim planti ripot nogut i kamap long dispela ol olupela skul na bagarapim nem bilong ol. Moa yet long Keravat we hevi i kamap long ol sumatin i wokim lotu long satan. Na long lsta wik, ol bin kukim dispela dabel klasrum.

Minista Laimo i tok long dispela taim tu ol i

laik givim pawa long lukautim ol nesene hai skul i go long ol provins na taim dispela kain birua na hevi i kamap long Keravat, em i kamapim wari long ol.

Em i tok tu olsem pasin we ol sumatin i wokim long i no luksave long ol samting long skul i no gutpela. Na sapos ol i painim aut husat i kukim bilding, ol bai givim mekim save long ol.

"Mi wari long pasin we liklik bikhet lain i wokim long ol skul. Aninit long developmen plen bilong

em, Dipatmen i gat plen long ol provinsel atoriti long lukautim ol nesene hai skul. Tasol ol dispela kain birua long ol samting bilong skul, moa yet, paiarim ol skul bilding i kamapim bikpela wari. Na gavman i surik long go hetim plen bilong em," Minista Laimo i tok.

Em i tok Keravat NHS em i wanpela nesene institusen na gavman i lukautim bilong ol Niugini Ailans rijen. Na ol pipel we i kamapim tu ol sumatin i mas lukautim gut skul.

Olsem na em i singaut

long provinsel atoriti, skul edministresen na komyuniti long wok bung wantaim na stretim ol hevi we ol bikpela nesene skul olsem Keravat i bungim long en.

"Ol papamama, ol sosel komyuniti na ol arapela lain i wok insait long ol skul, plis, ol kaunsela, ol sios lida, ol helt woka, ol sosel wok-lain, ol komyuniti na ples lida i mas wok bung wantaim long developim edukesen na lukim olsem ples i orait na ol pikinini i skul gut."

## Hap Hap Nius

### Helt Dipatmen putim K65 milien aplikesen long daunim malaria

HELT Dipatmen na ol patna bilong em i salim aplikesen long kisim K65 milien helpim mani long daunim sik malaria. Ol i mekim aplikesen long dispela mani i go long Global Fund.

Helt Seketeri Nicholas Mann i tokaut long dispela samting.

Ol bikpela kantri long wol i bin kirapim Global Fund long helpim ol liklik na trangu kantri we i sot long mani olsem PNG long helpim ol long pait egens long ol bikpela sik.

Long wankain taim tu, Dokta Mann i no bin amamas long ol ripot i bin kamap pastaim long nius taim opis bilong em i no bin givim tok orait yet.

Dokta Mann i tok bikos PNG i bungim planti senis na kantri i kirapim wanpela komiti long kodinetim o go pas long ol wok i sut long kisim helpim na go hetim ol bikpela projek. Komiti i gat ol patna long ol biknem grup i save stap insait long wok bilong helt olsem Wol Helt Ogenaisesen (WHO), Yunaitet Nesens Intenesenel na Edukesen fan bilong ol Pikinini, AusAID, JICA, ol NGO olsem Roteri Egens Malaria na ol Sios Helt sevis na ol arapela grup moa.

Ol i no kisim yet toksave sapos ol i oraitim aplikesen yet.

### PNG mas gat strongpela famili plening long daunim hevi

I GAT nid long PNG long kontrolim mak bilong namba bilong pipel bilong wanem namba i wok long surik i go antap hariap tru.

Long stapim o abrusim dispela, PNG i mas lukluk long namba bilong pikinini we wanwan famili i gat long en. Na rot long wokim dispela em long kontrolim mak long ol pikinini we wanwan famili i gat taim ol i bihainim PNG i wok long bungim planti hevi long nogat wok, poveti o pasin long sot long samting na lo na oda hevi bikos mak long ol manmeri long kantri.

Sister Jennifer Pyakalyia em wanpela Sister long Pot Mosbi Jenerel Haus sik i tok.

Sister Pyakalyia i wok planti yia pinis olsem wanpela nes. Na em i tok long lukluk bilong em, planti manmeri i no bisi na ol i no bihainim stret-pela rot long medikel sait long abrusim karim bel we ol i no laikim.

Em i tok ol helt klinik i save karimaut ol famili plening klinik na i moabeta long ol meri na ol mama long go na kisim save long wanem rot bilong bihainim long plenim famili bilong ol.

### Mak bilong ol liklik meri i gat bel i go antap

MAK bilong ol yangpela pikinini meri i gat bel na karim pikinini i wok long go antap. Dispela em ol yangpela meri i gat 12 na 24 krismas, Sister Jennifer Pyakalyia i tok.

Em i tok mekim na ol i salim sampela long dispela yangpela meri we i gat 12 krismas na bodi bilong ol i no inap yet long karim pikinini i go long lukim dokta bilong ol meri.

Em i tok bikos bodi bilong ol i no inap yet long karim pikinini na long abrusim ol kain hevi olsem katim ol, dokta bilong ol meri i save stopim ol dispela yangpela meri long go het karim bel.

Em i tok wantaim ol kain hevi, i mas gat moa aweanes long famili plening na tu, moa sapat long famili plening klinik.

### Sevei painim planti yut long Saut Afrika gat HIV/AIDS

NUPELA sevei o wok painimaut i soim olsem bikpela mak bilong ol yut o yangpela long Saut Afrika i gat sik HIV/AIDS. Mak inap olsem long 10 pesen. Na planti long ol em ol yangpela meri we ol i fosim ol long slip wantaim man na mekim marit pasin.

Wok painimaut i soim olsem long 12,000 yut krismas bilong ol i stap namel long 15 na 25, wan-pela long olgeta 10-pela yut we sevei i bin toktok long ol na karimaut ol tes long ol i karim HIV binatang.

HIV/AIDS i namba wan sik i kilim dai ol man-meri na pikinini long Saut Afrika.

Ripot ol i kisim long riprodaktiv helt yunit i tok taim ol yangpela i gat 19 krismas, 2 pesen long ol yangpela man bai i gat HIV na mak bilong ol meri em 13.8 pesen.

# WANTOK KOMENTRI

## Ol lida i mas soim rot

LAS WIK wanpela biknem lida bilong kantri i bin lusim laip bilong em long dispela sik nogut ol i kolim kensa. Leit Sir Anthony Siaguru i bin wanpela long ol man husat i bin stap taim PNG i kisim independens, na em i bin wanpela lida bilong kantri husat i bin soim rot long ol Papua Niugini manmeri i kam bihain long em.

Nau em i no stap tasol planti samting em i bin helpim long sanapim long sait bilong gavman na ol sevis i go long pipel i stap yet. Ol dispela samting i stap bilong soim rot bilong yumi ol yangpela.

Dispela kain wok bilong Leit Sir Anthony em i rot we olgeta lida long kantri tude i mas traim long bihainim.

Bikpela tingting we i mas stap long het bilong man o meri husat i kamap lida long kantri em bilong stretim sindaun bilong ol pipel tude na long bihain taim tu.

Sapos ol bikman olsem Sir Anthony i no bin gat dispela kain tingting long taim PNG i bin kisim independens, ating bai mipela i no inap stap long mak mipela i stap long en tude.

Klostu 29 yia i lus pinis long taim mipela i kisim independens. Nau em i taim bilong ol lida bilong kantri long soim rot i go long 29 moa yia i kam.

Olsem na ol lida bilong tude, na tumora, i mas lukluk gut na skelim sapos ol inap long holim wok olsem lida bilong kantri.

Ol samting i wok long kamap long Madang i no soim gutpela piksa long ol pipel, ol gavman bilong ol arapela kantri na ol pipel bilong ol arapela kantri husat i kam raun long kantri bilong yumi.

Sapos yumi i no laikim nem nogut i kamap long PNG, ol lida bilong yumi i mas senisim pasin bilong ol.

Planti yangpela lida bilong mipela tude tu i save long pasin bilong spak, go raun long ol hotel na klab na mekim ol pasin we bikpela mani inap long kamapim.

Tasol posisen ol i holim i no givim pawa long ol long bagarapim nating arapela man o meri.


Na i gat ol olpela lida bilong kantri tu i stap husat i save pinis long ol pasin bilong ol yangpela lida na nupela man long politiks. Planti taim yumi save lukim ol lida i asua taim ol i kam insait long palamen na bihain ol i lainim gut wok bilong ol na mekim samting stret.

I nogat moa taim bilong givim skul long ol lida. Tude, ol lida i mas i gat save long wok bilong ol olsem lida, wok bilong PNG long ovasis, na ol samting we ol inap long wokim long publik na ol samting we i tambu tru long mekim.

Nau em i taim bilong ol lida bilong tumora long soim rot.

# Yu laikim Somare Gavman i stap inap narapela Ilekseen o nogat?

Yu ting wanem na bilong wanem yu ting olsem?



AJAY LIMPEES

Mi laikim tru dispela gavman i mas stap bikos mi gat bikpela sapot long en long wanem mi laik lukim gutpela sindaun bilong gavman we em i ken mekim wok long givim ol sevis na developmen insait long kantri bilong yumi.

Dispela gavman bilong Somare i wok long kari-maut planti ol wok projek long ol provins na em i gutpela tru long yumi mas givim sapot bikos ol plen bilong gavman nau i wok long karim kaikai i stap.

Mi ting olsem sapos i gat wanpela senis o vot i nogat bilip insait long gavman bai ikonomi bilong kantri i go daun na bai yumi kisim taim i stap yet. Long wankain taim bai ol arapela kantri i nogat moa bilip long wok bilong gavman.

Givim dispela gavman sapot long mekim wok bilong em i go long neks ilekseen we olgeta pipel i ken luksave long ol developmen projek em i mekim i stap.

Ol i save tingim ol yet na lus tingting long ol man i votim ol o pipel bilong ol.

Olsem na mi yet mi bilip olsem larim dispela Somare gavman i pinisim olgeta wok bilong en na bihain okei yumi ken skelim ol long neks ilekseen.



KEITH MORGAN


Yes, mi laikim gavman i mas stap. Em (Somare) i papa-bilong kantri na em i mas stap i go taim bilong em i pinis o ritai long politiks.

I nogat wanpela kain praim minista olsem Sir Michael Somare husat i kirapim kantri bilong yumi i kam nau yumi gat 28 yia pinis long Independens.

Mi ting yumi mas larim dispela Somare gavman i mekim wok bilong en long givim ol sevis i go long ol pipel bilong kantri na mi no laik lukim wanpela vot i nogat bilip i kamap bikos em bai bagarapim ikonomi na ol hat wok we i karim kaikai nau i stap.

Bai ol arapela kantri tu long wol husat i wok long sapotim yumi long developim kantri bai lusim yumi na bai yumi kisim taim.

Dispela gavman i mas stap.



VARIKA KIRI

Yes mi laikim tu olsem Somare gavman i mas stap na mekim ol wok rifom ol i kamapim pinis. Dispela gavman i stap na yumi wok long lukim planti ol senis i kamap.

Ikonomi bilong yumi tu i stat long gro isi na Kina bilong yumi i wok long go antap i stap long mani maket.

Dispela em i hat wok bilong gavman nau i stap.

Planti wok projek i wok long kamap insait long ol provins na dispela em i gutpela piksa we yumi wok long lukim istap.

Mi laik lukim tu olsem gavman i mas lukluk tu long CPI bilong ol wokmanmeri long wanem ol samting bilong stoa i go antap tru. Olsem na gavman i mas lukluk gut long dispela. Yumi mas larim gavman i mekim wok bilong em i go inap narapela ilekseen.



GABRIEL POIYA

Mi ting olsem planti ol samting aninit long dispela gavman i wan sait. Planti ol bikpela wok i go long wanpela hap bilong kantri tasol na ol disisen bilong kamapim wok long kantri na i nogat tok pait o debet pastaim ol dispela disisen i kamap. Na olsem olgeta samting i yesa tasol i go.

Long dispela as planti

ol disisen i no stret. Dispela long wanem ol edvaisa i kam long wanpela hap tasol.

Long wankain taim ol pati i stap insait long gavman i no wok bung wantaim. I olsem Nesenel Alaiens bai toktok long wanpela samting na PNC na PAP bai toktok long narapela samting. Kain pasin olsem i no givim gutpela wanbel piksa long gavman. Na olsem kain pasin bai givim tupela tingting long ol bisnis sapos ol i tingting long invest long kantri.

Narapela samting em gavman i mas rausim ol manmeri husat i wok publik seven o wok politik na bagarapim kantri na i mas sensim ol dispela man wantaim ol gutpela manmeri.

Kain ol pasin i mekim mi wari long sindaun bilong kantri tasol sapos ol samting i stret mi ting olsem dispela gavman i mas i stap yet inap narapela ilekseen.




JOSEPH OMAI

Yes, mi laikim gavman i mas i stap. Dispela long wanem bipo (Morata) gavman i bin bagarapim kantri na sait bilong mani i bin go daun.

Taim gavman bilong Somare i kam insait ol i kirapim bek ikonomi

bilong kantri. Olsem na larim dispela gavman i stap. Dispela em i las taim bilong lapun sief Somare istap long gavman olsem na larim em i stap inap long pinis bilong em.



KAWAGE GAGMA

Yes gavman i mas i stap tasol em i mas sindaun long ol planti taim bai em i gat taim bilong toktok long ol samting bilong kantri.

Givim ol taim pastaim long mipela i ken luksave long ol senis ol i mekim o givim long ol pipel.

Mi amamas long wok bilong gavman.

TIONI AUGUS

Mi ting olsem nau gavman yumi noken rausim. Larim i stap inap narapela ilekseen. Na larim dispela gavman i stap na givim sevis long ol pipel we ol i wok long mekim istap nau

Lus tingting long vot-i nogat-bilip.

Planti politiks i save bagarapim sindaun. Ol i no ken kamapim vot-i nogat-bilip long en long tingting long senisim gavman nogut bai yumi no inap lukim planti ol developmen insait long kantri.

# Kas bilong ol kendidet

Simbu, Anglimp-Saut Waghi na Yangoru-Saussia bai go long vot neks mun long makim nupela memba bilong ol long Nesenel Palamen.

Anglimp-Saut Waghi ilektoret i stap long Westen Hailans and Yangoru-Saussia i stap long Is Sepik.

Simbu na Anglimp-Saut Waghi i go long bai ilekseen bikos olpela memba, Pater Louis Ambane na Paul Wai i bin sik na i dai. Long Yangoru-Saussia, kot bilong Lidasip Traibunel i rausim memba bipo, Bernard Hagoria, olsem wanpela memba bilong palamen.

Nominesen i pas pinis na ol kendidet nau i kempen long winim dispela tripela sia. Long Simbu, 31 kendidet i resis. Anglimp-Saut Waghi i gat 30 na Yangoru-Saussia i gat 18 kendidet.

Ol pipel bilong dispela tripela ilektoret bai vot long nupela Limitit Preferensol Voting (LPV) sistem. Ol bai makim 1, 2 na 3 long ol kendidet ol i laikim. I no olsem bipo, taim ol manmeri i makim [X] long wanpela kendidet tasol.

Long nambawan taim, Abau



TOK PISIN wantaim PETER MAIME

ilektoret long Sentrel Provins i bin yusim dispela nupela sistem bilong vot long las yia.

Dispela tripela bai-ilekseen bai givim sampela risals ol pipel i no tingim long en. Dispela ilekseen i no wankain olsem bipo we wanpela kendidet husat i kisim bikpela namba bilong vot bai win, taim ol vot long olgeta balot bokis i pinis.

Long dispela nupela voting sistem, wina i mas kisim 50% na moa vot long ol totel (bungim wantaim) vot i stap insait long kaunim. Sapos nogat, ol ilekseen opisal bai bihainim lo bilong eliminesen o rausim ol kendidet husat i kam las long resis na kaunim namba 2 na 3 vot inap ol i panim wanpela wina.

Rekot bilong ilektoret Komisin bilong 2002 Nesenel Ilekseen i

soim olsem, Simbu i bin gat 41 kendidet husat i bin resis. Anglimp Saut-Waghi i bin gat 26 na Yangoru-Saussia i bin gat 32 kendidet.

Long Simbu, ol vot i gutpela o formal long 2002 em, 441, 713. Pater Louis Ambane i bin win wantaim 64, 461 vot. Dispela em 14.6% bilong olgeta gutpela vot i bin stap long kaunim.

Anglimp-Saut Waghi, insait long 2002 ilekseen, namba bilong vot i gutpela em 129, 455. Paul Wai i bin kisim 12, 082 na i win. Dispela em 9.3% bilong olgeta gutpela vot i bin stap long kaunim.

Yangoru-Saussia, ol vot i gutpela long 2002 em 24, 287. Bernard Hagoria i bin winim dis-

pela ilekseen wantaim 3, 748 vot. Dispela em 15.4% bilong olgeta gutpela vot i stap long kaunim.

Taim yumi lukim rekot bilong dispela tripela ilektoret, i no wanpela kendidet i win wantaim 50% o moa vot taim yumi bungim wantaim olgeta gutpela vot.

Long Abau bai-ilekseen, nau Minista bilong Komyuniksen na Praivet Entaprais, Dr Puka Temu i bin kam pes long nambawan kaunim bilong ol vot. Em i bin kisim 8, 911.

Tasol em i no win bikos em i daunbilo long 50%. Vot bilong Dr Temu wantaim ol gutpela vot bilong ol narapela 6-pela kendidet, bungim wantaim, em 18, 199.

Olsem na ol ilekseen opisal i bin go long eliminesen o rausim ol kendidet husat i kam las. Bihain long tupela kendidet i aut, na ol namba 2 na 3 vot bilong ol, em ol narapela kendidet i stap yet long resis i skelim, Dr Temu i kisim 9, 113. Dispela i moa long 50% bilong 18, 199 na em i win.

Nau yumi lukim husat bai win long ol dispela bai-ilekseen. Em nau kas bilong yupela ol kendidet.

# WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD

Papua New Guinea

Telephone: 325 2500

Fax: 325 2579

Email: word@global.net.pg

Pe bilong wanpela yia  
52 niuspepa

Ples:	Air:
PNG	K140.00
AUSTRALIA	AU\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager  
Jeremy Burgess

Editor  
Yakam Kelo

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea- Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out in full on the display advertising form.

## Sasim ol lain i pilai politiks

**Dia Edita**  
Mi wanpela man bilong ples husat i save sindaun na skelim ol samting we ol lida bilong mipela i save mekim. Sampela samting ol lida long gavman i mekim i stap em i gutpela, tasol ol paul samting ol lida bilong yumi long oposisen i wok long mekim mi lukim olsem i no stret.

Mipela ol liklik manmeri inap luksave long hevi bilong kantri long sait bilong mani. Mipela i save sapos kantri i kisim taim bikos ol pikinini bilong mipela i save hangere taim liklik

mani mipela i kisim long tuhat bilong mipela i no inap long baim inap kaikai bilong haus.

Tasol ating ol lida yet ol i no pilim dispela kain samting. Em bikos ol i save kisim bikpela hap mani tru long wan wan potnait. Tasol ol i save mekim wanem kain wok tru?

Nau ol i wok long toktok long senisim gavman. Mi les pinis long ol kain bikhēt pasin olsem!

Nau taim kantri i wok long stat long strong bek, ol dispela sinek i wok long kirapim toktok bilong senisim gavman.

Em i klia long mi na ating long olgeta arapela manmeri bilong kantri olsem ol dispela lain husat i laik senisim gavman i laik stap long gavman bilong mekim mani bilong ol yet.

Ating mobeta Palamen i kamapim wanpela lo we ol memba bilong palamen husat i laik bagarapim sindaun bilong gavman i mekim wok stret i mas kisim mekimsave bikos ol i bagarapim sindaun na taim bihain bilong kantri.

**PAUL ITIKS  
WAIGANI  
NCD**

## Maski sindaun na skelim ol manmeri wokabaut

**Dia Edita**  
Mi wanpela boi husat i save stap long Rome Kem long Aitape. Mi save harim planti toktok, komplek na tu mi save lukim em i save kamap long olgeta apinun taim long olgeta de.

Mama na susa long Rome Kem apinun maket i save laik sindaun long maket ples na skelim ol man na meri wokabaut long rot i go i kam. Mi yet tu mi wanpela bilong ol husat i no save laikim dispela pasin tu.

Ol mama na susa taim yupela maket bisi long lukautim maket tasol na maski long lukluk long rot na skelim ol man na meri.

Ol mama na susa plis mi ting inap yupela traim stopim dispela pasin na senisim pasin liklik pasitaim o bai nogat?

Em pasin nogut long skelim narapela man na meri. Sapos em skelim yu bai yu ting olsem wanem, bai i orait o nogat? Plis, ol brata na susa wokabaut long rot i no ol animol bai yupela i wok long skelim ol.


Nogat, em ol wankain man na meri tasol olsem yupela ya. Ol meri long Rome Kem ating yupela i no save long wokim ol bilum olsem na yupela sindaun long skelim ol wankain manmeri olsem yupela. Moa beta em

olsem ol mama na susa taim yupela i laik i kam sindaun long maket yupela mas karim ol bilum na kam sindaun bai yupela bisi long wokim bilum na yupela i noken moa skelim ol man na meri gen.

Sapos yu husat i agensim dispela pas mi redi long stretim yu long narapela taim. Sapos yu husat i sapotim mi, orait amamas long agensim ol dispela man husat bai agensim mi.

**JAY JAY AMO  
AITAPE  
SANDAUN PROVINS**

## Strongpela lo long banisim piksa nogut long kam insait



**Piksa Nogut...Tupela opisa bilong Sensasip Opis i sanap wantaim ol buk na ol kaset we i soim ol piksa nogut. Sensasip Opis i gat wok long skelim ol buk o piksa we i kam insait o stap insait long kantri na tok sapos em i orait o nogat long ol pipel long lukim. Planti manmeri i bilip olsem ol dispela piksa nogut i wok long kirapim hevi olsem reip o holim pasim na bagarapim ol meri na ol arapela pamuk pasin. Foto: WILLIAM NATERA**

**Dia Edita**  
SAMPELA tingting mi gat long mekim, bihainim dispela tok o stori long fran pes bilong Wantok Niuspepa Isu1547 long Mas 11, 2004.

Mi laik kamapim sampela tingting tasol sapos sensasip bod inap long skelim na karim aut wok painim aut long dispela stori. Mi save olsem ol dispela vedio teip, na ol megasin na ol pilai kat i gat piksa nogut long en na vidio CD em olgeta ol i nogut tasol yu save.

Yes, em i taim long lukluk na mekim strong dispela lo we i ken banisim ol kain piksa nogut olsem long i no ken kam insait long kantri.

Na husat ol dispela man o meri i save odarim, o i mekim na kisim ol dispela kain piksa nogut, ol tu i mas kisim bikpela mekim save.

Ol jas o fi i mas kisim mak olsem K1000 na go antap long K5,000 na ol ken i go kalabus inap long tupela na tripela yia olgeta.

Maski em i fes taim long yu husat i odarim o lukim piksa nogut ya ol tu i mas kam aninit long dispela lo i tambuim ol long noken stap insait long en.

Olsem taim God i tok olgeta

bikpela na liklik samting we em i rong, na em i sin, lo bilong God i no senis. (All unrighteousness is sin) na kot bilong God em i stret olgeta. Olsem na gavman i mas tingting gut nau na wok wantaim ol sensasip bod bilong holim na strongim dispela lo i kamapim husat i stap insait long dispela, orait lo i stap stret na i kotim ol husat i brukim lo na i asua, ol ken baim fain o go kalabus tasol.

Na tu, husat man o meri sapos em bilong ovasis o bilong wanem hap i kam insait long kantri, lo i mas tok orait long sekim em pastaim long ples balus bihain long em i go long wanem hap em i laik go long en.

Dispela i pas long wok bilong ol bikpela kago sip i kam insait long kantri. Gavman i mas putim bikpela hap mani tru i go long wok bilong ol sensasip bod na ol kastam opisa long ol i mas karim aut wok painimaut i go insait long olgeta sek poin long bris na ples balus, we dispela em i wanpela ol rot ol dispela kain piksa nogut i save kam insait long kantri PNG. Na tu sekim olgeta pas i save kam long pos opis wantaim ol kago long kago seksen. Sapos ol painim na holim husat man o meri i gat ol dispela piksa nogut, orait kotim ol

na tu putim piksa bilong ol na nem bilong ol long niuspepa o long EMTV 6 kilok nius bai olgeta PNG i ken save na dispela baj mekim ol i sem na husat i lukim tu em bai skelim.

Na long husat i brukim lo na go het na mekim kamap piksa nogut bilong ol yet, kisim ol dispela piksa nogut ol i bin wokim na kisim poto bilong ol dispela man o meri na printim long niuspepa bai ol pablik i ken ridim na lukim orait bai ol i sem na poret long mekim o developim ol dispela piksa nogut.

Bikpela samting em sapos lo i tok em rong orait em rong na husat i stap insait long ol piksa o kisim ol piksa nogut i mas kisim bikpela mekim save stret.

Maski sapos ol biksot man o meri, wanem kain kala bilong skin, marit o i no marit, sapos kot i painim aut olsem ol i rong (guilty) ol mas baim kot fain o go kalabus tasol.

Mi bilip dispela wei, lo bilong yumi i save lukautim yumi na sevim yumi long ol dispela kain pasin nogut i save kamap.

**PAUL I.  
LORENGAU  
MANUS PROVINS**

## Haniyak i gat nem

**Dia Edita**  
Mi laik raitim dispela pas long Wantok Niuspepa na tok tenk yu i go long 4-pela yangpela bilong ples Haniyak husat i kisim digri pepa long Goroka Yunivesiti, UPNG, Divine Word na Unitech.

Ol sumatin ya em 3-pela man na wanpela meri ol i kisim ol pepa long edukesen, akaut-

entin, mekenikol enjiniaring na helt administresin.

Klostu olgeta yia Haniyak i save i gat 4 o 5-pela ol yangpela i save kisim ol pepa long ol yunivesiti long Papua Niugini.

Ating long yia 2007 dispela ples bai i gat moa long 100 manmeri i pinisim ol digri pepa we i soim olsem em wanpela ples tasol

long Is Sepik provins planti ol yangpela i save kisim ol bikpela pepa long skul.

Mi laik tok amamas long ol lain Haniyak husat i greduet long las mun Mas 2004 long ol yunivesiti long PNG.

**JOHN KRIOSAKI  
WEWAK  
IS SEPIK PROVINS**

## Bas em bilong karim ol man i no buai bek

**Dia Edita**  
Mi wanpela manki bilong ples tasol nau mi kam stap long Pot Mosbi long Erima Setelmen. Mi raitim dispela pas long autim wari na belhevi bilong mi long ol papa bilong bas na ol bas draiva wantaim boskru long Okuk Haiwe (Hailans).

Taim mi stap long ples haus bilong mi stap klostu tru long rot. Na wanem kain kar i go i kam long rot, em mi save lukim gut tru bikos mi stap arere tasol long rot.

Olsem na planti taim long olgeta moning mi lukim klostu long 16 o 17 bas i save karim pasindia na ful loud tru i save lusim Hailans i go daun long kostal Lae na Madang. Tasol taim bas i laik lusim nambis na i laik go long Hailans, mi no save lukim ol man o pasindia long kar, nogat tru. Olgeta taim mi save lukim ol buai bek na pinat bek tasol i save pulap insait long bas, sit i pulap na i save go pas long bonet tu. Dispela i bin kamap 4-5 yia i go pinis na nogat man i toktok long stretim dispela olsem na mi autim dispela belhevi bilong mi long pablik em olsem:

Long deit 21/03/04 Sande, mi bin sanap long Chuave Get mausrot wantaim brata Dodo Gomia na mitupela bin lukim 22 bas i bin lusim nambis na kam antap long Hailans (Okuk Haiwe). Insait long dispela bas em 7-pela 15 sita bas na 15 25 sita tasol em kisim ol pasindia. Tasol ol arapela bas em pulap tru long pinat na buai/daka bek tasol na nogat man tru.

Lukluk na tingting bilong mi long ol PMV bas i no gutpela tumas. Sapos yu kaunim 15 bas i ron long haiwe long olgeta de long wanpela yia bai yu save long hamas pasin-

dia i wok long go daun long nambis. Long kambek long Hailans yu save klostu olgeta pasindia i save nidim bas long go, i no long daina o ol bikpela kar, bikos em longpela rot.

Tasol ol PMV bas i no save go kisim man, ol save go painim buai bek na pinat bek na daka bek tasol na i no save kisim ol pasindia.

Mekim na nau yet rot i nogat, na planti pipel i pulap long siti, setelmen strit na olgeta hap i pulap long man na planti raskol stil pasin reip na kainkain samting i wok long kamap bikpela tru. Mi laik mekim strongpela askim long yu PMV Bod na ol polis man i save stap klostu long Hailans Okuk Haiwe olsem i gat ol lo bilong PMV bas i ken karim buai bek o nogat? Sapos em ken loudim, bilong wanem ol wokim sit bilong man i ken sindaun?

Mi ting bas ol Japan wokim na putim sit pinis bilong ol pasindia i ken sindaun gut na yu ken ron gut longpela rot yu laik go long en.

Em i no bilong bai yu karim buai bek, daka bek na pinat bek.

Na plis mi laik mekim strongpela askim i go long yupela ol polisman long Okuk Haiwe gen olsem yupela slip tumas na mas kirap na wokim sek poin na givim mekim save long ol dispela bas draiva.

Em tasol na yu husat brata o sista yu gat tingting long agensim dispela o yu laik sapotim dispela tingting orait yu welkam tasol.

Mi stap redi tasol long kisim bekim bilong yupela long narapela wik.


**BURO KUMUNO  
ERIMA  
NCD**

# Stap wok

**Palastin, Midul Is:**  
**OL MANMERI** Palestain husat i stap long Israel i stap wok na sindaun ausait long ol rot long indastrial-hap bilong ples ol i kolim Erez, hap graun we Israel i bosim long noten Gaza Strip. Inap long 3,000 wok manmeri i bin stap wok/long tupela de las wik na i bin singaut long gavman bilong Israel long mekim gutpela pasin long ol

sek poin. Sek poin em i mak we ol soldia bilong Israel i save sekim ol Palestain bipo long ol i go long hap graun we Israel i bosim. Ol wok manmeri bilong Palestain husat i stap long graun Palestain i bosim tasol i mas abrusim dispela sek poin long go long hap graun we Palestain i bosim long wok, i tok ol soldia long sek poin i no save mekim gut long ol.

**Poto: SUHAIB**




# Presiden na sajen

**Washington DC, Amerika:**

**PRESIDEN** bilong Yunaited Stets ov Amerika (U.S.A), George Bush, i ron wantaim Michael McNaughton, wanpela ami staf sajen long ami bilong U.S.A, las Trinde. Tupela i bin bung long Janueri 17, 2003, long Walter Reed Ami Medikel Senta we Sajen McNaughton i bin stap bihain long em i kisim bagarap long lek bilong em long woa'long Afghanistan. Long taim ol i bin bung Presiden Bush i bin tokim Sajen McNaughton olsem em i laikim em i mas orait hariap na ol i ken ron wantaim long bihain taim.

**Poto i soim Sajen McNaughton (rait) wantaim wanpela giaman lek bihain long ol dokta i rausim lek bilong em we i bin bagarap, i ron wantaim Presiden Bush (lephan) long graun bilong White House, haus bilong ol presiden bilong Amerika. Poto: AP**



## Amamas long bagarapim Amerika

**Baghdad, Irak:**

**WANPELA** yangpela manki Irak i soim sain bilong win klostu long wanpela trak bilong ami bilong Yunaited Stes ov Amerika. Ol paitman bilong Irak i bin bagarapim dispela trak klostu long ples balus bilong Baghdad las wik. **Poto: ALI JASIM/REUTERS**

## Bik bel, lek nating man ronawe long polis


**Sydney, Australia:**

**WANPELA** bik bel lek nating man bilong Australia i bin ronawe long ol polis taim ol i wok long traim long kisim em i go insait long kot haus, ol opisal i tok. Ol piksa bilong ol sekyuriti kemra i soim dispela bik bel man i wok long givim siksti long ronawe long 4-pela polisman long sentrel Sydney. Tupela polisman i bin pundaun taim ol i wok long ronim em. "Planti man i bin ronim em tasol ol i no inap holim em. Em i bikpela man tasol em i ron spit tru," Chris Swift, wanpela man husat i bin lukim dispela hevi i kamap i tok. Ol polis na ol gad bilong kalabus i sem olsem dispela bik bel lek nating man i ronawe long ol. Ol polis i wok long sutim tok long ol gad bilong kalabus olsem ol i no bin was gut long dispela man na ol gad bilong kalabus i sutim tok long ol polis.

## Man bamim 5-pela

**Cumberland, Yunaited Stets ov Amerika:**

**POLIS** long Cumberland i bilip olsem Abdullah El-Amin Shareef, i bin bamim 5-pela pipel wantaim wanpela liklik bas em i bin stilim na i wok long ronim raun. Em i bin bamim ol dispela pipel las Trinde tasol i no long wankain taim. Long wanpela birua, em i bin bamim wanpela man lusim em i pas aninit long bas. Polis i sasim Shareef, husat i gat 25 krismas, wantaim meda o kilim dai man na i kisim em i go long wanpela hausik bilong ol long-long. **Poto: APP**



## Hatwok karim kaikai

**Norway:**

**LINN** Githmark bilong Norway i kis long tropi em i winim long wol junia sempionsip bilong ol meri.

**Poto: CP/JAC QUES BOISSINOT.**



# Tingim bek Sir Anthony

LAS wik Fraide nait, sik kensa i bin katim sot laip bilong Sir Anthony Siaguru, wanpela bikman husat i bin go pas long planti samting taim em i bin yangpela man yet na Papua Niugini i no kirap gut yet. Em i bin gat 57 krismas.

Em i bin wanpela save man long skul, na em i bin soim strong bilong em long pilai spots tu. Em i bin skul na kamap loya, bihain em i kamap bosman bilong wanpela gavman dipatmen, em i helpim long kamapim wanpela politikel pati, na em i bin karim nem bilong Papua Niugini long ovasis.

Mama i bin karim Sir Anthony long namba 4 de bilong mun Novemba, 1946 insait long Is Sepik provins.

Em i bin skul long PNG na Australia na em i bin wanpela long ol i stap insait long namba wan klas bilong kisim pepa bilong wok loya i kam long Yunivestiti ov Papua Niugini (UPNG) long 1971. Em i bin kisim luksave long wok olsem wanpela loya insait long PNG long 1972.

Long 1980, Sir Anthony i bin kisim Fulbright Skolasip long go skul long Harvard Koles we em i bin wok wantaim Harvard Institiut bilong Intanesenel Developmen na em i bin skul tu long John F. Kennedy School of Government.

Planti manmeri i bin save laik kisim em long toktok long ol bikpela kibung long ovasis.

Sir Anthony i save raitim planti samting long nesanel na intanesenel afeas tu.

Em wanpela man husat i bin save laik pilai spots tu. Em i bin pilai ragbi taim em i stap long yunivesiti na em i bin kepten na kosa bilong Papua Niugini nesanel sait. Em i bin save laik tru long pilai tenis tu.

Sir Anthony i bin marit long Wilhelmina Lady Siaguru, wanpela meri edukesenelis husat i bin siameri bilong Komisn bilong Haia Edukesen insait long Papua Niugini long 1983 i go inap long 1990. Em i bin holim wok olsem Edukesen na Infomesin opisa bilong Papua Niugini Hai Komisn long London.

Tupela i gat tripela pikinini man.

## Wok bilong em long pablik sevis

Sir Anthony i bin wanpela long ol namba wan man long wok olsem kadet diplomet na trening bilong em i bin kisim em i go raun long Canberra long Australia na Geneva long Swisalen we em i bin wok wantaim Australia Misen i go long Yunaited Nesens. Bihain em i lusim na kam bek long Papua Niugini long 1973. Em i bin kamap namba wan seketeri bilong Foren Afeas na Treid taim kantri i bin kisim independens long 1975.

Em i bin holim dispela wok inap long 1980



• Sir Anthony i bin wanpela man husat i save tok pilai tru. Long dispela poto em i tok pilai wantaim wanpela wanwok bilong em, Richard Kassman.

taim em i go bek ovasis long pinisim skul bilong em.

Taim em i stap Seketeri bilong Foren Afeas na Treid, Sir Anthony i bin helpim long kamapim wok bung namel long ol Pasifik Ailan kantri husat i holim membasip long Saut Pasifik Forum na Saut Pasifik Komisn. Antap long dispela, em i bin mekim bikpela hap wok bilong paitim toktok long wanpela Prefensel Tred Agrimen. Nem bilong dispela agrimen em South Pacific Regional Trade, Economic and Commercial Agreement — SPARTECA. Dispela agrimen i bin stap namel long olgeta Pasifik Ailan kantri na Nu Silan na Australia.

Sir Anthony i bin go pas long paitim toktok long Papua Niugini i kamap memba bilong Yuropean Yunion (EU) aninit long Lome Konvensen. Dispela agrimen wantaim EU i opim rot bilong ol samting mipela i mekim insait long kantri bai inap long go long ol kastoma long Yurop.

Em i bin go pas long ol delegesen bilong PNG taim ol i paitim toktok long sanapim ol agrimen wantaim ol kantri i stap klostu long Papua Niugini. Sampela kantri we Sir Anthony i bin go pas long toktok wantaim ol em Australia taim ol i sanapim Torres Strait Treaty, na Indonesia long boda triti bilong em.

## Nesanel Politik

Long 1982, em i winim ileksen i go long Palamen long wanpela sit insait long Nesanel Kapitol Distrik. Namel long 1982 na 1987, em i lukautim sampela ministri.

Wanpela ministri em bilong Pablik Sevis. Taim em i lukautim dispela ministri, em i mekim planti gutpela senis insait long en.

## Wok olsem loya

Sir Anthony i bin stat wok wantaim Blake Dawson Waldron long 1988 na em i bin wok long eria bilong komesel lo inap long 1990 taim em i go bek wok wantaim gavman na i

holim wok olsem Deputi Seketeri-Jenerol, Komonwelt i bin helpim long sanapim infra-straksa bilong ol ileksen long Bangladesh, Ghana, Guyana, Kenya, Lesotho, Malawi, Malaysia, Pakistan, Seychelles, Saut Afrika na Zambia.

## Wok em i mekim taim sik i winim em

Bihain long em i kam bek long Papua Niugini long 1996, Sir Anthony i bin wok bek gen wantaim Blake Dawson Waldron long komesel eria we em i lukautim pablik na intanesenel lo, gavman afeas na kopret gavanens.

Sir Anthony i bin lusim wok olsem Sinia Patna bilong Blake Dawson Waldron long mun Desemba 1997.

Bihain long 1998, Sir Anthony i bin wok olsem wanpela praivet konsalten. Em i bin save givim tok stia long Blake Dawson Waldron na sampela arapela intanesenel na Papua Niugini kampani. Em i bin sindaun long bod bilong South Pacific Post Ltd na Post Courier long mun Novemba, 2002. Em i bin sindaun long Bod bilong Niugini Mining Limited long 1996 na long mun Jun 1997 em i sindaun long bod bilong Lihir Gold Limited olsem wanpela independen memba. Long mun Desemba 1996, em i sindaun long Bod bilong Steamship Trading Company. Em i bin Siaman bilong Pacific Reinsurance Ltd; Pacific Rim Plantations Ltd; na PNG Water Ltd.

Em i bin holim posisen olsem Deputi Siaman bilong Kula Fan, wanpela fainans bisnis i save givim sevis long 12-pela Pasifik



• Olpela gavana bilong Sentrel, Ted Diro, i sanap kisim poto wantaim Sir Anthony.

go bek ovasis.

Long 1989, em i kisim wok olsem Siaman bilong Saut Pasifik Gems Faundesin husat i bin go pas long namba nain Saut Pasifik Gems we PNG i bin lukautim. Long 1990 em i kisim luksave bilong Kwin bilong Ingran taim em i kisim nait hud (KBE) bilong luksave long bikpela wok em i mekim insait long komyuniti na pablik sevis.

## Intanesenol sevis

Long mun Februari 1990, ol memba gavman bilong Komonwelt ov Nesens i bin makim em long wanpela 5-ya wok olsem Deputi Seketeri Jenerol. Em i wok long sentrel opis bilong Komonwelt long London. Taim em i wok long hap, Sir Anthony i bin apim nem bilong Asosiesen na wok em i save mekim long humen raits, lo na stret-pela gavman. Aninit long dispela progrem, em i holim wok bilong lukautim na strongim wok demokrasi na sivil sosaiti insait long ol memba kantri.

Bikpela hap bilong wok bilong en em long givim tok stia long ol kantri we gavman sistem bilong ol i wok long senis. Taim em i


Ailan kantri. Long mun Desemba 1998 inap long nau, Sir Anthony i bin Siaman bilong Pot Mosbi Stok Eksens na PNG Komesel Dispiut Senta. Em i save makim kantri bilong em long APEC Bisnis Advaisari Kaunsol bilong Australian Senta bilong Intanesenel Agrikalsa Rises.

Long sait bilong mekim wok insait long komyuniti, Sir Anthony em i memba bilong Bod bilong Katolik Asdiosis bilong Pot Mosbi, Red Shield Appeal bilong Salvation Army na Deputi Siaman bilong Faundesin bilong Lo, Oda na Jastis (PEACE) Melanesia.


Em i Faundesin Siaman bilong Transparency International (PNG).

Sir Anthony i bin wanpela man husat i bin mekim bikpela wok bilong kantri bilong em na wanpela man husat i givim bikpela save long ol manmeri bilong PNG na ol arapela Pasifik kantri.

Papua Niugini nau i gat planti yangpela manmeri husat i bihainim wokabout bilong Sir Anthony Siaguru long mekim wok bilong kantri bilong ol. Em i bin soim rot, nau yumi mas bihainim.



• Tasol taim bilong wok em taim bilong wok. Sir Anthony i tok klia long wanpela samting taim em i sindaun wantaim Rimbink Pato na Mel Togolo.



■ I tokaut tru olsem YumiYet Bridge Program i kamapim gutpela sindaun long Sarawaget ples long Morobe provins.

# Bris igo long bikbus stret

**A**NTAP tru long ol Sarawaget Maunten insait long Morobe provins, Bomox Yeriba i wok long tingting planti long pikinini bilong em i pinis skul bikos bikpela ren i pundaun.

Bomox em wanpela mama na em i save tingting planti long pikinini bilong em husait i skul long Tinebi praimer skul, wanpela skul we i stap klostu, tasol i stap long narapela sait bilong Wara Solop na em i mas wokabaut bihainim wanpela hap diwai tasol long kam bek long haus long apinun.

Bomox wantaim tupela arapela long hauslain bilong em Kasaram Tovidi na Guanam Mona i tok olsem Wara Solop i rausim pinis ol haus i bin sanap long sait bilong wara na planti manmeri i bin dring wara na painim dai taim ol i traim long brukim wara i go long hapsait.

Taim yu draiv i go daun long Hailans Haiwe, yu bai askim yu yet, ol manmeri bilong Morobe provins i stap we taim yu lukim Markham Veli i bikpela tru na ol manmeri i hait i stap.

Tasol sapos yu wanpela man o meri bilong raun long kain kain hap, wanpela samting yu i mas mekim em long draiv i go antap long ol Sarawaget Maunten, samting olsem 35 kilomita i go insait. Dispela ples i stap samting olsem 600 mita antap long mak bilong solwara. Long dispela hap i gat samting olsem 10,000 pipel na planti hauslain i stap.

Taim yu stap tasol long haiwe bai yu no inap long lukim ol manmeri, tasol antap insait long ol maunten i gat ol bikpela hauslain i stap we ol i save planim na lukautim kain kain gaden kumu, kaikai na buai.

Guanam, husat i no poret long toktok, i tokaut olsem ol pipel i stap insait long ol maunten i ting olsem i nogat gavman bikos ol i no lukim wanpela gavman sevis i go

antap long ples na hauslain bilong ol.

"Ol rot i bagarap na Wara Solop i nogat bris na mipela ol pipel i faol nabaut," Guanam i tok.

Maski i gat gavman sevis o nogat, ol pipel long hap i tok olsem ol i gat laip bilong ol i stap na ol i no inap long wetim ol gavman sevis. Ol i no inap long mekim wanpela samting bilong kisim gavman sevis.

"Long mipela, bikpela samting i kamap pinis, em dispela Solop bris tasol," Guanam i tok.

Em i makim wanpela hap simen wantaim hap ain insait long en. Em i tok sampela yia i go pinis, sampela lain i bin traim sanapim wanpela samting tasol i hat tumas long pinisim.

Ol mama na meri pikinini i save poret tru long wokabaut long dispela wanpela hap diwai long go long hapsait bilong Wara Solop.

Tasol bihain long bris we i kamap aninit long Yumi Yet Bris Program i sanap, ol pipel i skelim olsem dispela em i nupela we bilong laip bilong ol. Dispela bris bai nogat kros pait long en na bel bilong ol bai stap isi long taim bilong bikpela ren.

Ol man i save wari long ol famili bilong ol i lus long Wara Solop tasol ol i mas i go antap tru long bikbus long maunten long painim wanpela bikpela diwai tru we bai inap long kamap olsem wanpela bris. Nau bai ol i no inap long wari moa bikos dispela 42-mita bris i kamapim gutpela sindaun na tingting bilong ol manmeri i stap klostu long dispela wara.

Bihain long ol i opim dispela bris, ol manmeri i stat long lukautim kopi gen na ol i opim gen olpela kopi mil long ples bilong ol na nau ol i lukluk long mekim samting olsem tri na fo milien kina long kopi long wan wan yia. Dispela kopi mil ol bin opim gen tupela mun i go pinis.

*Intaviu*

## Go pinis...

**W**anpela sivil enjinia husat i lusim kantri i tok olsem ol manmeri blong Papua Niugini em ol lain bilong wok hat na i save lainim samting kwiktaim. Steve Jones bilong Liverpool long Inglan (England) i bin sait menasa bilong Yumi Yet Bris Program pastaim long em i lusim kantri bihain long em i stap tupela yia olgeta. Em i bin lukautim sanapim bilong 15-pela bris olgeta na em i kamapim ol pos bilong samting olsem 30 bris pastaim long em i lusim PNG. Mipela i bin toktok wantaim Steve long ekspiriens na tingting bilong em taim em i wok insait long PNG.

**Askim: Yu wok long planti hap insait long Papua Niugini long tupela yia pinis. Inap yu lukim kaikai bilong ol dispela bris insait long ol lokol komyuniti o nogat?**

*Bekim: Yes, ol dispela bris i opim ol komyuniti na yu inap long lukim ol samting ol dispela bris i givim ol pipel. Mipela i bin sanapim tupela bris long Ekiekina we ol pipel i bin stap na wetim wanpela bris inap long 20 yia olgeta. Taim mipela i bin go insait long kari-maut wok sevei, ol i laik paitim mipela bikos ol i tok planti lain i bin go mekim planti sevei pinis na nogat wanpela kaikai bilong ol dispela sevei. Pasin na tingting bilong ol i bin senis taim mipela i go bek wan wik bihain na karim ol samting bilong sanapim bris. Ol dispela bris i opim rot namel long ol gaden na fam bilong ol pipel na ol taun maket na bai yu lukim tru ol gutpela samting bris i kisim i kam long komyuniti.*

**Askim: Yu raun long planti hap long kantri. I gat wanpela ples we yu laikim tru?**

*Bekim: Lewa bilong mi i stap wantaim ol pipel long Kimbe, Wes Nu Briten. Mi bin lukautim sanapim bilong tupela bris long hap - Tamba na Lamegi. Ol pipel bilong Wes Nu Briten em ol gutpela lain tru na ol i gat bikpela save. Mipela i pinisim wanpela long 7-pela na narapela long 10-pela de tasol.*

**Askim: Wanem tingting bilong yu long ol mak bilong wok bilong ol**



Steve Jones i supavalsim foklif long lodim kago i go insait long kontena long Lae Morobe Provins. wokman insait long Papua Niugini?

*Bekim: Mi wok pinis long planti hap olsem Yunaited Kindom (United Kingdom-UK), Filipins (Philippines) na Hong Kong (Saina) na mi bilip olsem tingting bilong wok bilong ol wokman long PNG i winim wok pasin bilong ol wok manmeri bilong ol arapela kantri. Ol i save lainim samting kwiktaim na ol i save olsem ol bris i mas sanap hari-ap bai i ken opim wok bisnis na komyunikesen. Mi gat bilip olsem sampela pipel husat mi wok wantaim long taim mi kam long PNG inap long nau bai inap long sanapim ol bris long olgeta hap long wol. Papua Niugini i mas sapatim leba fos o ol wok manmeri bilong ol. I mas i gat samting bilong kirapim tingting bilong ol tasol. Na dispela bris program i save kirapim tingting bilong ol manmeri i wokim.*

**Askim: Wanem samting bilong kantri bai yu gat bikpela tingim long en?**

*Bekim: Mi bai tingim gutpela wok bung-wantaim namel long ol pipel mi wok wantaim. Ol lokol wokman mi bin wok wantaim i lainim planti samting tru insait long tupela yia tasol - na SP bia (em i lap na tok).*

**Askim: Bai yu kam bek long Papua Niugini o nogat?**

*Bekim: Yes, bai mi kisim meri na tupela pikinini bilong mi i kam hia bilong holido o malolo. Dispela kantri i gat planti naispela hap bilong go lukim na mi laikim famili bilong mi long lukim ol samting mi wok long amamas long lukim long hia.*





# Yumi Yet bris long Sri Lanka

**G**UTPELA wok bilong sanapim ol bris insait long Papua Niugini aninit long Yumi Yet Program i kirapim pinis tingting bilong gavman bilong Sri Lanka long India na ol i laik kamapim wanpela kain projek olsem wantaim wankain mani, wankain kampani na wankain bris. Projek long Sri Lanka bai lukim ol i saplaim ol feri o pontun i kam long Mabey and Johnson we ol yet i wokim. I gat lukluk i go het olsem aninit long namba tu hap bilong Yumi Yet Bris program (Phase 2) ol bai saplaim ol pontun na feri i kam long Papua Niugini tu. Wanpela bikpela program bilong stretim ol bris long ol provinsel na ol rurel rot insait long Noten hap bilong Sri Lanka i kamaut long Rehabilitation, Resettlement and Refugees Ministry. Planti long ol infrastraksa long dispela rijon i karamapim ol rot, kalvet na bris we i bagarap o i no moa stap bihain long ol bikpela pait namel long ol Tamil rebol na ol gavman fos bilong


## Yumi Yet i stap longwe

India. Minista bilong Rehabilitation na Reconstruction, Jayalath Jayawardane i tok olsem gavman i wok long helpim long muvim ol famili i go long arapela hap na stretim ol infrastraksa we i bagarap na stap. Ol bai lukluk long stretim ol rot na bris. "Taim mi wok olsem wanpela memba bilong oposisen mi wok hat bilong helpim ol lain husat i kisim bagarap long ol bikpela pait. Mi wok hat long nait na de bilong stretim ol lain long Not na givim gutpela sindaun long ol." Moa long 200 bris long ol provinsel na rurel rot i bin bagarap long dispela birua. Moni bilong stretim o sanapim bek samting olsem 90 bris insait long tripela yia i kam long Export Credit Guarantee Department (ECGD) bilong gavman bilong Gret Briten. Kampani husat bai karimaut dispela wok em Mabey and Johnson yet. ECGD bilong gavman bilong Gret



Briten i givim dinau mani inap long 20 milien Sterling Pounds. Dispela em i wankain mak bilong mani i bin go long Yumi Yet Bris Program

em ol Budis, 15 pesen em ol Hindu (Tamil) na ol narapela em ol Muslim o Kristen. Hevi namel long tupela bikpela lotu i stap long as bilong bikpela birua i kamap. Gavman i laik karimaut wanpela program bilong sanapim kwik ol bris bai em inap long soim as tingting bilong em bilong kamapim gutpela sindaun na kirapim bek ekonomik gro long ol gras ruts. Gavman bilong Sri Lanka i bin lukim gutpela wok Yumi Yet Bris Program i kamapim insait long Papua Niugini na ol tu i laik bai wankain samting i kamap long kantri bilong ol. Mabey and Johnson i save wokim ol pontun na jeti o sip bris tu. Ol i saplaim ol dispela samting tu aninit long projek bilong ol long Sri Lanka. Planti moa gavman i wok long lukluk long Yumi Yet Bris Program na ol i wok long stat long Is Bengal long India na Noten Malaysia. Olgeta bilong ol dispela gavman i laikim ol gutpela bris program na Yumi Yet i wok long soim rot.



# Wol-klas mentenens fasiliti long namel long Lae

**L**ong taim kantri i bin kisim indipendens 29 yia i go pinis i kam inap long nau, ol rot i kisim bikpela bagarap na i hat tru long go insait long sampela rurel erias na autstesin. I nogat planti bris konstraksen kampani i mekim wok long ol fida na ol arapela rot long sanapim ol bris na opim rot insait long ol distrik bilong ol lain i stap long ol dispela hap i go long ol taun na siti. Ol kes krop i wok long bagarap nating, ol samting bilong ol skul na ol rot na bris long sampela hap bai ol i no inap long stretim moa. Aninit long Yumi Yet Program ol i lukim developmen. Tasol gutpela wok bilong program i stap long han bilong ol lokol pipel husat bai sanapim ol dispela bris. Mabey and Johnson, ol saplaia, enjinia, seveya na ol lain i mekim ol Compact 2000 bris i save givim tok stia tasol. Em i hat tru long go insait long ol distrik

na rurel erias olsem na ol i save lukluk long ol bikpela kar we i save karim ol samting bilong ol bris i go insait. Sapos ol dispela kain bikpela kar bilong wok i no stap, em bai hat moa long ol i mekim wok bilong ol. Ol dispela bikpela kar na hevi masineri i stap long as bilong dispela bris program i ron stret, tasol ol i mas kisim mentenens tu bai ol inap long wok gut. Mentenens bilong ol dispela bikpela kar i stap long han bilong ol mekenik bilong Yumi Yet i save stap insait long Dipatmen bilong Woks (DOW) kompaun long Lae. Ol dispela saveman em ol treidsmen welda, hevi ekwipmen mekenik, ol praim muva draiva na oto ilektrisen. Ol i save wok long wanpela wol-klas mentenens fasiliti o woksap bilong ol dispela bikpela kar na masin. Dispela em i namba wan kain wok ples insait long Papua Niugini, na i winim tu ol arapela long wol.

## Dispela Fasiliti o woksap

Dispela 600 skwe mita woksap i gat wanpela inspeksen pit we i gat winis bilong karim kar we inap long karim ol hevi na liklik kar bilong sekim ol. I gat 4-pela hevi ekwipmen trak na 4-pela liklik kar we ol inap long wok long ol long wanpela taim tasol. Olsem na ol inap long sevisim ol kar hariap tru. Planti taim olgeta inap long kisim sevis insait long wanpela de tasol. Wanpela wokman i save wok insait long rebar na bending woksap. Dispela woksap i save mekim ol rienfosmen bilong ol straksa i save karim ol bris. I gat wanpela woksap bilong ol kapenta tu i stap we ol i save mekim ol prifebriketed fomwok bilong kapsaitim simen bilong sindaunim bris. Olgeta tuls bilong wok i save stap gut

insait long ol tuls stoa kontena iunit. Ol i save pekim ol bris na arapela samting bilong sanapim i go insait long ol 20 fut kontena tu blong salim long ol wanwan bris sait.

## I nogat hevi

Dispela mentenens fasiliti em i stap long as long Yumi Yet Bris Program i ron stret. Ken Mullins, menesa bilong dispela mentenens fasiliti i tok. "Sapos mipela i yusim woksap bilong ol arapela lain bilong stretim kar bilong mipela, bai mipela i no inap long bihainim gut program bilong Yumi Yet Bris. "Bikos mipela i no save wetim ol ausait lain long stretim ol kar bilong mipela na bikpela moni bilong em tu, mipela i save yusim dispela woksap bilong stretim ol masin na kar bilong mipela yet na prais bilong em i no dia tumas."

# Taun wokman Sipito wokim gaden long ples

## James Kila i raitim

MASKI yu wokman o meri long taun o siti, yu mas gat gaden long ples. Tingim hap graun bilong yu long ples pas-taim.

Nau yet planti ol kaikai long stua em prais bilong ol i go antap tumas. Olsem na sapos yu wanpela man o meri em ples na graun bilong yu i stap arere long taun na siti, yu mas mekim gaden na groim ol kaikai na kumu long sapotim sindaun bilong yu wantaim famili.

Wanpela man bilong Gohomegu hauslain long Kama viles klostu long Goroka taun, Sipito "Sepik" Harokave i bin mekim dispela strongpela toktok. Em i tok gaden kaikai i ken helpim ol manmeri long sevim moni na tu lukautim gut-pela sindaun bilong ol.

Sipito em wanpela gutpela piksa tru long planti ol man-meri insait long PNG. Em i gat graun long ples na maski em i wokman long taun, em i planim kaukau na wok kofi tu long helpim sindaun bilong em.

Sipito i save wok olsem wanpela sekyuriti gad long Goroka Sekenderi Skul long lsten Hailans.

Tasol maski em i wok fotnait, bagaros i gat planti lukpela gaden bilong em long lukautim em wantaim femili bilong em. Sampela taim em i save kisim sampela ol gaden kaikai na givim long ol fren bilong em husat i wok i stap long Goroka taun.

"Planti ol frens bilong mipela em ol lain long nambis. Ol i lusim ples na kam wok i stap long Hailans olsem na mipela i save sevim ol wantaim sampela gaden kaikai," Sipito i tok.

Sipito i tok sapos man i gat graun long ples na gaden i stap orait em i man tru. Sapos man i tingting tasol long kaikai bilong stua em i wanpela les man stret.

Sipito em i marit na i gat wanpela pikinini. Meri bilong em nem bilong em Rhona na tupela i save stap wantaim wanpela liklik pikinini meri bilong ol Aulo long haus bilong ol long Gohomegu.

Meri bilong Sipito i save wok bipo long wanpela supamaket tasol em i lusim na stap nating iong ples.

Sampela taim em i save lukautim kakaruk na salim na sampela taim em i save go maketim gaden kaikai long Red Kona Maket long Goroka. Ol liklik moni Rhona i kisim i save go long sapotim ol long baim sop, suga na tu rais na tinfis bilong femili.

Dispela tupela marit Sipito na Rhona em tupela i strongpela lain tru bilong wok gaden.

Maski olsem Sipito i wok long taun, dispela man i no save lus tingting long pasin bilong wok gaden.

Em i save planim kaukau, tapiok, onion, taro na ol nara-



• Sipito wantaim meri bilong em Rhona i rausim tapiok long gaden bilong ol long Kama. Foto: JAMES KILA

pela kain kumu long gaden bilong em.

"Mi save olsem sapos mi gat gaden mi bai sevim sampela moni. Mi save baim liklik rais na suga na wel long fraim ol kumu mi kisim long gaden bilong mi yet," Sipito i tok.

### PNG em agrikalsa kantri

"Yumi ol manmeri long PNG i mas save olsem kantri bilong yumi i stap bipo yet long sait bilong agrikalsa.

"Ol tumbuna bilong yumi i save groim kaikai long gaden na lukautim sindaun bilong ol long ples," Sipito i tok.

"Olsem na ol yangpela tude i mas traim wokim gaden long ples na soim olsem ol i gat han wok long ples.

Taim ol i pinis long taun na go bek long ples, ol bai gat ol

samting long sapotim sindaun bilong ol yet long ples," Sipito i tok.

*"Yumi ol man-meri long PNG i mas save olsem kantri bilong yumi i stap bipo yet long sait bilong agrikalsa."*

Nau yet insait long PNG long pinis bilong olgeta yia planti tausen sumatin i wok long pinis skul. Tasol bikipela

hevi nau yet em olsem nogat inap spes long ol bai go wok. Planti ol kampani na gavman dipatmen i wok long katim daun namba bilong ol wokman meri tu.

Olsem na taim ol sumatin i stap yangpela yet ol papama ma i mas soim ol hap graun bilong ol long ples we ol bai ken lainim long wok gaden na tu planim ol kes-krop olsem kofi, kakao, kokonas na tu vanilla long helpim sindaun bilong ol.

Taim ol i mekim olsem ol bai ken kisim liklik mani long sapotim sindaun bilong ol long ples.

Bikipela tok em olsem maski yu bilong wanem hap provins, yu mas tingim ples na i go soim pes liklik long hap na amamas wantaim ol hauslain.

## CATHOLIC RADIO schedule

Sande		9:15	VATICAN ENGLISH PROGRAM
6:00	ANGELUS	9:35	KIDS SING ALONG
6:05	MEDITATION/INSPIRATIONAL MUSIC	10:00	CATHOLIC JUKEBOX
8:00	VATICAN WORLD NEWS	10:30	JOY OF MUSIC (EWTN)
8:15	VATICAN ENGLISH PROGRAM	11:00	NON-STOP GOSPEL MUSIC
8:35	NON-STOP GOSPEL MUSIC	12:00	ANGELUS
9:00	SUNDAY EUCHARIST LIVE	12:05	VATICAN WORLD NEWS
10:30	NON-STOP GOSPEL MUSIC	12:20	VATICAN PROGRAM
11:00	IN THE LORD'S VINEYARD	12:40	LUNCH HOUR GOSPEL MUSIC
12:00	ANGELUS	1:00	HAIL HOLY QUEEN DR. SCHOTT HAHN (EWTN)
12:05	VATICAN WORLD NEWS	1:30	NON-STOP GOSPEL MUSIC
12:20	VATICAN ENGLISH PROGRAM	3:00	CHAPLET OF DIVINE MERCY
12:40	GOSPEL MUSIC	3:20	AFTERNOON DRIVE GOSPEL MUSIC
3:00	CHAPLET OF DIVINE MERCY	4:00	CATHOLIC JUKEBOX
3:20	GOSPEL MUSIC	4:30	NON-STOP GOSPEL MUSIC
5:00	SIGNS OF THE TIMES (FTA)	5:00	JOURNEY HOME
6:00	SUNDAY EUCHARIST (replay)	6:00	ANGELUS
7:00	GLORIOUS MYSTERIES OF THE HOLY ROSARY	6:05	VATICAN ENGLISH PROGRAMME FOR SOUTHEAST ASIA
7:30	CATHOLIC INSIGHT	6:30	HAIL HOLY QUEEN DR. SCHOTT HAHN (EWTN)
8:00	VATICAN WORLD NEWS	7:00	LUMINOUS MYSTERIES OF THE HOLY ROSARY
8:15	VATICAN ENGLISH PROGRAM	7:30	EWTN PROGRAM
8:40	IN THE LORD'S VINEYARD	8:00	VATICAN WORLD NEWS
10:00	NON-STOP GOSPEL MUSIC	8:15	PNG LOCAL CRN NEWS
		8:30	VATICAN ENGLISH PROGRAM
		9:00	TOK STREET LONG HWARDS
		6:00	WANTAIM PATER JUDE
			ANGELUS
Mande		Fraide	
6:00	ANGELUS	6:05	MEDITATION/INSPIRATIONAL MUSIC
6:05	MEDITATION/INSPIRATIONAL MUSIC	7:00	VATICAN RADIO WORLD NEWS
7:00	VATICAN WORLD NEWS	7:15	VATICAN ENGLISH PROGRAM
7:15	VATICAN ENGLISH PROGRAM	7:35	MUSIC
7:35	NON-STOP GOSPEL MUSIC	8:00	RADIO ST. JOSEPH'S PRESENTS (EWTN)
8:00	BEST OF JOURNEY HOME (EWTN)	9:00	VATICAN RADIO WORLD NEWS
8:00	VATICAN WORLD NEWS	9:15	VATICAN ENGLISH PROGRAM
9:15	VATICAN ENGLISH PROGRAM	9:40	MUSIC FOR KIDS
9:35	KIDS SING ALONG	10:00	CATHOLIC JUKEBOX
10:00	CATHOLIC JUKEBOX (EWTN)	10:30	JOY OF MUSIC
10:30	JOY OF MUSIC (EWTN)	11:00	NON-STOP GOSPEL MUSIC
11:00	NON-STOP GOSPEL MUSIC	12:00	ANGELUS
12:00	ANGELUS	12:05	VATICAN WORLD NEWS
12:05	VATICAN WORLD NEWS	12:20	VATICAN ENGLISH PROGRAM
12:20	VATICAN ENGLISH PROGRAM	12:40	AFTERNOON REFLECTION MUSIC
12:40	AFTERNOON REFLECTION MUSIC	1:00	THE WAY TO FOLLOW JESUS
1:00	THE WAY TO FOLLOW JESUS		
Tunde			
6:00	ANGELUS	2:00	MUSIC
6:00	INSPIRATIONAL MUSIC	3:00	CHAPLET OF DIVINE MERCY
7:00	VATICAN RADIO WORLD NEWS	3:20	NON-STOP GOSPEL MUSIC
7:15	VATICAN ENGLISH PROGRAM	4:00	CATHOLIC JUKEBOX (ENCORE)
7:35	NON-STOP GOSPEL MUSIC	4:30	NON-STOP GOSPEL MUSIC
8:00	RADIO ST. JOSEPH'S PRESENTS (EWTN - LIVE)	5:00	WAVE FACTOR LIVE
9:00	VATICAN WORLD NEWS	6:00	ANGELUS
9:15	VATICAN ENGLISH PROGRAM	6:04	VATICAN ENGLISH PROGRAMME FOR SOUTHEAST ASIA
9:35	KIDS SING ALONG	6:30	FATIMA - HEAVEN'S PEACE PLAN
10:00	CATHOLIC JUKEBOX (EWTN)	7:00	SORROWFUL MYSTERIES OF THE HOLY ROSARY
10:30	JOY OF MUSIC (EWTN)	7:30	FIRST COMES LOVE - DR. SCHOTT HAHN
11:00	NON-STOP GOSPEL MUSIC	8:00	VATICAN WORLD NEWS
12:00	ANGELUS	8:15	PNG LOCAL CRN NEWS
12:05	VATICAN WORLD NEWS	8:30	VATICAN ENGLISH PROGRAM
12:20	VATICAN ENGLISH PROGRAM	8:50	MUSIC
12:40	MIDDAY RECOLLECTION MUSIC	9:00	TOK STREET LONG HWARDS
1:00	SUPER SAINTS BOB AND PENNY LORD (EWTN)	6:00	WANTAIM PATER JUDE
1:30	NON-STOP GOSPEL MUSIC		ANGELUS
3:00	CHAPLET OF DIVINE MERCY		
3:20	AFTERNOON DRIVE GOSPEL MUSIC		
4:00	CATHOLIC JUKEBOX		
4:30	NON-STOP GOSPEL MUSIC		
5:00	RADIO ST. JOSEPH PRESENTS		
6:00	ANGELUS		
6:05	VATICAN ENGLISH PROGRAMME FOR SOUTHEAST ASIA		
6:30	MOTHER OF REDEEMER		
7:00	SORROWFUL MYSTERIES OF THE HOLY ROSARY		
7:30	SUPER SAINTS BOB AND PENNY LORD (EWTN)		
8:00	VATICAN WORLD NEWS		
8:15	PNG LOCAL CRN NEWS		
8:30	VATICAN ENGLISH PROGRAM		
9:00	TOK STREET ABOUT HWARDS WITH FR. JUDE (ENGLISH)		
10:00	CATHOLIC JUKEBOX		
10:30	VATICAN ENGLISH PROGRAMME FOR SOUTHEAST ASIA		
10:50	MIDNIGHT SHIFT NON-STOP GOSPEL MUSIC		
Trinde			
6:00	ANGELUS	6:30	MIRACLES OF THE CROSS WITH BOB AND PENNY LORD (EWTN)
6:05	MEDITATION/INSPIRATIONAL MUSIC	7:00	GLORIOUS MYSTERIES OF THE HOLY ROSARY
7:00	VATICAN WORLD NEWS	7:30	CROSSROADS (EWTN)
7:15	VATICAN ENGLISH PROGRAM	8:00	VATICAN WORLD NEWS
7:35	INSPIRATIONAL MUSIC	8:15	VATICAN PROGRAM
8:00	SCRIPTURE MATTERS WITH DR. SCHOTT HAHN (EWTN)	8:35	MUSIC
9:00	VATICAN WORLD NEWS	9:00	THE WORLD OVER (EWTN REPLAY)
9:15	VATICAN ENGLISH PROGRAM	10:00	BACKSTAGE (EWTN REPLAY)
9:35	KIDS SING ALONG	10:30	NON-STOP GOSPEL MUSIC
10:00	CATHOLIC JUKEBOX		
10:30	JOY OF MUSIC (EWTN)		
11:00	NON-STOP GOSPEL MUSIC		
12:00	ANGELUS		
12:05	VATICAN WORLD NEWS		
12:20	VATICAN ENGLISH PROGRAM		
12:40	MIDDAY RECOLLECTION MUSIC		
1:00	FIRST COMES LOVE DR. SCHOTT HAHN (EWTN)		
1:30	AFTERNOON DRIVE GOSPEL MUSIC		
3:00	CHAPLET OF DIVINE MERCY		
3:20	NON-STOP GOSPEL MUSIC		
4:00	CATHOLIC JUKEBOX		
4:30	NON-STOP GOSPEL MUSIC		
5:00	SCRIPTURE MATTERS		
6:00	ANGELUS		
6:05	VATICAN ENGLISH PROGRAMME FOR SOUTHEAST ASIA		
6:30	FATIMA, HEAVEN'S PEACE PLAN		
7:00	GLORIOUS MYSTERIES OF THE HOLY ROSARY		
7:30	DOCTORS OF THE CHURCH		
8:00	VATICAN WORLD NEWS		
8:15	PNG LOCAL CRN NEWS		
8:30	VATICAN ENGLISH PROGRAM		
9:00	TOK STREET ABOUT HWARDS WITH FR. JUDE		
Fonde			
6:00	ANGELUS	7:30	BENEDICTION (EWTN)
6:05	MEDITATION/INSPIRATIONAL MUSIC	8:00	VATICAN WORLD NEWS
7:00	VATICAN WORLD NEWS	8:15	PNG LOCAL CRN NEWS
7:15	VATICAN ENGLISH PROGRAM	8:30	VATICAN ENGLISH PROGRAM
7:35	WANTOK MUSPEM (Indonesian)	9:00	BEST OF JOURNEY HOME (EWTN)
8:00	JOURNEY HOME (EWTN)	10:00	CATHOLIC JUKEBOX
8:00	VATICAN WORLD NEWS	10:30	VATICAN ENGLISH PROGRAMME FOR SOUTHEAST ASIA
		10:50	NON-STOP GOSPEL MUSIC

# Ol man tru i save bihainim Jisas - P2UIF

## William Natera i raitim

OL MAN tru i save bihainim Jisas. Peter.J.Bogembo, lid singa bilong P2UIF, wanpela top gospol ben bilong Papua Niugini, i bin mekim dispela toktok long wanpela konset ol i bin holim long Yunivesti ov Papua Niugini (UPNG) las Sarere.

Mista Bogembo i bin tokim ol sumatin na ol pipel husat i bin stap long konset long bihainim long lek mek bilong Jisas long wanem em tasol i holim olgeta save.

Ol sumatin na pipel husat i bin stap i amamas tru long toktok na musik ol i bin harim long konset we i makim tu kamap bilong nupela kaset bilong P2UIF ol i kolim, *Beyond The Veil*.

P2UIF em i wanpela ben we i gat sampela ol biknem musik man stret, sampela husat i bin stap long taim yet long gospol musik indastri na ol narapela husat i bin stap long rok n rol musik indastri na i tanim bel.

Tupela bilong ol dispela man em John Warbat, hap man bilong pilai gita bilong kain ol rok n rol ben olsem Painim Wok na Riot Squad bipo, na Richard Mogu husat i bin wanpela musik man bilong Pacific Gold studio.

Mista Warbat i bin stori long we em i bin tanim bel. Em i tok, long taim em i no bin stap tru insait long banis bilong God yet, Mista Bogembo i bin karim em i go long studio long pilai gita long wanpela singsing long namba wan kaset bilong ol.

Em i tok olsem em i bin spak tru na em i no save olsem singsing em i wok long pilai gita long en em singsing bilong God. Em i pilai yet na singsing i katim na kukim em na mekim em i kamap nupela man.

Mista Mogu i bin toktok long laip bilong em taim em bin skul long ats long UPNG. Em i tok em i save simuk mariwana na taim em i go aut long wok em i laikim biknem tasol. Tasol wanpela taim em i bin sanap long Boroko long Pot Mosbi taim Mista Bogembo i bin tok long autim tok bilong em.



• John Uware, wanpela bilong ol man husat i save pilai gita long ben.

man husat i gat bol bai kam sanap long hia na givim laip bilong em long Jisas.

Mista Mogu i bin krai na wokabout i go long fran na givim laip bilong em long Jisas, na em i tok em i no sori olsem em i mekim dispela disisen.

Em tu i bin salensim ol pipel long mekim dispela disisen long kisim Jisas olsem poro na wasman na sevia bilong ol.

P2UIF i bin kam bek tasol long ista kemp bilong ol Teseri Studens Kristen Felosip (TSCF) we i bin kamap long Madang na i bin kamapim dispela konset long UPNG.

Ol ben memba i save stap long ol kain kain hap bilong kantri tasol i save kam bung wantaim long rekotim ol singsing na holim ol konset long tokaut long laikim bilong Jisas long olgeta pipel.



• Ol pipel i harim gut tok bilong Mista Bogembo.

## EMTV GAID

Fonde 22/04/04	
5.30	JOYCE MEYER MINISTRY
6.00	TODAY SHOW
9.00	CREFFLO DOLLAR
9.30	DR PHIL
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	HERE'S HUMPHREY
3.00	BLUES CLUES
3.30	JUSTICE LEAGUE
4.00	HOT SOURCE
4.30	Y
4.57	EMTV TOKSAVE
5.00	FRESH PRINCE OF BEL AIR
5.29	NEWS BREAK
5.30	THE PRICE IS RIGHT
6.00	NATIONAL EMTV NEWS
6.30	A CURRENT AFFAIR
6.57	TOK PISIN NEWS UPDATE
6.59	LOTTO DRAW
7.00	CHM SUPERSOUND
7.57	EMTV TOKSAVE
8.00	SPORT SCENE
9.30	THE FOOTY SHOW
11.00	AFL FOOTY SHOW
1.30	NIGHTLINE
2.00	EMTV CLASSIFIEDS

8.35	SUNDAY NIGHT MOVIE: MR NICE GUY
10.30	NEWS REPLAY
11.00	CHURCHES MAGAZINE
11.30	PRaise
12.00	EMTV CLASSIFIEDS

Mande 26/04/04	
5.30	JOYCE MEYER: ENJOYING EVERYDAY LIFE
6.00	TODAY SHOW
9.00	CREFFLO DOLLAR
9.30	DR PHIL
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	HERE'S HUMPHREY
3.00	BLUES CLUES
3.30	COURAGE THE COWARDLY DOG
4.00	SNOBS
4.30	PICK YOUR FACE
4.57	EMTV TOKSAVE
5.00	I DREAM OF JEANNIE
5.29	NEWS BREAK
5.30	THE PRICE IS RIGHT
6.00	NATIONAL EMTV NEWS
6.30	A CURRENT AFFAIR
6.58	TOK PISIN NEWS UPDATE
6.59	LOTTO DRAW
7.00	PRaise
8.00	INSAIT PNG
8.27	EMTV TOKSAVE
8.30	WHO WANTS TO BE A MILLIONAIRE
9.30	JAG
10.30	CHM SUPERSOUND
11.30	EMTV NEWS REPLAY
12.00	NIGHTLINE
12.30	EMTV CLASSIFIEDS

5.30	JOYCE MEYER MINISTRY
9.00	CREFFLO DOLLAR
9.30	DR PHIL
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	HERE'S HUMPHREY
3.00	BLUES CLUES
3.30	COURAGE THE COWARDLY DOG
4.00	SNOBS
4.30	PICK YOUR FACE
4.57	EMTV TOKSAVE
5.00	I DREAM OF JEANNIE
5.29	NEWS BREAK
5.30	THE PRICE IS RIGHT
6.00	NATIONAL EMTV NEWS
6.30	A CURRENT AFFAIR
6.58	TOK PISIN NEWS UPDATE
6.59	LOTTO DRAW
7.00	PRaise
8.00	INSAIT PNG
8.27	EMTV TOKSAVE
8.30	WHO WANTS TO BE A MILLIONAIRE
9.30	JAG
10.30	CHM SUPERSOUND
11.30	EMTV NEWS REPLAY
12.00	NIGHTLINE
12.30	EMTV CLASSIFIEDS

Fraide 23/04/04	
5.30	JOYCE MEYER MINISTRY
9.00	CREFFLO DOLLAR
9.30	DR PHIL
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	HERE'S HUMPHREY
3.00	BLUES CLUES
3.30	JUSTICE LEAGUE
4.00	HOT SOURCE
4.30	Y
4.57	EMTV TOKSAVE
5.00	FRESH PRINCE OF BEL AIR
5.29	NEWS BREAK
5.30	THE PRICE IS RIGHT
6.00	NATIONAL EMTV NEWS
6.30	A CURRENT AFFAIR
6.58	NEWS UPDATE
6.59	LOTTO DRAW
7.00	TOK PIKSA
7.30	BURKE'S BACKYARD
8.30	ANZAC DAY TEST Australia vs New Zealand
10.57	EMTV TOKSAVE
11.00	FRIDAY NIGHT AFL LATE Richmond v Adelaide
2.00	EMTV NEWS REPLAY
2.30	NIGHTLINE
3.00	EMTV CLASSIFIEDS

Sarare 24/04/04	
7.00	BARNEY
7.30	AROUND THE WORLD IN 80 DAYS
8.00	PLANET FANTA
9.30	DOWNLOAD
10.00	SO FRESH
11.30	SURFSPORT
12.30	PROCARS
1.30	THE CAR SHOW
2.30	SATURDAY AFTERNOON AFL
5.00	ESCAPE WITH ET
5.30	THE BIG FISH
6.00	NATIONAL EMTV NEWS
6.30	AUSTRALIA FUNNIEST HOME VIDEO SHOW
7.30	POSTCARDS
8.00	SOUTH PACIFIC MUSIC
8.57	EMTV TOKSAVE
9.00	XENA: WARRIOR PRINCESS
10.00	HERCULES
11.00	BABYLON 5
12.00	NEWS REPLAY
12.30	EMTV CLASSIFIED

Trinde 27/04/04	
5.30	JOYCE MEYER MINISTRY
6.00	TODAY SHOW
9.00	CREFFLO DOLLAR
9.30	DR PHIL
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	HERE'S HUMPHREY
3.00	BLUES CLUES
3.30	COURAGE THE COWARDLY DOG
4.00	HOT SOURCE
4.30	Y
4.57	EMTV TOKSAVE
5.00	I DREAM OF JEANNIE
5.29	NEWS BREAK
5.30	THE PRICE IS RIGHT
6.00	NATIONAL EMTV NEWS
6.30	A CURRENT AFFAIR
6.57	TOK PISIN NEWS UPDATE
6.59	LOTTO DRAW
7.00	HAUS & HOME
8.00	REPORT
8.27	EMTV TOKSAVE
8.30	SURVIVOR: All Stars
9.30	STINGERS
10.30	THIRD WATCH
11.30	EMTV NEWS REPLAY
12.00	NIGHTLINE
12.30	EMTV CLASSIFIEDS

Sande 25/04/04	
6.20	CHITCHAT
6.27	EMTV TOKSAVE
6.30	THE TEACHING MINISTRY OF CHARLES STANLEY
7.00	IT IS WRITTEN
7.30	WORLD OF WILDLIFE
8.00	BUSINESS SUNDAY
9.00	SUNDAY
11.00	SIGNS OF THE TIMES
12.00	NRL FOOTY SHOW
1.00	SUNDAY AFTERNOON AFL
4.00	SUNDAY FOOTBALL St George Illawarra Dragons v Sydney Roosters
6.00	NATIONAL EMTV NEWS
6.30	SEVENTH HEAVEN
7.30	SIXTY MINUTES
8.27	EMTV TOKSAVE

5.30	JOYCE MEYER MINISTRY
6.00	TODAY SHOW
9.00	CREFFLO DOLLAR
9.30	DR PHIL
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	HERE'S HUMPHREY
3.00	BLUES CLUES
3.30	COURAGE THE COWARDLY DOG
4.00	HOT SOURCE
4.30	Y
4.57	EMTV TOKSAVE
5.00	I DREAM OF JEANNIE
5.29	NEWS BREAK
5.30	THE PRICE IS RIGHT
6.00	NATIONAL EMTV NEWS
6.30	A CURRENT AFFAIR
6.57	TOK PISIN NEWS UPDATE
6.59	LOTTO DRAW
7.00	HAUS & HOME
8.00	REPORT
8.27	EMTV TOKSAVE
8.30	SURVIVOR: All Stars
9.30	STINGERS
10.30	THIRD WATCH
11.30	EMTV NEWS REPLAY
12.00	NIGHTLINE
12.30	EMTV CLASSIFIEDS

Sande 25/04/04	
6.20	CHITCHAT
6.27	EMTV TOKSAVE
6.30	THE TEACHING MINISTRY OF CHARLES STANLEY
7.00	IT IS WRITTEN
7.30	WORLD OF WILDLIFE
8.00	BUSINESS SUNDAY
9.00	SUNDAY
11.00	SIGNS OF THE TIMES
12.00	NRL FOOTY SHOW
1.00	SUNDAY AFTERNOON AFL
4.00	SUNDAY FOOTBALL St George Illawarra Dragons v Sydney Roosters
6.00	NATIONAL EMTV NEWS
6.30	SEVENTH HEAVEN
7.30	SIXTY MINUTES
8.27	EMTV TOKSAVE

5.30	JOYCE MEYER MINISTRY
6.00	TODAY SHOW
9.00	CREFFLO DOLLAR
9.30	DR PHIL
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	HERE'S HUMPHREY
3.00	BLUES CLUES
3.30	COURAGE THE COWARDLY DOG
4.00	HOT SOURCE
4.30	Y
4.57	EMTV TOKSAVE
5.00	I DREAM OF JEANNIE
5.29	NEWS BREAK
5.30	THE PRICE IS RIGHT
6.00	NATIONAL EMTV NEWS
6.30	A CURRENT AFFAIR
6.58	TOK PISIN NEWS UPDATE
6.59	LOTTO DRAW
7.59	LOTTO DRAW
7.30	MCLEOD'S DAUGHTERS
8.27	EMTV TOKSAVE
8.30	WEDNESDAY NIGHT MOVIE: WARRIORS OF VIRTUE
10.30	SOUTH PACIFIC MUSIC
11.30	EMTV NEWS REPLAY
12.00	NIGHTLINE
12.30	EMTV CLASSIFIEDS

Sande 25/04/04	
6.20	CHITCHAT
6.27	EMTV TOKSAVE
6.30	THE TEACHING MINISTRY OF CHARLES STANLEY
7.00	IT IS WRITTEN
7.30	WORLD OF WILDLIFE
8.00	BUSINESS SUNDAY
9.00	SUNDAY
11.00	SIGNS OF THE TIMES
12.00	NRL FOOTY SHOW
1.00	SUNDAY AFTERNOON AFL
4.00	SUNDAY FOOTBALL St George Illawarra Dragons v Sydney Roosters
6.00	NATIONAL EMTV NEWS
6.30	SEVENTH HEAVEN
7.30	SIXTY MINUTES
8.27	EMTV TOKSAVE


Sande 25/04/04	
6.20	CHITCHAT
6.27	EMTV TOKSAVE
6.30	THE TEACHING MINISTRY OF CHARLES STANLEY
7.00	IT IS WRITTEN
7.30	WORLD OF WILDLIFE
8.00	BUSINESS SUNDAY
9.00	SUNDAY
11.00	SIGNS OF THE TIMES
12.00	NRL FOOTY SHOW
1.00	SUNDAY AFTERNOON AFL
4.00	SUNDAY FOOTBALL St George Illawarra Dragons v Sydney Roosters
6.00	NATIONAL EMTV NEWS
6.30	SEVENTH HEAVEN
7.30	SIXTY MINUTES
8.27	EMTV TOKSAVE

Sande 25/04/04	
6.20	CHITCHAT
6.27	EMTV TOKSAVE
6.30	THE TEACHING MINISTRY OF CHARLES STANLEY
7.00	IT IS WRITTEN
7.30	WORLD OF WILDLIFE
8.00	BUSINESS SUNDAY
9.00	SUNDAY
11.00	SIGNS OF THE TIMES
12.00	NRL FOOTY SHOW
1.00	SUNDAY AFTERNOON AFL
4.00	SUNDAY FOOTBALL St George Illawarra Dragons v Sydney Roosters
6.00	NATIONAL EMTV NEWS
6.30	SEVENTH HEAVEN
7.30	SIXTY MINUTES
8.27	EMTV TOKSAVE

Sande 25/04/04	
6.20	CHITCHAT
6.27	EMTV TOKSAVE
6.30	THE TEACHING MINISTRY OF CHARLES STANLEY
7.00	IT IS WRITTEN
7.30	WORLD OF WILDLIFE
8.00	BUSINESS SUNDAY
9.00	SUNDAY
11.00	SIGNS OF THE TIMES
12.00	NRL FOOTY SHOW
1.00	SUNDAY AFTERNOON AFL
4.00	SUNDAY FOOTBALL St George Illawarra Dragons v Sydney Roosters
6.00	NATIONAL EMTV NEWS
6.30	SEVENTH HEAVEN
7.30	SIXTY MINUTES
8.27	EMTV TOKSAVE


## Sande Nait Muvi: Mr Nice Guy

KUNG FU man Jackie Chan i ekt long dispela Sande Nait Muvi olsem wanpela kuk husat bai poromanim wanpela meri nius ripota. Tasol em i asua tasol bikos ol man nogut i wok long painim dispela meri long kilim em na kisim bek wanpela vidio tep em i kisim we i soim ol man nogut i kilim wanpela man. Gutpela piksa sapos yu save laikim kain pani na pait bilong Jackie Chan yet.



• Dispela piksa bai mekim yu holim bel bilong yu.

## NATIONAL WEEKLY HIT PARADE



# MIDIA STETMEN

I KAM LONG

**HON. DON POMPOLYE, MP.**  
**MINISTA BILONG TRESPOT NA SIVIL EVIESEN**



Somare/Maladina gavman i bin kisim sampela sut toktok i kam long sampela long ol Oposisen lida husat i tok gavman i kisim mani bilong stretim Hailans Haiwe na putim i go long mekim Malalaua rot projek insait long Galp provins.

Dispela sut toktok i no stret na em i wanpela giaman toktok bilong bagarapim nem bilong gavman. Dispela giaman toktok i no bilong kamapim wanpela gutpela samting, nogat, em bilong strongim wok politiks bilong Oposisen tasol. Mi laik tok klia na toksave long ol pipel bilong dispela kantri long wok bilong dispela gavman, we ministri bilong mi i karimaut long stretim trenspot infrastraksa aninit long ol developmen program.

Olsem Minista i lukautim wok trenspot, mi i mas lukluk long tripela rot bilong trenspot (ea, solwara, graun). Graun insait long Papua Niugini em i no olsem ol arapela kantri long wol, olsem na trenspot long ea, solwara na graun i mas kisim wankain luksave long sait bilong developmen bikos wan wan long ol i save mekim wok bilong helpim ol pipel bilong mipela long olgeta hap.

## HAILANS HAIWE NA OL ARAPELA NESENEL ROT

Olgeta manmeri i save olsem Hailans Haiwe em i rot i holim ekonomi o wok bisnis bilong kantri. Ol dona ejensi bilong ol arapela kantri tu i luksave long bikpela wok dispela rot i save mekim. Samting olsem 66 pesen long mani i kam long samting mipela i salim i go ovasis i kam long ol wok bisnis we i kamaut long Hailans rijon. Ol bikpela em kopi (coffee), wel (oil) ges (gas) na gol (gold). Ekonomi bilong kantri bai bagarap sapos gavman i lus tingting long dispela haiwe. Long dispela kain luksave, Somare/Maladina gavman i mekim komitmen o tok promis bilong stretim bek dispela haiwe.

K50 milien i go pinis long mentenens wok long haiwe insait long 2003 Nesenel Baset o mani plen. Wok i kamap pinis long rot i stat long Lae na i go long Chuave long Simbu provins. Mentenens wok long Chuave i go long Wara Simbu i bin kamap aninit long Takis Kredit Skim bilong gavman. Wok long Kundiawa i go long boda bilong Westen Hailans na Enga bai i kamap aninit long mani i kam long Esien Developmen Benk (ADB) na Wol Benk (World Bank). Ol dispela mentenens wok i kamap pinis na ol pipel inap long yusim samting olsem 80 pesen bilong dispela haiwe. Gavman bilong bipo i no bin mekim wanpela samting bilong stretim ol hevi bilong dispela haiwe.

Insait long 2004 Kapitol Woks na Mentenens Baset, gavman i makim K23 milien bilong sanap olsem kauntapat fanding bilong Hailans Haiwe. Dispela mani em i 30 pesen kauntapat mani we gavman i mas i gat pastaim long ol inap long kisim

mani bilong ol dona ejensi we i samting olsem K88,473,600. K12 milien antap long dispela i go insait pinis long baset aninit long Nesenel Rot Mentenens program. Samting olsem hap bilong dispela mani bai i go long Hailans Haiwe.

Gavman i luksave long helpim bilong ol dona ejensi bilong ol arapela kantri bilong helpim bilong ol long stretim dispela haiwe. Aninit long Mentenens bilong ol Nesenel Rot program, Esien Developmen Benk i makim K46,664,500 bilong bekim K20,000,000 olsem kauntapat fanding o mani bilong Hailans Provins Rot Mentenens. Wol Benk i tok orait long K3,347,600 biong Hailans Haiwe Riabilitesin program (HHRP) we Gavman i givim pinis kauntapat fanding we inap long K2,000,000 we i putim mak bilong mani i go inap long K5,347,600. Gavman i makim tu K1,000,000 bai ol inap long kisim K38,461,500 i kam long gavman bilong Japan aninit long Japan Intanesenel Koporesen Ejensi (JICA) program bilong em. Mi singaut long Dipatmen bilong Nesenel Plening na Woks long hariapim pepa wok bilong stretim drodaun o opim rot bilong kisim dispela mani i kam long JICA. Mani i kam long ol ovasis dona ejensi wantaim kauntapat fanding bilong gavman i sanap olsem K111,473,600. Dispela mani i stap bilong mekim mentenens wok long Hailans Haiwe aninit long 2004 Baset o mani plen na i strongim komitmen o promis bilong gavman bilong lukautim dispela bikpela rot. Sampela moa mani i kam long AusAID i stap samting olsem K24,936,900 i wok long wetim kauntapat fanding i kam long PNG gavman. Mi bai wok hat long painim kauntapat fanding bai mipela inap long kisim mani i kam long AusAID.

Gavman i wok long lukluk long givim wankain helpim i go long olgeta arapela nesenel rot insait long kantri. Olsem na Hiritano na Magi Haiwe i kisim pinis mani bilong wok mentenens. Kaikai bilong dispela mentenens wok i kamap ples klia nau we ol dispela rot nau i gutpela nau na i winim mak we rot i bin stap pastaim long dispela gavman i kamap.

Ol provinsel gavman i mas mekim wok long ol trunk na ateriel rot o ol han rot. Ol trunk rot i mas stret bikos em i save helpim ol pipel bilong mipela long karimaut ol wok bisnis. Dispela i mas kamap praioriti o as tingting bilong ol Provinsel Gavman long givim inap mani bilong mentenens bilong ol dispela rot.

## NESENEL ROT ATORITI (NRA)

Nesenel Rot Atoriti i bin kamap long 2003 aninit long wanpela. Ekt bilong Palamen bilong lukautim ol wok bilong mekim wok mentenens, kwolati asesmen o mak bilong strong bilong rot, strongim lo, konstraksen na lukaut bilong ol nesenel rot. Dispela atoriti bai mekim mani bilong em yet. Em

bai kamapim rot bilong kisim mani bilong strongim wok bilong em na bai em inap long karimaut wok bilong em. Klostu taim bai ol i tokaut long Bod bilong em. Ol Bod Memba bai kam long praiyet sekta, ol lain ejensi na ol gavman dipatmen. Bod bai sanapim administresin bilong Atoriti. Olgeta dispela samting bai kamap long ol mun i kam. NRA i kamap long tingting bilong mi yet na mi amamas na tok tenkyu long Gavman/ na ol memba bilong Palamen long givim sapot bilong ol long mi long kamapim dispela NRA Ekt.

Esien Developmen Benk i redi long givim moa helpim mani long mak bilong K100 milien antap long ol arapela program bilong em taim NRA i sanap pinis na i mekim wok. Bikpela wok bilong NRA em bilong lukautim na karimaut olgeta rot mentenens wok we Dipatmen bilong Woks i wok long lukautim nau.

## NESENEL ROT SEFTI KAUNSOL (NRSC)

Mipela i klia long ol sefti system bilong trenspot long ea na solwara, tasol bikpela samting tu em ol hevi bilong rot we i mas stret.

I gat planti birua i wok long kamap long rot, olsem na i mas i gat ol samting i stap bilong stopim dispela kain hevi long kamap.

NRSC em i kam aninit long gavman na i save wok long strongim ol lo bilong ron long rot insait long PNG. Inap long tude, NRSC i wok long mekim gutpela wok, tasol i gat planti moa wok i mas kamap. I gat tripela hap we NRSC i wok long stretim.

Namba wan hap we i bikpela tru na i kam aninit long NRSC em long apim mak bilong save bilong ol man o meri husat i laik kisim laisens long Trefik Rejistri.

Ol manmeri husat i gat bikpela save long draiv em i bikpela samting long strongim pablik sefti bikos planti hevi long rot i save kamap bikos ol manmeri i no save draiv gut. Mi singaut strong long NRSC long go het long gutpela wok em i mekim long givim gutpela trening na save long ol draiva long luksave long pablik sefti.

Namba tu em wok bung namel long NRSC na ol wok manmeri bilong Royal PNG Konstabulari Trefik Divisen i mas strong. Ol operesen namel long dispela tupela lain long ol yia i go pinis i kamapim gutpela wok long rausim ol kar we i no orait long ron long rot na kalabusim ol draiva i nogat laisens. Dispela gutpela wok i wok long daunim ol birua long rot.

Ol dispela wok bung wantaim i daunim ol birua long rot inap long 30 pesen long olgeta hap long kantri. Bikpela tok tenkyu bilong mi i go long olgeta wok manmeri bilong RPNG Konstabulari na ol wok manmeri bilong NRSC long hat wok bilong ol. Yupela i mas kisim luksave long

gutpela wok yupela i mekim.

Namba tri, i mas i gat man i glasim olgeta enjiniering disain pastaim long wok i kamap, taim wok i go het na ol i mas glasim tu wok taim mentenens i kamap bai em i ken bihainim ol lo bilong sefti. Gavman i wok long lukluk long mekim lo i karamapim ol sefti odit o wok glasim i mas stap long olgeta wan wan rot projek insait long kantri. NRA ekt i karamapim sefti odit na kwolati kontrol tu tasol NRSC i mas i gat moa pawa bilong mekim lo bai ol i gen kamapim wanpela sefti odit program bilong rot.

## OL PABLIK GRAUN TRESPOT SEVIS

Pablik graun trenspot sistem insait long kantri i bagarap olgeta na ol sevis insait long planti hap long kantri i dai pinis. We i gat sampela sevis i stap, kwolati o strong bilong em i no gutpela. Ol lain i givim sevis tu painim hat long mekim mani long wan wan de.

Ol manmeri bilong pablik husat i save yusim ol rot i save kros bikos i nogat gutpela sevis. I gat sampela samting i wok long bagarapim dispela bisnis. Namba wan samting em prais bilong lukautim ol kar em i dia tumas.

I gat tupela samting we gavman i lukim we bai i mas kamap bilong stretim ol hevi bilong pablik graun trenspot sistem insait long ol bikpela taun na siti.

Namba wan samting em bilong kopratasim o salim pablik trenspot sistem. Sapos gavman i mekim dispela, sampela kampani tasol bai i gat laisens bilong ronim ol bas long ol rot insait long siti. Maski dispela rot i mekim mani o nogat, ol i mas ronim bas long ol dispela rot. Mani we ol i no kisim long wanpela rut ol i nap long kisim long ol rut i save kisim mani. Dispela bai daunim pasin bilong ol opereta bilong ol bas long pait long ronim pas long ol rut we i save kisim planti mani na mekim ol manmeri i painim hat long kisim bas long ol arapela rot.

Namba tu samting em long kamapim wanpela nupela kain trenspot bai inap long resis wantaim ol bas i save kam long Japan. Ol bas we nau i wok long ron long Pot Mosbi na Lae em ol olupela pinis na i noken stap long rot moa. I no gutpela long lukim ol olupela bas i wok long bagarap nabaut na ol i ron i stap long rot yet. Nau em i wok long kamap hevi bilong ol manmeri bikos i gat planti olupela bas tru we smok i wok long kamaut long em taim em i spit long rot.

Opereta bilong bas i mas i gat samting olsem K130,000 i go inap long K150,000 sapos em i laik baim wanpela nupela bas long prais bilong em tude. Em bai no inap long kisim bek dispela mani namel long 2 na 3-pela yia. Long dispela taim, ol bas bai olupela tumas long kisim inap mani. Olgeta hevi antap long bas tu na opereta i no inap

I kam long pes 20

long kisim wanpela win mani na bisnis bilong em bai go daun.

Gavman i luksave long ol hevi bilong graun trenspot indastri, na nau em i laik kamapim wanpela wok bung namel long ol PMV opereta na Jipni indastri bilong Filipins bai i kamapim wanpela PMV we i no dia tumas na i makim stret graun insait long PNG.

As bilong gavman long makim Filipino jipni pas long ol arapela em bikos em i lukluk i go het taim PNG i laik kisim save bilong mekim ol dispela kar. Long taim bihain, ol Papua Niugini pipel bai inap long disainim na mekim ol kar we inap long stap long taim insait long kantri. Mi amamas taim mi tingim ol pipel bilong mipela i mekim ol kar bilong ol yet olsem ol Filipino pipel.

Rot we bai i lukim ol Jipni i kam insait long PNG trenspot sistem i olsem.

1. Bai i gat faiv inap long seven long ol dispela kar bai i kam pastaim long PNG. (Ol i mekim long mak bilong laik bilong mipela yet). Ol dispela kar bai kam insait long dispela tupela mun.
2. Ol PMV bas opereta long PNG bai lukautim ol dispela kar na skelim strong bilong ol. Dipatmen bilong Trenspot bai askim ol teknikal koles na yunivesiti na ol arapela gavman ejensi long sekim strong bilong ol dispela kar taim ol i wok insait long PNG.
3. Ripot long ol dispela wok glasim long ol dispela kar em ol pablik, PMV asosiesen, moto kar dilas asosiesen na ol arapela stek holda long praivet na gavman sekta long kisim tingting bilong ol.
4. Ol tingting bilong ol bai i go insait long kamapim wanpela kar we inap long wok gut insait long PNG.
5. Olgeta samting bai go pastaim long ol saveman insait long PNG husat bai givim tok orait bilong ol long disain, mekim na traime pastaim long kar i go aut long pablik.
6. Mipela i luksave olsem praivet sekta bai i mas lukautim wok bilong mekim ol dispela jipni. Dispela kain samting inap long givim wok long ol pipel bilong mipela.

Long taim bipo, gavman i no save mekim wok insait long PMV indastri na em bai bihainim dispela rot tasol i go yet. Tasol gavman bai wok hat long strongim tingting bilong ol pipel long luksave long ol sans bilong mekim bisnis taim ol dispela jipni i kam na bai ol inap mekim mani bilong ol yet.

Olgeta wan wan PMV opereta i mas wok bung wantaim long dispela o stap long nau ol i stap long en. Nau ol operetta i mas baim na operetim nupela jipni we prais bilong em i stap namel long K20,000 na K30,000.

#### SIVIL EVIESEN ATORITI (CAA)

Sivil Eviesen Atoriti em i wanpela bikpela opis bilong gavman we i save lukautim

olgeta eviesen o wok bilong ronim balus insait long kantri. Sanapim bilong CAA em i kamap long gutpela tingting, tasol olpela gavman i no putim ol gutpela rot bilong bihainim bai em inap long wok gut olsem wanpela bisnis.

Taim mi kisim wok olsem Minista bilong Trenspot na Sivil Eviesen, mi sanapim nupela bod we wan wan long ol memba bilong em i gat bikpela save long sivil eviesen indastri. Bod i wok long wok nau long kamap sampela nupela samting bilong strongim wok bilong CAA. Wok bilong Bod na CEO o Sief Eksekutiv Opisa i gutpela tru na mi luksave long hat wok bilong ol.

Wanpela nupela reda sistem o samting bilong makim ron bilong balus i kamap long Jacksons Intanesinol Ples balus we prais bilong em i stap olsem K10 milien. Dispela nupela reda sistem i karamapim samting olsem 20 kilo mita i go aut long Jacksons Ples balus. Projek ya i bin pinis na i bin op long pinis bilong 2003. Dispela nupela masin i lukautim gut ol balus na ol pasindia. I gat plen i stap bilong kamapim wankain reda sistem long ol arapela rijinol senta insait long kantri.

Wantaim mani i kam long AusAID, ol nupela eks-rei masin o masin bilong sekim bodi bilong man i sanap pinis long domestik na intanesinol teminel long Jacksons Ples balus. Jacksons Ples balus em i namba wan hap we ol manmeri bilong ovasis i save go i kam. Ol dispela masin inap long painim ol birua samting i hait long skin bilong man. Ol kantri long olgeta hap long wol i wok long strongim wok sekyuriti long ol boda bilong ol long ea na long solwara long banisim ol pipel na samting bilong kantri long ol birua teroris man. Dispela wok sekyuriti i bin kamap bihain long ol teroris atek long Amerika. PNG bai i no inap long abrusim ol dispela kain birua tu, na mi, olsem Minista i lukautim Trenspot na Sivil Eviesen i mas lukautim sefti na laip bilong ol pipel bilong mipela.

Antap long baim na sanapim ol nupela eapot sekyuriti masin, CAA i save kari-maut ol sefti odit long wan wan taim bilong sekim ol balus opereta i bihainim lo. PNG em i memba bilong Intanesinol Sivil Eviesen Ogenaisin (ICAO), na i mas sekim sapos olgeta lokol na intanesinol balus opereta i bihainim intanesinol lo bilong ea sefti taim ol i wok bisnis insait long kantri. Mi amamas long tokaut olsem CAA i kisim luksave bilong kamap memba bilong olgeta intanesinol eviesen konvesen o kibung.

Mentenens na upgred wok long sampela long ol bikpela ples balus inait long kantri i wok long go het. Ol dispela ples balus em Tokua, Maunten Hagen, Wewak, Goroka na Madang. Sampela mun i go pinis, CAA i no bin inap long mekim dispela wok tasol CAA i givim gutpela menesmen na gutpela wok bilong kisim winmani.

#### AIR NIUGINI

Sindaun bilong Air Niugini em i ron gut tru long 12 pela mun i go pinis. Program bilong senisim ol balus bilong em i wok long go het. Tupela nupela Dash 8 balus nau i wok i stap bilong wok long ol ron bilong balus we ol olpela F28 i wok long en nau. Sampela long ol dispela ron bilong

balus olsem Wapenamanda bai kisim ol wan wan ron bilong balus i go antap long hap inap taim we Air Niugini i ting em bai inap mekim mani long en.

I singaut long Air Niugini na ol wok manmeri bilong em long wok hat long apim mak bilong kampani na givim sevis long ol pipel bilong dispela kantri long ol dispela taim nogut.

Ol arapela operetta insait long eviesen indastri i wok long wok bung wantaim gavman na CAA na i mas kisim luksave long hat wok bilong ol long ol dispela taim nogut.

#### NESENEL MARITAIM SEFTI ATORITI (NMSA)

Nesanel Maritaim sefti Atoriti i bin kamap aninit long wanpela Ekt bilong Palamen long mun Septemba 2003. Mekim NMSA Ekt i kamap lo na sanapim bilong Atoriti em i namba wan taim long maritaim trenspot insait long kantri. Nau NMSA i kisim olgeta wok bilong olpela Maritaim Divisen bilong Dipatmen bilong Trenspot. I amamas long lukim NMSA i kamap olsem tingting tasol long pepa olsem kabinet submisen, i go kamap Ekt bilong Palamen, na nau em i kamap Atoriti. NMSA bai kamapim gutpela si trenspot sevis bilong olgeta provins we i stap long solwara. Bikpela luksave i mas i go long ol stekholdas husat i wok bung wantaim long stat i go inap long pinis. Mi makim pinis NMSA Bod, fopela sinia eksekutiv posisen i bin go aut long niuspepa, redio na TV insait long PNG, Australia, Nu Silan na Kenada bilong kisim ol save man tasol long wok long dispela nupela bisnis. NMSA bai i sanap gut na wok bai i go het stret long pinis bilong mun Jun long dispela yia.

#### MARITAIM NEVIGESENOL EDS PROJEK

Long lukluk bilong mi, dispela Nevigesenol Eds projek em i bikpela samting tru long gavman na pipel bilong dispela kantri bikos 60 pesen long olgeta manmeri insait long kantri i save yusim trenspot long solwara bilong lukautim sindaun bilong ol. Dispela projek bai strong wok sefti bilong wokabaut bilong kago na pasindia wantaim. Maritaim sefti o gutpela ron long solwara bai i strong moa sapos ol i kamapim na lukautim gut ol nupela masin bilong lukautim ron bilong ol manmeri long solwara bai i mas bihainim mak bilong ovasis. Taim projek i pinis, PNG bai sanap aninit long sekyuriti kod i kisim luksave bilong Intanesenel Maritaim Ogenaisesen.

As tingting bilong dispela projek em bilong kamapim gutpela trenspot sevis i go long ol ailan komyuniti i stap ol yet na ol ples i stap long sait bilong wara bai ol inap long go long maket na kisim gavman sevis.

Nesanel Maritaim Sefti Atoriti bai kari-maut dispela projek. Projek i karamapim sanapim bilong ol liklik jeti o bris bilong sip, ol Uniflote wof, ol pontun sevis, gutpela ron bilong ol liklik bot na komyunikesen.

Esien Developmen Benk (ADB) na Ogenaisesen bilong Petroleum Ekspoting Kantris (OPEC) bai bungim mani bilong

dispela projek we inap long US\$18.6 milien, we inap olsem K71 milien. Dispela projek bai stat taim Nevigesenol Eds Projek i pinis. Sapos ol teknikel asesmen na ol presidia i pinis, projek bai rok wantaim Nevigesenol Eds Projek we i stat pinis.

#### PAPUA NIUGINI HABAS BOD LIMITED (PNGHBL)

Wok bilong PNGHBL i bin i gat planti bikpela hevi, tasol em bai wok i go het long strongim ol sevis bilong em. Stet em i namba wan bikpela stekholda, olsem na em i laikim bai dispela ogenaisesen i mas go het. Mipela i lukluk long rausim ol sampela hevi i stap nau long PNGHBL bai ol pipel inap long kisim gutpela sevis na PNGHBL bai inap long wok gut olsem wanpela bisnis.


PNGHBL i wok long karimaut wanpela sefti na sekyuriti impruvmen program aninit long Intanesenol Siping na Pot Sekyuriti kod (ISPS). Dispela em i wanpela bikpela samting we i mas i stap aninit long Intanesenol Maritaim Ogenaisesen (IMO) konvensen. Sapos PNGHBL i no bungim ol dispela rikwaimen bilong ISPS, ol kago sip bai i no inap long kam sua long ol bris bilong mipela. Dispela bai inap long bagarapim sindaun bilong ekonomi bilong mipela. Lokol siping indastri tu i mas bihainim ol IMO rikwaimen insait long ISPS kod. Gavman i laik lukim ISPS kod i wok stret pastaim long namba wan de bilong mun Julai, 2004.

#### TOK BILONG PINISIM

Dispela gavman we i wok tru long ministri bilong mi i wok long stretim hevi bilong trenspot we ol pipel i gat. Olsem na i no gutpela pasin we sampela lida i mekim taim ol i bagarapim nating gutpela tingting na wok bilong gavman. Ol lida i noken paulim tingting bilong pipel bilong win long sait bilong politikis. Ol kain giaman toktok i kam long ol nesanel lida inap long bagarapim nem bilong PNG long ovasis. Mi singaut long ol lida long tingting pastaim na paitim toktok gut long ol samting we i laik strongim sindaun bilong kantri.

Somare/Maladina gavman i stap long opis 18 mun tasol. Wanpela samting we ol lida i mas mekim nau em long strongim sindaun na sapotim gavman. Bikpela samting bilong strongim ekonomi bilong kantri em - politikel stabiliti. I singaut long olgeta wan wan manmeri bilong Papua Niugini long sapotim dispela gavman long em i mas stap long opis inap long pinis bilong dispela Palamen. Wanem kain toktok long senisim gavman long dispela taim bai kilim dispela yangpela nesanel.

*Inap gutpela Lod Jisas Kraus i blesim yu na ol famili bilong yupela.*



MINISTA BILONG TRENSPOT NA SIVIL EVIESEN  
PALAMEN LIDA BILONG NESENEL ALAIENS - HAILANS RIJON.

**Hap Hap Nius**

**Australia i no inap stopim helpim**

AUSTRALIA i nogat tingting long stopim helpim we em i save givim long Papua Niugini aninit long eid o helpim program bilong en.

Tasol em i laik wok wantaim gavman bilong PNG long painimaut wanem em i gutpela we long yusim helpim mani bilong ol long kantri.

Wanpela tim bilong Australia husat i kam long PNG i wok long lukluk gen long helpim eid program bilong ol na toktok wantaim ol lida long ol provins husat i bin kisim helpim pinis long dispela program.

**Highlands Pacific helpim Bogenvil**

EKSPLORASEN na maining kampani, Highlands Pacific Ltd las Fonde i givim wanpela nupela lonmowa o masin bilong katim gras i go long ol 50 nupela polisman bilong Bogenvil husat i wok long skul long Bomana Polis Koles long Pot Mosbi.

Ol dispela polisman i bin askim Minista bilong Maining, Sam Akoitai, sapos em i ken painim wanpela lonmowa bilong ol bihain long ol i save kisim sua long han long mekimsave long katim gras wantaim sarip long koles.

Mista Akoitai i bin mekim askim long sampela ol kampani long helpim na Highlands Pacific i bekim krai bilong en.

Asisten Komisina bilong Polis, Jim Andrews, i tok olsem ol dispela polisman i wok long katim na klinim koles long laik bilong ol yet, i no wanpela i tokim ol long mekim, na i gutpela olsem Highlands Pacific i luksave long gutpela wok bilong ol.

Koporet Afeas Menesa bilong Highlands Pacific, Andrew Yauieb, husat i bin makim maus bilong Jenerel Menesa bilong kampani, lan Holzberger, long bung bilong givim lonmowa i go long Mista Andrews, na i tok olsem Highlands Pacific i amamas long helpim ol pipel husat i gat laik long wok.

Mista Yauieb i tok olsem we Mista Akoitai, Bomana Polis Koles na Highlands Pacific i bin wok wantaim tu i soim gutpela wok bung wantaim we i mas kamap moa namel long ol gavman, pablik na praiwet sekta long kamapim ol gutpela developmen long kantri.

**Rot bagarap, stapim bensin long kamap long Mt Hagen**



SHELL PNG i no inap karim bensin i go long Mt Hagen, Westen Hailans provins, long wanem rot i go long hap i bagarap tru.

Bagarap i bin kamap taim graun i bruk, i no long taim i go pinis, klostu long hap rot bilong Hailans Haiwe klostu long Henganofi, Isten Hailans provins.

Operesens menesa bilong Shell PNG, Steve Underwood, i tok las Trinde olsem long namel bilong mun Mas i kam inap

nau, bensin i sot long Mt Hagen long wanem ol trak bilong kampani i no inap ron gut long Hailans Haiwe.

Kampani i bin mekim disisen long noken karim bensin i go long Mt Hagen bihain long rot trenspot menesa bilong ol i bin go na sekim ol hap rot we i bin bagarap na kamapim ripot long en bihain long ol graun i bin bruk, em i tok.

Shell i bin mekim disisen olsem ol hap rot i nogut long ol bikpela trak bilong ol we

i karim bensin long ron long en long wanem birua inap kamap olsem trak i tanim na bensin i pairap o kapsait na bagarapim ples, Mista Underwood i tok.

Em i tok kampani i tok sori long hevi bilong bensin i sot long Mt Hagen tasol ol i wok long lukluk long hevi bilong ol rot olgeta de na sapos ol i pilim olsem ol rot i orait gen long ron long en, orait ol bai karim bensin i go olgeta long Mt Hagen gen.

• Hap rot long ilektoret bilong long Westen Hailans provins we i bagarap long ol graun bruk i soim hevi we ol hap rot bilong Hailans Haiwe i wok long lukim.

Kain hevi we i stap long poto i stapim Shell PNG long karim bensin i go long Mt Hagen, na nau bensin i sot long hap.

*Poto: JAMES KILA*

**PABLIK NOTIS  
HIH INSURANCE (PNG) LTD**

Ol Dairekta bilong HIH Insurance (PNG) Limited ("HIH PNG") (pastaim ol i save kolim MBF Assurance Limited na FAI Insurance (PNG) Limited) i laik toksave olsem Kampani i no mo ronim insurens bisnis na i klostu nau long pinisim ol wok blong em insait long PNG. Olsem tasol, HIH PNG (wantaim MBF Assurance Limited na FAI Insurance (PNG) Limited) i askim sapos husait man o meri i bilip olsem em i gat kleim we kampani i no stretim yet, orait em i mas salim kleim o wari blong em i kam long dispela adres; HIH Insurance (PNG) Limited, Level 2, Mogoru Moto Building, Champion Parade, Port Moresby, P O Box 507, Port Moresby o long Fax namba 321 2780 o long email kpmgpng@kpmg.com.pg.

HIH PNG i laik tok kliia olsem dispela toksave em blong ol general insurens na wokas kompensesen kleim tasol na i no karamapim ol laip insurens kleim na polisi aninit long laip insurens bisnis blong HIH PNG. Sapos wanpela man o meri i gat kleim o wari long laip insurens polisi o seavings blong em orait em i mas go lukim o salim pas long Workers Mutual Insurance (PNG) Limited, Gabaka Street, Gordons, P O Box 292, Jacksons, National Capital District o salim fex long 323 2992 o ringim telepon 323 2929.

**Bod of Direktas blong HIH PNG i autoraisim**

**KPMG**  
Chartered Accountants  
P.O. Box 507  
Port Moresby  
Tel: 321 2022  
Fax: 321 2780  
e-mail: kpmgpng@kpmg.com.pg

**Hos res masin bai stap yet?**

OL PAPA bilong ol hos res masin long Nesanel Kepitel Distrik (NCD) i wok long apil o mekim strongpela singaut long Nesanel Kot long lukluk gen long disisen bilong en las mun we i bin tok ol i mas rausim na tromoi olgeta olsem ol masin long wanem ol i no stret aninit long lo bilong kantri.

Ol bisnis husat i bin apil em, NWM Trading Ltd, Econ Trading Ltd, Joseph Chu Tam Ng, Jackie Siew Sin Ng, John Seaw Kok Ng, Margaret Morea, Golden Purse Ltd, na Thomas Chin Chong Lee. Ol i bin givim apil bilong ol long Suprim Kot, bikpela kot bilong kantri, long Waigani.

Ol dispela bisnis i no amamas wantaim disisen Jastis Catherine Davani i bin mekim long Mas 29, na las Fonde ol i givim wanpela notis long kot we i askim long stopim wok bilong rausim na tromoi ol hos res masin



• Ol sampela man i sanap klostu long ol hos res masin long wanpela hap long Pot Mosbi bipo long kot oda long rausim ol. Tasol nau yet tu ol hos res masin i stap yet long sampela ol hap bilong siti. *Poto: JOE IVAHARIA*

inap ol i painimaut wanem bekim ol bai kisim long apil bilong ol i go long Suprim Kot. Jastis Davani long disisen bilong em long Mas 29 i bin tok olsem ol hos res masin i no stret aninit long lo bilong kantri long wanem ol i no bin kisim tok orait olsem ol masin bilong pilai laki aninit long Geming Masin Ekt 1993.

I gat ol narapela masin tu we i no bin kisim tok orait olsem ol masin bilong pilai laki we ol bisnis i wok long ronim long siti. Wanpela bilong ol em pato resis masin. Man husat i pilai bai kisim mani sapos pato o long sait bilong hos res masin, hos bilong em i win. Oda bilong Jastis Davani i bin tok olsem

ol atoriti i mas kisim rausim olgeta dispela masin long ol papa bilong ol na kisim i go long hap bilong ol Nesanel Geming Kontrol Bod husat i bai tromoi o kukim. Nesanel Geming Kontrol Bod i save was long olgeta wok we i save kamap long sait bilong pilai laki long kantri.



Civil registry office department  
for Community Development



# REJISTRESEN BILONG KARIM EM I FRI BILONG OLGETA PIKININI!

inap long namba 22 de bilong mun Mei, 2004

Olgeta papamama na ol was papamama inap long rejistarim karim bilong ol pikinini bilong ol long klinik, sios, skul, na ol teknikol na voke-senel koles i stap klostu.

**TINGIM:** Bet Setifiket em i wanpela pepa tasol inap long tok klia long nem, hap yu kam long en na krismas bilong pikinini bilong yu.

**NOKEN ABRUSIM DISPELA SANS!**



## OL REJISTRESIN SENTA BILONG KARIM INSAIT LONG NCD:

**LOCATION:**

**REGISTRATION POINT:**

**BOROKO**

1. St. Joseph's Catholic Church
2. Anglican Church of St. Martin
3. Jacobi Medical Centre
4. International Education Agency
- 5.1 Coronation Elementary
- 5.2 Coronation Primary School
- 5.3 Bavaroko Primary School
6. Salvation Army
7. United Church Rev. Sioni Kami
8. AOG (Garden Hills)

**HOHOLA**

1. St. Theresa's Clinic
2. Murray Barracks - Chaplain's Office
3. Murray Barracks Clinic
4. St. Theresa Primary School
5. Salvation Army
6. Christian Apostolic Fellowship Church
7. United Church
8. AOG Church
9. PNG Power HQ
10. Ted Diro Elementary
11. Hohola Dem School

**GORDONS**

1. AOG Harvest Centre
2. IBSA Jehova Witness
3. United Church - Rev Sione Kami
4. Gordons Police Barracks
5. Limana Vocational School
6. Evangelical Lutheran Church of PNG

**WAIGANI**

1. Christian Life Centre
2. CODE Centre for NCD/Central
3. CIS
4. CRC
5. Bahai Faith
6. Dept of Education, Inspection &

**Guidance Division**

7. Gerehu Provincial High
8. United Church

**MORATA**

9. Provincial Health Office
10. St Mary's Medical Centre (Bko0)
11. NDOH

**TOKARARA**

1. Baptist Church
2. Salvation Army
3. Morata Elementary School

**UNIVERSITY**

1. Tokarara High School
2. St John's Catholic Church
3. June Valley Elementary School

**GEREHU**

1. UPNG Clinic
1. AOG Jubilee College
2. SDA Church
3. Mormons
4. Gerehu Clinic
5. Gerehu Primary
6. Port Moresby National High School
7. Christian Apostolic Fellowship Church
8. United Church
9. Lutheran Church

**(Stage 1)**

**KILAKILA/KAUGERE/GABUTU**

1. Joyce Bay
2. Mormons
3. Kila Kila Clinic
4. Vabukori Clinic
5. Salvation Army

**KOKI/BADILI**

1. City Mission
2. Badili Clini
3. Koki Elementary
4. Badili Vocational School
5. Salvation Army

**6 MILE/ERIMA**

1. 6 Mile Clinic
2. Holy Rosary Catholic Church

**ERIMA**

3. Mormon's HQ
1. St Peter's Channel School
2. New Elementary School

**DUMP ERIMA**

1. Foursquare
2. SDA Church
3. Catholic Church
4. EBC
5. Sol Aposol Church

**TAURAMA  
PMGH - Hospital**

1. Director - Nursing Services
2. Labour Ward
3. Social Worker's Office

**Taurama Barracks**

1. Taurama Barracks Clinic
2. Chaplain's Office

**TOWN AREA**

1. Lawes Rd/Konedobu Clinic

**KONEDOBU**

1. Moromons (District President)
2. Anglican Church of St John

**HANUABADA**

1. St. Michael's Primary School

**8 MILE**

1. Christian Apostolic Fellowship
2. Catholic Church - 8/9 Mile

**9 MILE**

1. Revival Centre of PNG
2. 9 Mile Clinic

**BOMANA**

1. Police College
2. Maitaka Elementary School

**PARI**

1. Pari Community Development
2. Pari United Church
3. Pari Primary School



## Department of Prime Minister & National Executive Council Public Sector Reform Management Unit

OL BIKPELA TINGTING LONG STIAIM GAVMAN LONG STRONGIM SENIS  
LONG PABLIK SEKTA RIFOM INSAIT LONG PAPUA NEW GUINEA 2003-2007

### As long Pablik Sekta Rifom i mas kamap

Insait long wanpela bikpela toktok Praim Minista Sir Michael Somare i bin mekim i go long Palamen long 2002 Mani Plen, *The Road to Recovery and Development*, em i bin autim sampela bikpela as tingting bilong strongim wok gavman, bisnis, gutpelas sindaun, we pipel i gat wok. Ol dispela em long:-

- Strongim bek gutpela wok gavanens long pablik sekta rifom progrem bilong gavman.
- Strongim wok mani long salim samting i go aut long kantri aninit long divelopmen bilong wok mani long wok agriculture o didiman olsem daun strim prosesing o mekim samting long ol kain samting kantri i gat bilong kamapim mani insait long kantri yet na ol arapela kain wok i bringim mani i kam insait long kantri.
- Kamapim moa wok long ol kain bisnis na helpim ol liklik manmeri i gat ol bisnis bilong ol yet. Dispela i ken helpim pipel bilong helpim ol yet na rausim hevi bilong nogat wok na mani, na givim ol gutpela sindaun.
- Strongim bek bilip long wok bisnis.

Pablik sekta rifom i mas kamap long daunim ol dispela bikpela banis we i wok long pasim kantri long mekim wok kamap na divelopmen:

- Mani plen bilong Gavman em i bikpela samting tru nau yet long wanem bekim dinau i save kaikaim wan kwota bilong mani ol i makim bilong karimaut ol wok. Wanpela rivi o lukluk bek long pablik ekspenditsa o pasin bilong brukim na yusim mani i bin tokaut olsem i mas i gat rot i stap long skelim mani em bai wok insait long polisi na rot bilong plening. Dispela i ken helpim long sevim mani na strongim bek bilip long ol pablik fainens menesmen sistem.
- Kodinesen bilong plening na polisi divelopmen i kamap gutpela aninit long CACC, tasol skelim bilong rot bilong bihainim wok i mas kamap strong bilong wanem i gat ol samting i no orait yet long ejensi level long karimaut ol Gavman polisi.
- Kodinesin namel long ol sentrel ejensi na kepesiti o mak bilong mekim ol wok gut na strong i no strong. Rivi o lukluk long wok mani we i bin kamap insait long ol sentrel ejensi ol i mas mekim gen bai ol ejensi i luksave gut long ol bikpela wok bilong ol.
- Ol i mas lukluk ken long mani ol i save baim ol wok manmeri i wok long gavman. Ol i mas daunim namba we i noken stap long mak we em i save kaikaim 80 pesenlong mani bilong ol ejensi na lusim liklik hap mani tasol em i no inap long baim saplai na mekim ol narapela wok. Nupela HR Payroll System i mas kamap hariap, long skelim sais bilong wok manmeri i wok long gavman; daunim namba bilong ol wok manmeri; daunim namba bilong ol manmeri ol i stap na i no holim wanpela posisen; rausim ol 'ghost' nem o giaman wokman long pei rol; na skelim mak bilong ol alawens o mani antap long pei.
- Nupela wei o rot bilong kisim win mani bai helpim long daunim pasin bilong nogat inap mani long mani plen. Nupela hap long kisim win mani i mas kamap nau taim royalty o win mani i kam long ol i kisim ol kain ston aninit long graun i wok long go daun.
- Mak bilong 'ret teip' o ol banis long rot gavman i mekim i wok long pasim tu ol lain arasait i laik statim bisnis invesmen na bagarapim wok long gavman long givim sevis. I no long taim i go pinis, Gavman i kamapim wanpela Wok Grup long sekim dispela.
- Provinsel Administresin long planti hap bilong PNG i wok long painim hat moa long ol kain kain paol wok gavanens i kamap long wanem i nogat inap mani, menesmen na mak bilong wok na ol rot na bris i bagarap. Lukluk bek long wok mani long gavman na Sevis Impruvmen Progrem bai i stretim sampela long ol dispela hevi.
- Sampela wok em bai kamap insait long ol stetutori atoriti o gavman bisnis i ken daunim paol pasin na strongim wok em bai bringim mani i kam insait long bisnis.
- PNG em i gat bikpela helt hevi i kam long sik HIV/AIDS.
- I gat planti hevi i stap we i pasim rot bilong ol ejensi long sentrel, lain na provinsel level i karimaut wok. Hevi i olsem long mani o pipel i wok long ol dispela dipatmen.
- Korapsen o pasin stil long ples bilong wok insait long sampela dipatmen i no go daun. Ol lain husat i save sekim olsem wei bilong mekim wok ol lida i bihainim olsem Ombudsman na Odita Jenerol i stap tasol ol i painim hat long strongim akaunabiliti bilong wanem i nogat gutpela fainens menesmen na sistem bilong banis long ol paol wok pasin.
- Pasin bilong bihainim ol lo insait long pablik sekta ol i no luksave tumas long ol na i no strong tumas insait long ol ejensi. Dispela i mas i stap long abrusim ol paol wok pasin.

**Long namba 6 de long mun Mei, rit long ol bikpela tingting o objektiv insait long Pablik Sekta Rifom.**

**Pablik Sekta  
Rifom i mas  
kamap long dau-  
nim ol dispela  
bikpela banis we i  
wok long pasim  
kantri long mekim  
wok kamap na  
divelopmen:**





Department of Prime Minister & National Executive Council  
Public Sector Reform Management Unit

LAGANI 2003 IA LAO 2007 PABLIK SEKTA RIFOM  
DURUA ENA PALANI

## Pablik sekta Rifom ena badina

Prime Minister, Sir Michael Somare ese Parliament hebou lalonai lagani 2002 Budget hereva ia henia neganai Reform o senisi abia mai gaukara ena kahanai hereva badadia haida ia karaia. Inai herevadia haida be ;

- Pablik sekta rifom ena henunai gavamani ena gaukara namona do ia hatubua lou diba.
- Iseda tanobada ese kohu bona ani ani ia havaraia gaudia do ia hoihoilaia diba tanobada haida deke diai.
- Odogami maurina koua totona taunimanima dekediai bisinis karaia gaukara maragidia ia henidia.
- Bisinis gaukaradia ia durua henia bona hatubua goada.

Pablik sekta rifom ese PNG tanobada dekenai durua bada ia henia diba tanobada ena auka daladia ia hanamoa bona gaukara karaia dalana ia hatubua lou bona tubudaekau ia abia mai iseda tanobada dekenai.

- Gavamani ena moni gaukaralaia kahanai auka bada ia noho badina ena abitoreai moni davadia ia haloua amo tanobada ena moni kaha badaherea ia negea noho. Gavamani ese moni gaukaralaia kahanai tahua gaukara ta idia karaia neganai gau rua idia davaria - Inai gaudia be; bema gavamani ena tubudaekau palani bona moni gaukaralaia taravatu ita badinaia neganai Moni naria dalana do ia maoro diba bona gavamani ena moni gaukara karaia oreadia edia gaukara dalana danu ia hanamoa diba.
- Gavamani ena tubudaekau palani bona taravatu ena gaukara be orea ladana Sentral Ejensi Kodineting Komiti henunai hari ia namo noho to gaukara karaia orea momo ese inai taravatu idia badinaia lasi dainai gavamani enatubudaekau gaukara dekenai metau ia abia mai noho.
- gavamani ena gaukara oreadia ta ta edia huanai gaukara hebou dalana bema idia hanamoa neganai inai oreadia iboudiai ese edia gaukara anina momokani do idia davaria bona gavaia diba.
- Bema Pablik Sevis lalonai gaukara taudia edia gaukara davana moni idia utua diho neganai gavamani ese moni momo do ia haboua diba vadaini tubudaekau abia mai kohu bona gaukra gabudia do idia hanamoa diba. Inai nega lalonai gavamani ese gaukara taudia davana ena kahanai moni badaherea ia negea noho to inai gaukara taudia momo be idia gaukara lasi o ladana koikoi dekenai davana moni idia abia kava noho.
- Gavamani ena moni gogoa gaukara idia hanamoa neganai budget o gavamani ena moni gaukarala ia palani do ia durua bona moni abia mai dala mata matadia do idia tahua badina hari inai nega lalonai Mining gaukara amo idia abia moni be vaira nega dau dau lasi lalonai do ia ore diba bema Mining gaukara idia koua neganai.
- gavamani ena gaukara lalonai danu taravatu momo ese gaukara aheaua dalana dekenai metau ia henia bona gavamani ena Bisinesi bona taunimanima durua daladia idia koua. Hanaia nega dau dau lasi lalonai gavamani ese orea ta idia abiahidi inai metau itaia bona hanamoa totona.
- Province momo lalodiai danu gavamani ena gaukara ia heau namonamo lasi badina moni ia hegeregere lasi, gaukara diba karaia taudia bona gunalaia taudia lasi bona gaukara ofesi rumadia o kohudia momo be idia dika vadaini.
- gavamani ena gaukara oreadia lalonai gaukara maoro bona momokani daladia bema idia haginia goada neganai moni karaia gaukara do ia hatubua diba.
- Papua New Guinea tanobada lalonai HIV/AIDS gorere ia bada noho ena kahanai metau badaherea danu ia henia noho Health gaukara dekenai.
- Inai nega lalonai gavamani ena gaukara dalana ia auka badina inai gaukara karaia oreadia momo idia gaukara namo namo lasi dainai.
- gavamani ena orea badadia rua Ombudsman Commission bona Auditor General edia gaukara ia goada noho to koi koi bona henao henao karadia momo danu idia bada noho gaukara gabudia lalo diai, badina moni naria bona kerere tahua daladia idia haginia lasi dainai.
- Inai nega lalonai danu gavamani gaukara taudia momo ese ena taravatu henunai gaukara namo namo ena lalohadai idia abiadae lasi unai dainai gavamani ena gaukara gabudia lalonai kerere momo idia vara noho.

**Hua Mei 6 lalonai Pablik Sekta Rifom ena lalohadai bona ena gaukara oi duhaia bona itaia namonamo**

**Pablik Sekta Rifom ese Papua New Guinea tanobada dekenai durua bada ia henia diba tanobada ena auka daladia ia hanamoa bona gaukara karaia dalana ia hatubua lou bona tubudaekau ia abia mai iseda tanobada dekenai.**

**WANTOK****TREID DAIREKTRI**

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 8527 or Fax: Nogat yet EMAIL: wordadvertising@global.net.pg

**BAIM GOL****Gol Baia - Metals Refining Operations**

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

**GOL BAIYA****KVDC GOLD LIMITED**

1. Would you like to own a Gold Company that makes Money for you today?
2. Do you need money now? We believe you do. We can certainly help you repay all your loans if you join us today.
3. How about your current job? Is it secured and are you making money that you deserve? Call us now.
4. Is your future Financially secured? We don't think so. Call us now, do not delay.

We Specialise in:

- Buying & Selling Gold in PNG and Overseas using stronger currencies
- International Gold & Commodity Trading
- International money transfers
- Establishing OD Limits for PNG Rural people to do business
- Assisting PNG Rural People Start up Small Business

CALL US NOW!

Ph: 311 3445, 311 3444 or 311 3446

Fax: (675) 311 3447

PO Box 3183, BOROKO, NCD

Email: natwolaptru@datec.net.pg

**FRESH SAGO AND VANILLA****EAST SEPIK FRESH SAGO - K20Kg Bag**

Wewak / Madang Wewak / Hagen  
Wewak / Lae wewak / Goroka  
wewak / Moresby

Contact: Peter Devis - Ph/Fax: 856 2743

Email: pdevis@datec.net.pg

**VANILLA VINE CUTTINGS**

for sale, nearly to all destination in the country.

For price list contact Peter Devis on Ph/Fax: 856 2743, email: pdevis@datec.net.pg or postal address: P.O. Box 89 Wewak, ESP

how to make a good quality cured beans.

Book also Available

We also can be agents for vanilla bean buying companies.

**MENESMEN SEVISES****MANPOWER**

Management Services Limited  
(Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications  
(Reminders automatically remitted)

Contact: Helen, Liz,

Telephone: 321 5491 / 321 5492

Facsimile: 321 5493

Email: manpower@daltron.com.pg

**ISLANDS HR MANAGEMENT CONSULTANT LTD**

Specialise in the following activities

- Recruitment & Labour Hire
- Business development
- Rural / NGO Funded projects
- Secretarial Service

We are located at

Suit 8 Level 1 Garden City, Angau Drive, Boroko

Email: hrmc@datec.com.pg

PO Box 889, Boroko, NCD

Ph:/ Fax: 323 4799

**PISIN TANIM TOK****TRANSLATION**

WORD PUBLISHING IS OFFERING  
TRANSLATION SERVICES,  
TRANSLATE ENGLISH TO  
TOK PISIN & MOTU

FOR MORE INFORMATION CALL BONNER HUI ON

PHONE 325 2500 OR FAX 325 2579.

email: wordadvertising@global.net.pg

**REKODING STUDIO**

**GMA**  
RECORDING STUDIO

**WE CAN OFFER**

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

**INSURANCE****PABLIK NOTIS HIH INSURANCE (PNG) LTD**

Ol Dairekta blong HIH Insurance (PNG) Limited ("HIH PNG") (pastaim ol i save kolim MBf Assurance na FAI Insurance) i laik toksave long pablik olsem Kampani i kam klostu nau long pinisim ol wok blong em insait long PNG.

Olsem tasol, HIH PNG (wantaim MBf Assurance na FAI Insurance) i askim sapos husait man o meri i bilip olsem em i gat kleim we kampani i no stretim yet, orait em i mas salim kleim o wari blong em i kam long dispela adres; HIH Insurance (PNG) Limited, Level 2, Mogoru Moto Building, Champion Parade, Port Moresby, P O Box 507, Port Moresby o long Fax namba 321 2780 o long email kpmgpng@kpmg.com.pg kwik taim tasol.

Bod of Dairektas blong HIH PNG i autoraisim

**SEKENHAN KLOS****FRIENDTEX LTD**

P.O. BOX 5049 BOROKO

PHONE: 323 1471

FAX: 323 1479

Dealers & Wholesaler Secondhand Clothing

**SPEND LESS FOR BEST PRE CHRISTMAS... Specials**

A Visit is a Must

**ALL IN BALES OF 50KGS**

- K595 Jean Trousers, Child Jean, Beach Shorts, Bedsheets, Skirts, Colour Jean Pants, Child Pants, Boy colour Jean, L/Tank Tops, S/Less Dress, 3/4 Disco Pants, Nylon Rummage, Sports Shorts, Hemmed Shorts, L/Zip Jackets, Boy Jeans, Ladies Tights, M/Tank Tops, L/Sleeve Polo, Capre, Blue Jean Jackets
- K770 Cotton Pants, Kids/TShirts, Denim Shirts
- K630 Child Mix, Collar T/Shirts, BS/PCK
- K550 RN Plain T/Shirts, Skirts Pants, Jean Shorts, Mix Shorts, Floopy Pants, Socks, Skirts, Tropical Pants, Pillowcases, S/Less Blouse, Flannel Shirts

• K880 Towels, Jean 100 PCs.

**AVAILABLE & NEW STOCKS**

Cargo Shorts, Cargo Trousers, Hunting Jackets, Rugby Polo, Jersey, Cotton Blouse, Mix Jersey, Ladies Bra, Ladies Suit, Denim Bermuda Shorts 3/4, Mixed Bales AA Supreme & special price, Special discount for bulk buyers. Location: Kenmore Trade Centre Unit 11 off Cameron Road

Next to Arnotts Biscuits Factory - Gordons

**TREID NA EKSPOT****FAIRFAX EXPORTS LIMITED**

LICENSED CROCODILE SKIN TRADERS AND EXPORTERS

**We buy Crocodile Skins**

**MON - SAT**

BURNS HOUSE

STANLEY ESPLANADE, PORT MORESBY

Tel: 321 4755

Fax: 321 4751

**SURGEON ON CALL****SURGEON ON - CALL**

(24 HRS DOCTOR IS AVAILABLE)

Do you need a surgeon urgently?

Do you need to have a private surgical operation? Are you tired of waiting for an operation to be done?

Do you need a second opinion on your illness?

Or just an anonymous advice?

Do you need any other medicine related assistance?

If you do then we are happy to help

Give us a call

Phone: 311 - 3440 BH

Phone: 311-3455 BH

Mobile: 686-8585 AH

Ringim Bonner Hui sapos yu laik advatais insait long Treid Dairektri bilong mipela.

Ph: 325 2500 Fax: 325 2579 -  
Email: word @global.net.pg



**Wamen Spots Eksem**  
wantaim  
Joe Ivaharia

**Raun wantaim Kanage long olgeta wik!**

**K**anage em i wanpela man bilong Tabubil long Six Mile long Wara Kumrangbang.

Wanpela fotnait wik, em i go raun long taun. Em i bin wokabaut long san taim na seim taim hot tu i no pilai pilai na swet tu i no isi isi.

Taim Kanage i go kamap long taun em i go stret long Supa Stoa long kisim kol win insait long frisa.

I no longpela taim likpela na wanpela wokman bilong Supa Sota i lukim, na i singaut nogut tru long em.

Man, Kanage i no wanbel na isi tasol i kam i go autsait long stoa. Hariap tasol Kanage i go hapsait long pablik winhaus na skelim ol manmeri i go kam nambaut long taun ya.

Orait sampela minit i go pinis na Kanage i traim long go bek gen long dispela stoa gen, tasol ol wokman i wok long putim was long em.

Olsem na isi tasol Kanage i go na em i laik stori 'y' taim poroman bilong em mangi Souths oli kolim em Piago. Taim em i go kamap poroman bilong en i no lukim em hariap.

Dispela Poroman tu em i wanpela wokman tu long dispela stoa we em i save sindaun long geit we ol manmeri save kam aut long en.

Hariap tasol Kanage spotim em sindaun karangi na tupela kiau bilong en i hangamap i kam daun.

Wantu tasol, Kanage i go painim wanpela stik na isi tasol na sutim tupela kiau bilong dispela mangi Souths ya na em i singaut antap moa na olgeta manmeri i lukluk strong dispela man Paigo ya na ol i lap nogut tru.

Seimtaim, poroman i singaut, Kanage i saitsep namel long ol manmeri teikov olgeta long Six Mile.

**DII TAZII  
TABUBIL  
WESTEN PROVINS**

Kanage em bilong Rigo long Magi Haiwe. Em wanpela man bilong lus tingting klostu klostu.

Klostu long haus bilong em i gat wanpela widow i save silip long hap. Wanpela taim Kanage i go raun long Kwikila stesin na spak long Kwikila hotel. Baga em spak nogut tru na bihain kisim PMV na go bek long ples.

Ples i tudak na em go kamap long haus na singaut long meri bilong em i stap. "Lewa yu ting mi lus tingting long de yumi marit ah? Yu ting mi man bilong lus ting ah? Mi tingim dispela spesol de bilong yumi na mi go spak long Kwikila Hotel.

"Lewa plis mekim olgeta pikinini i silip pastaim na mekim dai lamp na bai mi kam antap, yu harim tu o?"

Long dispela taim meri long haus i singaut i kamdaun long Kanage na tok, "Em i orait Kanage, tasol inap yu toksave

long meri bilong yu long neks dua? Nogut em i kros!

Kanage em paol olgeta bikos em i go long haus bilong widow long neks dua na singaut i stap.

**J.W  
Rainbow**

Kanage bilong Bogia. Em malolo bilong em pinis na em i laik go bek gen long wok bilong em long CPL kampani long Kimbe, Wes Nju Briten provins.

Kanage i go olsem long Lae na kalap long sip *MV Mangiula*. Kanage kamap pinis long Kimbe. Mande moning tru paps Kanage kamap pinis long ples bilong wok. Man ol wanwok bilong Kanage lukim em na ol i givim bikipela amamas tru long em.

Em nau wok i pinis nau, em wantaim poro bilong em, man Kombe wokabaut i go bek long ples.

Taim tupela wokabaut i go na poro bilong em askim Kanage, hei, poro, man mipela wokman nating na mitupela i no save long traipela rait ol i raitim olsem C.P.L.

Poro yu save liklik long mining bilong em tu o nogat? Hei poro yu askim mi a, orait poro yu sindaun na yu harim gut. 'C' em Come, 'P' em Prom, 'L' em Lapaul.

Long kolim olgeta, em poro, yu mas kolim olsem, Come Prom Lapaul.

Man poro yu win stret ya, poro yu winim hamas gret tru? I no bikipela gret tumas poro, gret 13 tasol.

**JOHN DEE VAV NANA  
BOGIA  
MADANG PROVINS**

Kanage i wanpela pasta long wanpela haus lotu long Rainbow. Em wanpela strongpela man long bilip bilong bikman na em i no save laikim tumas ol man bilong spak.

Wanpela taim em i mekim semon bilong em long ol alkohol (Bia, Wiski na ol spirit). Em kirap na tokim olgeta kongrigesen olsem, "Sapos mi gat olgeta bia long wol, bai mi go kapsaitim long wara! Sapos mi gat olgeta Wiski long wol, bai mi go kapsaitim tu long wara!"

Sapos mi gat olgeta spirit long wol, bai mi go kapsaitim long wara tu! Man, olgeta manmeri i sindaun na harim strongpela toktok bilong Kanage.

Semon i pinis na Kanage i kirap na tokim kwaia masta long tokaut wanem singsing bai ol i singim.

Nau kwaia masta i kirap na tok, "Tete nau bai yumi olgeta i singim song namba 309, singsing em 'Yumi olgeta i bung long wara..'"

Taim ol kongrigesen i harim olsem, olgeta i lap na tiun bilong singsing i senis.

**Jay mero  
Unit 5 - R/Bow**

Kanage em wanpela manki JJC long not kos bilong Manus provins. Sampela taim Kanage i no save tingting stret. Kain olsem hap hap na em man bilong pasim laplap tasol. Wanpela taim em i go wantaim tambu man na sampela bois

ol i go long Wara Nyada long paitim saksak. Taim ol i go kamap, tambu i go pas long bus na setim trep bilong pik.


Ol paitim saksak pinis na Kanage em man bilong kaikai buai tu ya olsem na em raun i go insait long bus long painim kru buai. Em i save poret long go antap long diwai buai.

I no long taim ol bois i harim traipela singaut i kam long bus. Tambu bilong Kanage em i save pinis bikos singaut ya i kam olsem long dispela hap em i setim trep bilong pik. Ol boi i no westim taim, ol ron i go tasol ol i no lukim Kanage. Wanpela kasen i kirap na tok Kanage yu stap we?


Kanage i bikmaus na tok mi stap antap ya. Taim ol boi i lukluk i go antap, het bilong Kanage i hangamap i kam daun na laplap tu i hangamap karamapim pes bilong Kanage nogat las karamap. Ol boi ya i tanim tanim long graun na kilim skin stret long lap.

Kas bilong Kanage i kirap na 'ok olsem, Kanage yu karim ya. Kanage em bel kaskas stret na tok nogutim olgeta manki. Em nau ol manki harim tambu man i wok long kam na ol i kirap tokaut long em olsem no ken tru kam long hia. Hariap tru ol boi i katim rop na Kanage i het win i kam daun na hap dai long graun. Em nau Kanage i pinis long go raun long bus.

**MICHAEL SAUTO  
ERIMA**



# Gower na Lockyer bai holim Kangaroos



OL AUSTRALIAN Kangaroos bai pilai strong tru aninit long lukaut bilong namba 7 bilong ol Craig Gower na kepten na paia lait faivet bilong ol Darren Lockyer.

Gower i tok em i skelim olsem em na Lockyer bai inap long pilai gut tru long dispela gem long Fraide nait agensim New Zealand.

Beklain bilong Australia i pulap tru long ol kombinesen namel long pilai husat i pilai long wankain klab.

Tasol long hap bek na faivet tasol em Lockyer na Gower em namba wan taim bilong ol long pilai wantaim.

Kosa bilong Kangaroos Wayne Bennett i tok olsem em i luksave long dispela hevi na em i tokim tupela pinis olsem ol i mas wok hat long trening pastaim long ol i bungim ol Kiwis long Fraide nait.

"Mi save long pilai bilong em (Lockyer) na ating em i save long pilai bilong mi, so mi no wari tumas long dispela," Gower i tok.

Gower i tok em i save Lockyer bai laikim ol pas i go long em kwiktair long takol kaun na mi tu bai mi laikim bai i kam hariap long mi, tasol mi ting olsem olgeta samting bai i orait.

"Pilai wantaim wampela klas pilaia olsem Darren Lockyer em bai mi amamas tru na mi laik

pilai stret long Fraide nait," Gower i tok.

Em i tok em i amamas long werim namba seven jesi tu. Long pri sisen, em i no bin i gat sans long werim bikos Andrew Johns i bin lokim dispela posisen i stap na Brett Kimmorley i bin kisim bikipela luksave long pilai bilong em long ol Kangaroo pilai long las yia.

Tasol nau Gower i no wari long tupela man ya.

"Bai i gat bikipela presa tru. Tasol sapos yu man tru, bai yu no inap long wari long dispela. Nau em i stap long han bilong mi tasol. Brett (Kimmorley) em i wampela gutpela pilaia tasol nau em i taim bilong mi long mekim wok nau," Gower i tok.

## Strong bilong ol tim i sanap olsem bihain long pilai bilong ol long Raun 5:

Ol namba wan tim bilong brukim difens bilong arapela tim	Ol tim we difens bilong ol i winim ol arapela
Dragons	Cowboys
Eels	Dragons
Storm	Wests Tigers
Panthers	Roosters
Broncos	Storm

## Ol Top Poin Skora bihain long Raun 5

Pilaia	Tim	Trai	Gol	Fil Gol	Poins
Michael De Vere	Broncos	3	28	-	68
Luke Burt	Eels	3	23	-	58
Brett Kimmorley	Sharks	2	19	-	46
Cameron Smith	Storms	1	20	-	44
Hazem El Mazri	Bulldogs	1	20	-	44
Andrew Walker	Sea Eagles	3	14	-	44
Clinton Schifcofske	Raiders	1	17	1	39
Josh Hannay	Cowboys	1	17	-	38
Brett Hodgson	Tigers	3	12	-	36
Daniel Abraham	Knights	2	13	-	34
Mark Riddell	Dragons	3	11	-	34

## Ol Top Trai Skora bihain long Raun 5

Amos Roberts	(Penrith)	-	8
Matt Cooper	(Dragons)	-	8
Anthony Minichiello	(Roosters)	-	6
Chris Walker	(Roosters)	-	5
Kurt Gidley	(Newcastle)	-	5
Luke MacDougall	(Souths)	-	5
Matt King	(Melbourne)	-	5
Shaun Berrigan	(Brisbane)	-	5
Brent Webb	(NZ Warriors)	-	4
Chris Hicks	(Sea Eagles)	-	4
David Peachey	(Cronulla)	-	4
David Vaealiki	(Parramatta)	-	4
Eric Grothe	(Parramatta)	-	4
George Carmont	(Newcastle)	-	4
Jamaal Lolesi	(Bulldogs)	-	4
Jason moodie	(Wests Tigers)	-	4
Luke Rooney	(Penrith)	-	4
Michael Robertson	(Canberra)	-	4
Reece Simmonds	(Dragons)	-	4
Timana Tahu	(Newcastle)	-	4

## Lockyer lokim faivet posisen

ANZAC tes pilai namel long Australia na Nu Silan bai lukim Kepten Darren Lockyer i bosim namba 6 posisen olsem faivet bilong kantri bilong em.

Em bai traim long pilai hat long winim dispela namba wan pilai we em bai sanap long dispela posisen bihain long Kosa Wayne Bennett i makim em long faivet long stat bilong dispela yia.

Lockyer i bin sindaun strong long dispela posisen long stat bilong NRL resis long dispela yia.

Em i tok em i strongim tingting bilong dispela pilai bihain long em i bin go pas long Australia sait husat i bin win long las yia taim ol i daunim ol Gret Briten Lions.

"Nau yet, mi pilim olsem mi sindaun gut long dispela posisen moa long wankain taim las yia. Tasol dispela pilai nau bai namba wan taim mi bai pilai olsem kepten bilong Australia insait long kantri," em i tok.

Long sait bilong ol Nu Silan Kiwi, Lockyer i tok taim ol i bin bung bipo, ol i bin daunim ol Kangaroo. Planti pilaia bilong ol i kisim bagarap na sampela biknem pilaia bilong ol bai i no inap stap, tasol ol Kiwi em ol lain bilong pilai strongpela ragbi.

"Ol i save pilai strong tru taim ol i save makim kantri bilong ol," Lockyer i tok.

Em i tok olsem nau em i sindaun gut tru long namba 6 posisen bihain long em i pilai long en long stat bilong NRL resis inap nau.

## Tallis tok em bai pilai yet long 2005



Gordon Tallis i tok em i lukluk long pilai ragbi yet long 2005.


KEPTEN bilong Brisbane Broncos, Gordon Tallis, i tok olsem em i laik pilai yet bihain long 2004.

Bihain long em i tokaut long em bai lusim representativ futbol long las yia, Tallis i wok long pilai hat tru long pri sisen na em i lukluk nau long wampela moa sisen wantaim Broncos.

Em i tok bosman bilong Broncos, Bruno Cullen na Kosa

Wayne Bennett i klia long tingting bilong em.

"Mipela i no toktok tumas long dispela samting yet, tasol Jun 30 em i dedlain bilong kontrak bilong mi na ating tupela man ya bai kam na toktok wantaim mi long kisim gut tingting bilong mi bikos bai i gat ol arapela pilaia tu i stap we ol klab bai laik kisim ol," Tallis i tok.



# Bilong wanem na Kennedy i no makim Australia?

## ...Knights i laik save



NEWCASTLE Knights i laik save bilong wanem na kepten bilong ol Ben Kennedy i no stap long Australia. Kangaroos sait husat bai pilai agensim ol New

Zealand Kiwis long Fraide nait. Ol i wok long askim bilong wanem ol i tok em i nap long pilai long Fraide nait.

Kennedy i bin stap insait long Australia sait bilong Fraide nait pilai, tasol em i bin kisim bagarap long masol baksait long lek bilong em taim Knights i bin pilai agensim Sydney City Roosters long las wiken.

Kennedy i no bin inap long pilai long 4-pela tes pilai long las yia bikos em i bin stap long suspensen na i bin kisim bagarap. Em i no amamas long em i no stap long Australia sait na em i tok sapos ol i

bin askim em long soim sapos em inap long pilai o nogat, ating bai em i stap long Kangaroos.

"Mi no tok olsem mi orait. Tasol mi bin laikim sans long soim strong bilong mi tu. Bikpela samting em mi bin laik malolo wanpela de bihain kisim glasim bilong dokta. Mi no amamas. Mi bin laik pilai aninit long lukaut bilong Kosa Wayne Bennett, na arapela samting em mi no bin gat sans las yia bikos mi stap long suspensen

na mi bin kisim bagarap.

"Mi gat bikpela laik tru long pilai. Bikos dispela pilai bai kamap long hom graun biong mi long Newcastle," Kennedy i tk.

Australia Ragbi Lig (ARL) i tok olsem dokta bilong ol i bin kisim tok-save long dokta bilong Newcastle olsem Kennedy i no bin fit long pilai.

Kennedy wantaim Kepten bilong St George Illawarra, Trent

Barrett bai no inap stap long Australia sait. Bihain long dispela i kamap, Darren Lockyer i kisim posisen olsem kepten na faivet bilong Australia.

Barrett i bin kisim wankain hevi olsem Kennedy long las wiken, tasol tok stia em i kisim long dokta bilong ol i tok olsem em inap long pilai long Fraide nait.

Bob McCarthy, wanpela man husat i save makim ol pilaia bilong Australia, i tok ol i bin

lukluk long Barrett, tasol bihain ol i skelim olsem Darren Lockyer i wok long pilai strong long faivet posisen.

Hap bek bilong Penrith, Craig Gower i bin winim hap bek bilong Sharks, Brett Kimmorley long kisim hap bek posisen bilong ol Kangaroos.

"Kimmorley i bin kisim pinis, tasol mipela i skelim olsem Craig Gower i wok long pilai strong tru na i winim em," McCarthy i tok. "Em i paia nogut tru ya."

### Raun 7 NRL Dro

Fraide, Epril 23

Anzac Test:

Australia Kangaroos V New Zealand Kiwis  
\*Lukim dispela gem long EMTV long hap pas 8 long Fraide nait.

Sarere, Epril 24

5.30pm, Parramatta Stadium  
Parramatta Eels V Cronulla Sharks



7.30pm, Canberra Stadium  
Canberra Raiders V Newcastle Knights



7.30pm, Olympic Park, Melbourne  
Melbourne Storm V NQ Cowboys



Sande, Epril 25

2.30pm, Suncorp Stadium  
Brisbane Broncos V Penrith Panthers



3.00pm, Aussie Stadium  
St George Dragons V Sydney City Roosters



\*Lukim dispela gem long EMTV long 4 kilok long apinun na putim iau long FM 100 sapos yu laik harim laip brodkas bilong dispela na ol arapela gem tu.

3.00pm, Leichhardt Oval  
Wests Tigers V Manly Sea Eagles



Mande, Epril 26

3.00pm, Aussie Stadium  
South Sydney Rabbitohs V Canterbury Bulldogs



New Zealand Warriors - Malolo

### Steve Price senisim Civoneciva



Bulldogs kepten Steve Price

KEPTEN bilong Canterbury Bulldogs, Steve Price i kisim posisen long seken ro bilong ol Kangaroos na senisim bikman bilong ol Brisbane Broncos Petero Civoneciva bihain long Civoneciva i kisim bagarap.

Price bai senisim em long stat-ing lainap agensim Nu Silan long EnergyAustralia Stadium long Fraide nait.

Civoneciva i bin kisim bagarap long skru bilong lek bilong em.

### Kiwi kepten lukluk long suspensen

KEPTEN bilong ol Nu Silan Kiwis, Ruben Wiki bai i no inap long pilai agensim Australia long Fraide nait bikos em bai sanap long NRL kot bihain long em i mekim wanpela strong-pela hai takol long las wiken taim ol i pilai agensim Cronulla Sharks.

I luk olsem Wiki bai i no inap long pilai na bai kisim samting olsem 4 inap long 6 wiks suspensen sapos em i no winim kot bilong em long dispela hai takol.

Tasol i gat sampela gutpela nius bilong ol Kiwis bihain long vidio refri i skelim ol takol long ol pilai long las wiken na i rausim nem nogut bilong bikpela fowet bilong ol Kiwis, Joe Galuvao.

Saut Sydney kepten Brian Fletcher tu i luk olsem em bai kisim suspensen inap long wanpela o tupela wik bihain long em i paitim nating wanpela man taim ol i pilai agensim Melbourne long las wiken.

### Bikpela fowet bilong Kiwis David Kidwell i kam bek

BIHAIN long 4-pela yia we em i no pilai bilong ol Nu Silan Kiwis, bikpela fowet bilong Melbourne Storm, David Kidwell i pilai strong na winim bek Kiwi jesi bilong em.

Em bai lainap agensim Australia long Fraide nait.

Parramatta Eels senta David Vaealiki bai i no inap makim kantri bilong em bihain

long em i kisim bagarap long ol pilai long las wiken.

Kidwell nau i lukim kaikai bilong hat wok bilong em na i luk olsem em i sindaun gut wantaim ol Melbourne Storm bihain long em i bin pilai wantaim olpela Adelaide Rams tim, ol Parramatta Eels, Sydney City Roosters na Warrington klab long primia

lig long Ingran insait long supala lig.

"Mi ting olsem wanpela kain tok pilai taim ol i ringim mi long toksave olsem mi bai stap insait long Kiwi sait. Mi amamas na redi long pilai nau. Mi amamas long kisim bek jesi bilong mi long Kiwi sait bikos mi bin pilai hat tru long kisim dispela sans," Kidwell i tok.

### Poin Lata bilong NRL bihain long Raun 6

Namba	Klab	P	W	D	L	B	PF	PA	PTS	
1	Brisbane		6	5	0	1	0	157	122	10
2	Bulldogs		5	4	0	1	1	124	113	10
3	Dragons		6	4	0	2	0	165	95	8
4	Roosters		6	4	0	2	0	155	106	8
5	Panthers		6	4		2	0	160	136	8
6	Raiders	5	3	0	2	1	108	114	8	
7	Parramatta		6	4	0	2	0	163	172	8
8	Melbourne		5	2	0	3	1	162	110	6
9	Wests Tigers	5	2	0	3	1	80	102	6	
10	Newcastle		6	3	0	3	0	148	178	6
11	Souths	5	2	0	3	1	93	145	6	
12	Cowboys		5	1	0	4	1	94	90	4
13	Sharks	6	2	0	4	0	114	152	4	
14	Warriors		6	1	0	5	0	118	154	2
15	Sea Eagles		6	1	0	5	0	126	178	2

P: Pilai, W: Win, D: Dro, L: Lus, B: Bye o malolo, PF: Poin Fo, PA: Poin Agens, PTS: Poin

Lukluk long ol NRL pes neks wik long lukim ol stori na piksa bilong tim bilong yu.

# Gibs em namba wan fitness klab long Hailans

**M**ARGARET Bagaheri em wampela mama na tu em i gat tumbuna pinis. Tasol em i luk yangpela yet bikos em i save mekim ekasesais olgeta taim long stap fit na helti.

Margaret wantaim bikpela pikinini meri bilong em Lyan i save wokim ol ekasesais wantaim long wampela nupela fitness klinik long Goroka. Nem bilong dispela klinik o fitness klab em Gibs Rihabilitesin na Kondisen Klinik. Dispela fitness klab em nambawan klab tru long kamap insait long Hailans rijon.

Dispela klinik em wampela profesenol boksa bipo, Gipson Gipmai i ronim na tu em yet isave givim ol ekasesais wantaim ol lain husat i gat intares long joinim. Gipson i gat nem long profesenol boksing sotpela taim tasol em i mekim nem olsem nambawan profesenol boksa bilong Hailans husat i bin winim narapela sempion boksa bipo Mark Apai long TKO (Teknikol Nokaut).


Dispela rihabilitesin na kondisen klinik bilong Gibs i pulim ol sampela yangpela meri na ol mama husat i save bung long Goroka Holiday Lods long olgeta apinun stat long Sande inap Fonde. Taim bilong klinik em 5:30 i go 6:30.

"Mipela i stat 4-pela mun tasol olsem na mipela i no gat-ol samting olsem weits o ain long apim long strongim masol. Tasol ol ekasesais olsem ron na strets na bodi rileksesin i gutpela long bildim bodi seip na tu kamapim helt na fitness long bodi," Gipmai i tok.

Studen bilong Gipma em mama Margaret i tokaut olsem wampela bikpela samting em i painim long laip bilong em long lukautim gut bodi bilong em na stap fit na helti olgeta taim.

"Dispela trening bilong Gibson i helpim mi gut tru. Bipo mi save gat pen long skru bilong em, na sampela taim tu ol lek bilong mi i save solap na pen. Tasol taim mi joinim dispela helt fitness ekasesais bilong Gibson mi no moa pilim kain pen moa," Margaret i tok.

Narapela meri Susan George i stori tu olsem bipo em i save pilim pen long sait



• Treina Gibson Gipmai (rait) i soim rot long mekim ol wom-ap ekasesais.

sait bilong em taim em i sindaun. Tasol taim em i joinim Gibs rihabilitesin na kondisen klinik em i no pilim dispela ol pen moa.

Narapela bikman na papa bilong Goroka Holide Lods, Paul Inne tu i save mekim ol ekasesais insait long dispela rihabilitesin na kondisen klinik.

Mista Inne i tokaut olsem taim em i mekim ol ekasesais em i pilim lait stret. Bodi bilong em i pilim gut na tu em i pilim olsem em i yangpela gen long sait bilong fitness.

Gipson i stori olsem nau yet insait long kantri planti ol manmeri husat i save wok

hat long opis i no save mekim ekasesais tumas. Planti bilong ol wokman i save dring bia, simuk na kaikai buai na skin bilong ol i save les tumas long mekim ekasesais.

Dispela program bilong Gibs Rihabilitesin na Kondisen Klinik i lukluk long stretim hevi bilong ol lain husat i gat hevi long sik long lewa, ol lain husat i pat tumas na tu ol lain husat i bun na nogat weit na tu ol lain husat i no luk gutpela tumas o lain bodi seip bilong ol i no gutpela.

"Insait long dispela program mipela i laik helpim ol man na meri wantaim fitness trening we i gat ol liklik ol kain senis na

kamapim bikpela samting long laip bilong ol," Gipson i tok.

"Pasin bilong ol manmeri tude we ol i no save mekim gutpela ekasesais na tu kisim gutpela helti kaikai i wok long bagarapim laip bilong ol. Em i tru olsem planti manmeri i save dai long olgeta yia na planti taim dispela hevi i save kamap bikos ol yet i no save mekim ekasesais long bodi bilong ol, lukautim fitness na tu kisim gutpela kaikai long strongim bodi bilong ol," Gibson i tok.

Bikpela tingting bilong Gibs rihabilitesin na kondisen klinik em long mekim lsten Hailans provins i kamapim ol gutpela helti na fit manmeri.

Ol sumatin o lain husat i save kamap long ol rihabiliten na kondisen klinik i save peim K55 em fi bilong wampela yia olgeta. Dispela fi em i daunbito tru na i ken mekim ol manmeri i no westim moni bilong ol long baim marasin taim ol i sik na laik kisim marasin o operasin long ol dokta long ol praivet klinik o hausik.

## Histori bilong Gibson Gipmai

Gipson yet em bilong Simbu provins tasol em i save stap long Goroka taun longpela taim. Em i marit na i gat 4-pela pikinini.

Wampela bikpela samting long laip bilong Gibson em olsem em wampela strongpela Kristen na i save lotu wantaim Seven De Adventis Sios.

Gipson i bin kisim skul bilong mekim ol kondisen na rihabilitesin trening bilong em bihain long em i bin kisim wampela diploma long Fitnes na Nutrisen long Intenesinol Korespondens Skul (ICS) taim em i pinisim kos we i stat long 1997 inap 1999.

Dispela fitness na kondisen klinik i wampela gutpela rot tru long mekim ol manmeri i stap fit na i no inap kisim sik klostu klostu.

Ol yangpela manmeri i ken luk fit na bodi bilong ol bai luk nais long ol narapela i ken lukim.



• Yangpela meri Rachel Korarome i mekim ekasesais long bodi bilong em. Ol foto: JAMES KILA


# Nandex na Johns bai mekimsave

MANDE dispela wik PNG Kikboksing sempion "Het Anta" Stanley Nandex i tok em i redi long daunim Chris "Wait Snaipa" Johns bilong Nu Silan long Jun 25 pait bilong tupela.

Nandex i tokaut long tingting bilong em taim em wantaim Johns i lonsim dispela pait we bai kamap long Crowne Plaza Hotel long Pot Mosbi.

Tupela taim Chris i winim Nandex long pouts. Na long Mande Nandex i tok long dispela tupela taim em i nogat inap taim bilong malolo na pait gen wantaim Johns bihain long em i kamapim ol narapela pait we long dispela taim Johns i wok long kisim gut malolo i stap. Wantaim long dispela Nandex i tok ol jas long dispela taim i mekim wan sait disisen na givim win long em.

"Nau mipela i lonsim dispela pait we bai kamap long hia. Dispela pait bai kamap long graun bilong mi yet olsem na Chris mi laik tokim yu olsem mi i no inap givim yu sans," Nandex i tok na lukluk strong i go long Johns.



• Chris Johns wantaim Stanley Nandex i kaikaim tim long bung na pait taim ol i soim belt bilong Wol Taitol we nau yet i stap wantaim Johns. Foto: JOE IVAHARIA

"Na olsem mi laik strongim tingting bilong ol pipel bilong mi, PNG olsem mi bai pait long nem bilong kantri na dispela taitel bai stap long hia.

"Mi bai kisim yu. Ol las win bilong yu yu win tasol long ol poin. Yu no nokim mi aut. Na dispela ol pait i kamap long Australia na yupela Australia na Nu Silan i save wantok sistem olgeta man i save olsem dispela em i win bilong mi," Nandex i tok taim em i poin long Johns na tokim em long ai/bilong em stret.

Johns i bekim: "Dispela em i no tru. Mi gutpela man bilong pait. Mi winim yu gut long dispela ol pait. Australia na Nu Silan i no wantok sistem.

"Olsem wanem long ragbi, Australia na Nu Silan. Beng! Hah! I nogat wantok sistem," Johns i tok.

Tasol Nandex i bekim: "Nogat. Yupela wantok sistem. Nau bai mi brukim tupela lek bilong yu. Yu harim.

"Brukim, brukim" Johns i bekim. "Yu no winim mi liklik. Mi bai autim yu bipo long olgeta raun i pinis.

## Binatang kepten kisim namba wan awod

PAPUA Niugini Anda 16 Binatang skipa Anaga Isaac i kisim namba wan awot olsem pilala bilong tonamen long Kwinslen Kantri Sempionsip we i bin kamap long Mackay, Australia las wik.

Wantaim long dispela em wantaim tupela narapela wan pilala bilong em Emmaus Wartovo na Simon Kanasa i stap long Kwinslen Kantri Kukubara tim long pilai

long Kwinslend Stet Sempionsip we bai kamap long Brisbane long Mei 5-9.

Na sapos tupela i mekim gut tupela bai stap long Kwinslend Stet tim na pilai long nesenel sempionsip long Adelaide long Saut Australia.

Isaac i kisim pilala-bilong-taitol awot long em i go pas long PNG we ol pilai gut long winim ol narapela tim na kamap long gren fainal.

Ol i mas go moa yet na winim pilai tasol strong i pinis nating long rot na olsem ol i lusim dispela taitol we ol i bin winim long narapela tupela yia i go pinis. Skoa i sanap Cape York 3.1-19 na PNG i sanap 2.1-16.

Long gren fainal ol i lus long Cape York tim long siks poin, em wanpela gol tasol.

Ol narapela wan pilala bilong ol husat i no kisim seleksen i kam bek long las Fonde.

## Mopio, Pini kamapim gutpela taim

Paul Zuvani i raitim

PAPUA Niugini swim meri Anna-Lisa Mopio Jane i pinisim gut Fisher na Paykel Australia Eds Sempionsips long Perth, Australia las wik, presiden bilong PNG Swimming Inc. Liz Wells i tok taim em i amamas long swim taim bilong Mopio.

Em i tok dispela kompetisen i stat long las wik long Epril 14 na pinis long Sande we ol iven i kamap long swimming pul bilong

Salens Stedium long Perth.

Wells i tok Anna-Lisa fes i kamap long 50m fristail iven aninit long 17-18 krismas meri. Long dispela iven em i mekim wanpela liklik senis long mak taim em i bin swim long Telstra Stedium pastaim long Sidni.

Long dispela taim em i swim na kamap nain ples na swim long 27.69 sekens. Dispela Wells i tok em i sotim taim liklik tasol- 100 ov-a-seken we long Telstra Stedium em i swim long

27.70 sekens.

Long Sarere Mopio i swim wantaim 34 narapela ol swima long 100m fristail na i kamap 17 ples we em i kisim 1:00:30 minit.

Trening patna bilong em Alice Mills husat i stap long Australia Olimpik tim i swim long sotpela taim tru na kamap fes. Long 50m fristail em i swim long 25.71 sekens na long 100m fristail em i swim long 56.18 sekens.

Long taim bilong sempionsip Wells i tok Mopio i kamapim tupela 17-yia-krismas PNG rekod we i sanap 1:00.30 minit long 100m fristail na 27.69 sekens long 50m fristail.

Bihain long dispela Wells i tok Mopio bai go wantaim Ryan Pini na Krystle Babao long Fiji long Mei long swim long Osenia Sempionsip.

Dispela Osenia Sempionsip em 2004 Olimpik Kwalifaing iven na olsem Wells i tok ol dispela swima i mas kwalifai o kamap long mak we dispela bai lukim ol i kisim tok orait long kamap long dispela bikpela pilai.

Tasol long olgeta Pini wanpela tasol i kwalifai long go swim long Olimpik Gems. Na i luk olsem em wanpela tasol na i nogat yet narapela PNG spotman o meri i kwalifai yet long kisim tok orait na go pilai.

2004 FINA Long Kos Mita Wol Renking bilong ol man i lukim 50m bekstrok long 50 mita swimming stat long 1 Januari i kam inap long Epril 11 pul i lukim Ryan Pini i stap long wankain eit (8) ples wantaim Steffen Driesen bilong Jemeni na Aristidis Grigoriadis bilong Gris long taim 26.13 sekens.

Namba wan FINA Wol Renk em Matt Welsh husat i swim long taim 25.49 sekens. Bihain long em em Vyacheslav Shyroshov bilong Ukraine husat i kamap long taim 25.89, Josh Watson bilong Australia (25.92) na Marco di Carle bilong Jemeni (26.03).

Wells i tok long Wol Ryan Pini i stap long 15 ples namel wantaim olgeta namba wan swima.

Pini i save swim long 100m bekstrok, 100m bataflai na 50m bataflai na i luk olsem i gat spes we em bai kamapim moa yet ol gutpela mak bilong swim.

## Koime na Ogisi kamap fes wantaim

TUPELA top PNG meri rana Mae Koime na Nessie Ogisi i pinisim 60m mak resis wantaim na ol refri painim hat long luksave husat tru i kamap namba wan.

Tupela wantaim i pinis long 7.93 sekens we dispela i lukim tupela i setim nupela taim tu.

Saveman bilong ilektronik taiming na poto-pinis Barry Mullins i painim hat long brukim tupela long mak bilong ron na olsem em i narapela olsem tupela wantaim i kamap namba wan. Na as ples meri yet Collen Rehbein i kamap namba tri ples long taim 8.37 sekens.

Dispela resis em tupela i mekim long Townsville long Australia we tupela wantaim i wok long yusim dispela ol resis long redim ol yet long ron long Thailan Open Sempionsip.

Nupela rekod bilong tupela meri ya i kamapim seven wan hundred ov a seken long pastaim taim em Monica Jonathan i kamapim long 8:00.

Dispela em taim em i ron long 1998 Osenia Sempionsip long Nuku'alofa, Tonga.

"Mipela i no save lukim ol ronman na meri bilong mipela i kamapim kain taim ron long 60m tasol mak em tupela meri i kamapim i soim stret olsem tupela i kamapim taim i antap moa long ol rekod em mipela i mekim long ol an kilok," presiden bilong PNG Etleiks Yunion Tony Green i tok.

Bes taim em 7.8 seken we Koime, Ogisi na Rossa Maira olgeta wantaim i holim.

"Bikpela helpim i kamap long dispela resis em Nessie bai kisim strong long taim bilong dispela resis na kamap long Thailan Open Sempionsip," Green i tok.

Bihain long dispela Koime i go moa long kamap namba wan long 300m resis long taim 42.37 sekens.

Bihain long em long namba tu na tri ples em Rehbein na Ogisi.

## 97 manmeri nominet long 2004 SP Spot awot

PAPUA Niugini Spot Federesen i kisim 97 nominesen bilong 2004 SP Spot Awot.

Komiti bilong SP Spot Awot oganaising komiti i tok olsem 84-pela nominesen bilong dispela ol awot i kam long spots midia na 13pela i kam long ol spot oganaising komiti.

"Oganaising Komiti i kisim bikpela amamas na tok ol lain husat ol manmeri i nominet i gat bikpela nem long


komyuniti bilong spot na dispela bai givim bikpela het pen long ol jas," PNG Spot Federesen presiden Sir John Dawanicura.

Em i tok ol nominesen bilong dispela yia i lukim namba bilong ol nominesen long wan wan grup i kamap bikpela.


Ol grup em Tim bilong Yia, distinguish sevis i go long ol spot 16 i kam long 13 long

las yia. Spot Edministreta i kisim 13 long 10-pela husat i kisim long las yia. Junia mel atlit em eitpela i kamap long dispela yia na las yia ol i kisim sikspela tasol.


Na 18-pela long Spot man bilong yia we las yia 17pela tasol. Long Kos ov da Yia awod i gat sikspela na long Teknikol Opisa awot i gat eitpela nominesen long faivpela las yia.



• Pini i amamas bihain long em i bin winim wanpela bipo resis.



# WANTOK Spots



## Ol meri trainim bun bilong Australia

Paul Zuvani i raitim

PAPUA Niugini i no save wanem kain "solwara" em bai ron long en taim em i bungim Australia long Anda 19 OFC Olimpik kwalifaing pilai long Lloyd Robson pilai graun long Sarere.

Em i dro wantaim wantok Solomon Ailan 0-0 long Tunde pilai we win inap long go long wanpela bilong tupela sait wantaim tasol abrus na tupela i dro.

Long pilai bilong Sarere, Australia i luk olsem i save long hevi bilong PNG long pilai bilong ol na olsem em i gat plen pinis long wanem wei em bai daunim PNG.

Long save long tingting bilong kosa bilong Australia tim Adrian Santac i tok strong bilong win bilong em i stap long tim yet.

Em i tok sapos olgeta pilaia bilong em i bungim het wantaim dispela pilai em pilai bilong ol.

"Mipela i gat strongpela tingting long kwalifai long Olimpik pilai na kam bilong mipela long hia i no bilong pilai pilai," Santac i tok taim em i tokaut long tingting bilong tim.

"Na olsem pastaim mipela i no save gut long tim bilong PNG na Solomon Ailan long wanem mipela i no bin lukim ol bipo. Tasol bihain long mipela i lukim pilai bilong tupela long Tunde mipela i save wanem wei mipela bai mas pilai wantaim ol," em i tok.

"Mipela i no inap luk daun long tupela tim long wanem olgeta tim i gat strong na laik long win na olsem kam bilong mipela long hia em mipela i laik win. Na olsem mipela i no inap givim sans sapos sans bilong win i kam.

"Mi gat naispela tim we ol i ken kamapim gutpela ol pilai. Planti bilong ol pilaia bilong mi i stap long 19 na go daun na olsem mi ken tok mi gat strongpela sait. Mipela i bin tren wantaim sampela taim nau na olsem ol pilaia i save long ol yet.

"Strong bilong tim i stap long mid-fil na go long fowat. Ol i gat spid. Olsem mi bin tok pinis mi gat strongpela tim.

Em i no givim tumas ol nem bilong ol pilaia tasol i tok em i luk-luk long kepten bilong em long go pas long tim.



• Fiona Komole bilong Solomon Ailan (Han kais) i stopim Caroline Moeder bilong PNG long kism bal long Anda 19 OFC Olimpik kwalifaing pilai long Lloyd Robson pilai graun long Tunde.

"Mi bai lukluk long kepten Emma Davison long go pas na givim daireksen insait long pilai.

"Hevi bilong mipela em long san. Ples bai hat," Santac i tok.

Long sait bilong PNG ol i gat bikipela hevi long setim ol bal na sutim bal i go insait long umben.

Ol i gat strong long mid fil tasol nogat gutpela wokbung long fowet long lukim pilai i pinis gut. Long baksait i gat gutpela difens tasol sampela taim ol no save laik long rausim bal hariap long birua ples.

I luk olsem long winim Australia em bai hat. Australia i luk olsem bai bagarapim ol.

Long stopim Australia bikipela tingting bilong em nau i mas i stap long difens.

Kosa John Davani i luk olsem

bai i mas mekim sampela tenis long ol pilaia bilong em.

I moa gutpela em i mas putim risev pilaia Nialel Limbai long mid-fil na Jacqueline Chalau long fowet pas long pilai.

Tupela wantaim i difen gut na tingting long skoa long pilai bilong ol wantaim Solomon Ailan.

PNG tim i gat 100 sans long win tasol i lusim bal taim ol i mas skoa.

Sapos ol i-ken sensim dispela pasin bilong ol long pilai bilong ol nau dispela ating bai givim sans long ol long sutim wanpela o tupela gol. Sapos nogat em bai nogat.

Na long ol i laik putim bikipela tingting long skoa long pilai bilong ol bai i no inap kamapim gutpela mak bilong ol.

Dispela long wanem Australia i gat spid na paia bilong sutim gut bal. Na pilaia bilong ol i bikipela moa long ol pilaia bilong PNG.

Lain-ap bilong PNG stat long beklain gol kipa Josepha Nion, ful bek, Beverly Billie, Edith Sabaewa, Martha Kiapin, Karen Dobin, long mid fil em Esther Muta, Neilen Limbai, Cecelia Dobbin na Jacqueline Chalau. Long fowet em Caroline Moeder, Talita Dobbin na Francisca Madoni. Risev em Patricia Logha, Aileen Lepani na Jenny Mogi.

Australia bai pilai egensim Solomon Ailan tete.

Bihain long dispela ol pilai tim husat i winim planti pilai o i kism bikipela poin bai kwalifai long pilai long Gris Olimpik Gems.

## Lae bai holim Nesanel Sot Kos Swiming Sempionsip

MOA long 50 swima bai kamap long TNT Nesanel Swiming Sempionsip long Lae long dispela wiken stat long tumoro, PNG Swiming Inc. Presiden Elizabeth Wells i tok.

Em i tok ol dispela swima em krismas bilong ol i stap long siks i go antap long 22.

Yangpela stret em Jesika Green bilong Boroko Swiming klab 22 krismas em Daniel Apisah bilong Lae klab na Billy Kwarara bilong Boroko klab.

Wells i tok dispela ol swim bai lukim 2003 SPG intenesenel swima olsem Krystle Babao na Tahira Mulas. Dispela tupela swima bai swim na pait wantaim ol swima bilong PNG Swiming Developmen skwat swima olsem Charlene Andrews, Dorcas Emmanuel, Timmy Emmanuel na Judith Meauri.

Dispela ol swim bai kamap long wan wan ol krismas grup olsem 8, anda 9 na 10, 11 & 12, 13 & 14, 15 & 16 na open.

Em i tok dispela ol swim bai kamap aninit long lo bilong FINA we ol pilai i stat long tumoro na pinis long Sande.

Ol iven i kamap em 50m, 100m na 200m bekstrok, brestrok, bataflai na fristail na 400m, 800m na 1500m fristail. Ol riley em wan wan ol klab bai kamapim tim bilong ol.

Wells i tok ol swima bai yusim dispela sempionsip long trainim rekodim taim we em bai helpim ol long stap long Developmen skwat o taget skwat.


Developmen na taget skwat em tupela skwat we ol bai kism helpim long Olimpik Solidariti Komiti aninit long PNG Spot Federesen. Sapos i gat ol trening o ol pilai long sampela hap em PNG Swiming Inc. bai kism mani long dispela komiti na helpim wokabout o trening bilong ol.

**Brian Bell** & Co. Limited  
Shop with a friend  
**SPORTS**

For THE LARGEST Range of  
SPORTING EQUIPMENT  
in Papua New Guinea.

We sell Genuine Brands

• PORT MORESBY • LAE • MT HAGEN • GOROKA • MADANG • KOKOPO





# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.